

0.52 / 2
1991


ISSN 0134 3459



ქმარობი

347-

1991 1



ქოროსი

გ ა მ ო ც ე მ ი ს

33-3

შ ე ლ ი

ლიბრატორიულ-მსაბუნოლო და სასოფლისმეურნეო-კოლმედიკური შტრანა
საპარტფელოს მუხრანთა კავშირისა და ახარის განყოფილების ორგანო

რა მშენიერი ზღვა გვაქვს, აქარა,
რა მომავალი, ძვირფასი ბედით...
ქალაქი — ჩვენი ქვეყნის ფანჯარა
აღმოსავლეთით და დასავლეთით.

გ. ტაბიძე

შინაარსი

ალექსანდრე ჩხაიძე — რევუბ
ურდანია, ძე ნოესი 3

კონეზია, კროზა

ნანა გვარიშვილი — ლექსები 15

რამაზ სურმანიძე — ებრულა (ე-
ნომოთხრობის მეორე ნაწილი) 20

ჯანსუღ კორძია — ლექსები 36

გივი თევზაძე — დაკარგული სამანი
(მოთხრობა) 41

ხათუნა ვაგუა — მე კარგად მახსოვს
(ლექსი) 43

დონარა სურმანიძე — მინიატურები 54

კვა ტყეშელაძე — დამის სილუეტე-
ბი (მინიატურა) 56

ასალი თარგმანები

იერონიმას ლაუციუსი — ორი ნო-
ველა (თარგმნა ვახტანგ ახვლე-
დიანმა) 58

1

1991

იანვარი
თებერვალი



გ ა მ ო ც ე მ ი ს

მოგონებათა უპრცლები

- მამია ვარშანიძე — რა დამავიწყებს 64
- ზურაბ ფირცხალაიშვილი — ბათუმური პორტრეტები 67
- იბრაიმ გორაძე — საღაურსა საღ წაიყვან 73

წერილები

- სიმონ ვოგიტიძე — პირველი ქართველი ქრისტიანი მეფის მირიანის ცხოვრებისა და მოღვაწეობის ქრონოლოგია 77
- შოთა ზაქარიაძე — იასე რაჭველის გახსენება 86
- ანჯეი ფურიე — პოლონელი კართოვრაფები საქართველოში 89

ჯეჯილი

- რევაზ ლორია — ლექსები 92
- გასულ ორ თვეში 93

ნიმერი გააფორმა ა. ლომაძემ.
ტექნიკური ხელმძღვანელი შ. დარჩია.

მოთავარი რედაქტორი

ალექსანდრე სამსონია

სარედაქციო კოლეგია:

აზიზ ახვლედიანი,
გიორგი გაჩეჩილაძე,
ზურაბ გორგილაძე,
მამია ვარშანიძე,
(პასუხისმგებელი მდივანი),

შოთა ზოიძე,
დავით თედორაძე,
ჯემალ შათაგაძე,
ალექსანდრე ჩხაიძე,
ფრიდონ ხალვაში,
დავით სასუტაიშვილი,
ჯემალ ჯაყელი.

რედაქციის მისამართი: ბათუმი
მელიქიშვილის ქ. № 21, ტელ
3-33-71.

გადაეცა წარმოებას 11.01.91, ხელმოწერილია დასაბუქდად 7.03.91, საგამომცემლო თაბახი 4,8, შეკვეთის № 43, ქაღალდის ზომა 60×90¹/₁₆, ტირაჟი 4000.

საქართველოს სსრ გამომცემლობათა პოლიგრაფიისა და წიგნის ვაჭრობის საქმეთა სახელმწიფო კომიტეტის აჭარის ასსრ პოლიგრაფიული საწარმოო გაერთიანება, ბათუმი, იბერიის 91.

Государственный комитет Грузинской ССР по делам издательств, полиграфии и книжной торговли
Полиграфическое производственное объединение Аджарской АССР, Батуми, ул. Иберийская, 91.

რეკვებ შორდანი, ძე ნოესი

ცა ფეხად ჩამოვიდაო, რომ იტყვიან, ისეთი ამინდი იდგა იმ დღეს ბათუმში. საღამოს რეისი იგვიანებდა თბილისიდან. აეროპორტის უფროსის, ჯემალ ძნელაძის კაბინეტში ველოდით გამოდარებას ქალბატონ თინა სარჯველაძესთან ერთად. იმ რეისით თბილისიდან უნდა ჩამოსულიყო რეკვებ შორდანია, დამოუკიდებელი საქართველოს პირველი პრეზიდენტის, მთავრობის თავმჯდომარის ნოე შორდანია ვაჟიშვილი. კაცმა რომ თქვას, მე სრულიად შემთხვევით აღმოვჩნდი აეროპორტში. რეკვებ შორდანია, რა თქმა უნდა, პირადად არ ვიცნობდი. არც არავის დაუფიქრებია თბილისიდან, დავხვედროდი მას. სრულიად შემთხვევით მოვკარი ყური ერთ ოჯახში სტუმრად ყოფნისას, ქალბატონმა თინამ რომ უთხრა მასპინძლებს, პარასკევს რეკვები ჩამოდის თბილისიდანო. პრესიდან, ტელევიზიით ვიცოდი, რომ ბატონ ნოე შორდანია შთამომავალი იმ ხანად თბილისში იმყოფებოდნენ. მათ შორის იყო ვაჟიშვილი რეკვები; სწორედ წინა დღით ვინილეთ მისი გამოხველა რესპუბლიკის ახალ პარლამენტში; მაგრამ იგი ბათუმში რომ აპირებდა ჩამოსვლას, აი, ასე შემთხვევით გავიგე. თუმცა სახეებით ბუნებრივად მივიჩინე, რომ უსურვებია, მოენახლებინა ქალაქი, რომელიც სისხლხორცეულად იყო დაკავშირებული საქართველოში ბატონი ნოე შორდანია ყოფნის უკანასკნელ დღეებთან. ნათესავებიც ეყოლებოდა, ალბათ, ბათუმში. ისინი დახვდებიან, უმასპინძლებენ, ყურადღებას არ მიაკლდებიან. მათ შორის იქნებოდა ქალბატონ თინაც. მე მას წინათაც შევხვედრებარ. ვიცოდი, რომ თინა სარჯველაძე კარგა ხანს ცხოვრობდა პარიზში. ომის შემდეგ ქართულ ემიგრანტთა პირველ ჯგუფთან ერთად დაბრუნდა სამშობლოში. ფრანგული ენის სპეციალისტს საქმეს რა დაუღუგვდა. ლექციებს კითხულობდა უცხო ენათა ინსტიტუტში. ამ რამდენიმე წლის წინათ ბათუმში იდებდნენ „ქართული ფილმისა“ და საფრანგეთის ერთ-ერთი სტუდიის ერთობლივ ნაწარმოებს ვიქტორ ჰიუგოს რომანის მიხედვით. სწორედ მაშინ გავიცანი თინა სარჯველაძე. ბუნებრივია, რომ ქალბატონი თინა და ბატონი რეკვები ერთმანეთს იცნობდნენ ჯერ კიდევ პარიზიდან. ამიტომ, არ გამეკვირვებია, მან რომ გვაცნობა, პარასკევს რეკვები ჩამოდის ბათუმშიო. რა თქმა უნდა, მაინტერესებდა ბატონი რეკვების გაცნობა. მცირე იმედი მქონდა მხოლოდ, იქნებ სადმე შემთხვევით შევხვედროდი ბათუმში ყოფნის დროს.

ავდროანი პარასკევი რომ გათენდა, გულმა არ მომიბოძინა და დავურეკე ქალბატონ თინას, რომ ერთხელ კიდევ დამეწუხებინა, ჩამოდიოდა თუ არა დღეს ბატონი რეკვები. ამ დილითაც დამირეკა, ჩამოდისო; გამოირკვა, რომ იგი ქალბატონ თინასთან ჩამოდიოდა; დამხედურიც ის იყო და მასპინძელიც; ყოველი შემთხვევისათვის ვკითხე, მანქანა სომ არ იქნება საკურო-მეთქი. ტაქს ავიყვანო, მითხრა. ერთი წუთით წარმოვიდგინე ბათუმში ჩამოფრენილი ბატონ ნოე შორდანია ვაჟიშვილი, ტაქს რომ ეძებს აეროპორტში, კერძო მანქანების პატრონები რომ ევაჭრებიან, ხუთ მანეთ ნაკლებ ვერ ჩავიყვანთ ბათუმშიო! მანქანა შევთავაზე ქალბატონ თინას. რა თქმა უნდა, ესაიშოვნა, მაგრამ ცამ პირი არაფრით რომ არ გახსნა, უკვე დაღამდა კიდევ, ცნობათა ბიუროში კი მიპასუხეს, აეროპორტი დროებით დაკეტილიაო, ვალდებულად ჩავთვალე თავი, მეც გავყოლოდი.




და აი, ახლა ვზივართ აეროპორტის უფროსის კაბინეტში და ველოდებით, როდის გაიღებს ბუნება მოწყალებას. მეტეოროლოგიური სადგური გვატყობინებს, რომ თბილისშიც ავდარია, ჭემალ ძნელაძის კაბინეტში ხალხმრავლობაა. აქ არიან აეროპორტის თანამშრომლები, დამხვედურები, რომლებიც თავიანთ სტუმრებს ელიან. უკვე უკლებამ იცის, ვინ ჩამოდის დღეს ბათუმში. ამიტომ, ბუნებრივია, რომ ყურადღების ცენტრშია ქალბატონი თინა, რომელიც პასუხობს შეკითხვებს, აკმაყოფილებს მათ ცნობისმოყვარეობას. თავისთავად, არანაკლებ ინტერესს იწვევს თავად ქალბატონ თინას და მისი ოჯახის ისტორია, რაც მან გვიამბო, სანამ ველოდით გამოდარებასა და თბილისიდან ბოლო რეისის ჩამოსვლას.

უორდანიები და სარჯველაძეები ლანჩხუთიდან არიან წარმოშობით და იქიდან იცნობდნენ ერთმანეთს. საქართველოს გასაბჭოებამ გაუარა მათი გზები. იოსებ სარჯველაძემ თბილისში მოინდომა დაფუძნება. უფროსი ძმა — პავლე მენშევიკებს თანაუგრძნობდა და მეტეხის ციხეში იჯდა. მალე განათავისუფლეს, მაგრამ მისვლა, საქართველოში აღარ ეცხოვრებოდა და საფრანგეთში გადასეგწა. მართალია, იოსები პოლიტიკაში არ ერეოდა, მაგრამ 1924 წლის გამოსვლების ჩანაშობის შემდეგ, მანაც ამკობინა, განრიდებოდა ბოლშევიკურ ხელისუფლებას, ძმის კვალს გაჰყვა. ძნელი იყო სამშობლოს, ოჯახის მიტოვება, მაგრამ ასე ვადაწყვიტა ცოლ-ქმარმა, როგორც კი ფეხს მოიკიდებდა საზღვარგარეთ იოსები, ოჯახსაც წაიყვანდა. აქარლების დახმარებით გადავიდა საზღვარზე. მიწერ-მოწერით ჰქონდათ კავშირი. 1929 წელს ბარათი მოუვიდათ, ბათუმში ჩასულიყვნენ, იქ ნაცნობი აჭარლები დაესმარებოდნენ საზღვრის გადალახვაში, ხოლო თურქეთის პატარა ქალაქ სოფაში დახვდებოდათ საფრანგეთში ჩასასვლელი ვიზა და ფული. ასეც მოიქცნენ, მაგრამ სოფაში დაპირებული ვიზა და ფული არ დახვდათ, სხვა გზა არ ჰქონდათ, უნდა ელოდათ. მაშინ თინა სულ ოთხი წლისა იყო. თავის რჩენა არ გაჰიზრებოდა, რადგან მარიამი ექიმი იყო, გინეკოლოგი, საკმაოდ იშვიათი სპეციალისტი იმ კუთხისათვის; მეორე დღესვე გამოჩნდნენ პაციენტები... სინანულით დაშორდნენ „გურჯი ექიმს“, გამგზავრების დრო რომ დადგა. გემით ჩავიდნენ მარსელში, სადაც პავლე დახვდათ; იქიდან — პარიზში; იოსებს უკვე გაეჩინა საქმე, ხელი მოეცილა ქართული მანქანის დამზადებისათვის. მალე ოჯახს შეემატა კიდევ ერთი ქალიშვილი — რუსუდანი, ასე დაფუძნდნენ უცხო მიწაზე, პარიზის გარეუბანში. შევიდნენ ფრანგულ სკოლაში, შემდეგ — უმაღლეს სასწავლებელში. გამუდმებით ფიქრობდნენ საქართველოზე. სევდას ოდნავ ის აქარებდა, რომ გარშემო მთელი სათვისტომო იყო ემიგრანტი ქართველებისა. მათგან სულ ახლოს ცხოვრობდა ნოე უორდანიას ოჯახი, ხოლო ქართველების სოფელი — ლევილი ოცდაათი კილომეტრით იყო დაშორებული. მარიამი ბატონ ნოეს უფროს ქალიშვილთან — ასმათთან მეგობრობდა, თინა კი უმცროსებთან — ნათელასთან და რეჟებთან. მართალია, ქართველები ჰქირაა თუ ლხინში ერთად იყვნენ; მაგრამ პარტიულ-პოლიტიკური თვალსაზრისით გაუთავებლად კინკლაობდნენ, ერთმანეთს აბრალებდნენ, ბოლშევიკებმა რომ ჩაივდეს ხელში საქართველო, 1924 წლის გამოსვლები მარცხით რომ დამთავრდა.

...სანამ ჩვენ ქალბატონ თინასა და მისი ოჯახის პარიზულ თავადასავალს ვისმენთ, ჭემალ ძნელაძე განუწყვეტლივ რეკავს თბილისში.

ქალბატონ თინას მეტი რა დარჩენია, კვლავ ივონებს პარიზელ ემიგრანტთა ცხოვრების ეპიზოდებს:

— ქალები, მაინცა და მაინც, პოლიტიკაში არ ვერეოდით, მაგრამ არც თუ სულ გულზე ხელდაკრეფილი ვისხედით. ხშირად ვიკრიბებოდით ქართველ ქალთა კომიტეტში, რომელიც თავიდან ეკა დადიანმა შექმნა, ხოლო შემდეგ მას სათავეში ედგა მარიამ ლოლობერიძე. იმდროს საქველმოქმედო საქმეს ხელმძღვანელობდა კომიტეტი, მოხსენებებ



ზრუნვა იყო თუ ბავშვების დასახელებლად გაგზავნა, უბედური შემთხვევის გამო ხელის გამართვა, თუ რაიმე საჭირო შეხვედრა. განსაკუთრებით ომის დროს აქტიურობა ჰქონდა ქალთა კომიტეტი, დაეძებდნენ ქართველ ტყვეებს ბანაკებსა და საავადმყოფოებში, უფლიდნენ და ეხმარებოდნენ მათ. სათვისტომო დიდად დაეხმარა ჩვენებურ ემბრალებს. საბუთები დაურჩევს, რომ ისინი ქართველები იყვნენ და ამით სიკვდილს ვაიარაჩინეს. ქართველმა ტყვეებმა ჩამოაყალიბეს სიმღერისა და ცეკვის ანსამბლი, რომელსაც თბილისის კონსერვატორიადამთავრებული პეტრე ნაღბანდიშვილი ხელმძღვანელობდა. ანსამბლი ძირითადად გერმანელებისათვის მართავდა კონცერტებს, მაგრამ, როგორცაც მოახერხეს ნებართვის გამოთხოვა, რომ ერთხელ მაინც შეხვედროდნენ თანამემამულეებს. დღისით ვამართა ეს კონცერტი თეატრ „ენაში“. ენით აღწერელია, რაც ჩვენ იმ დღეს განვიცადეთ. თითქოს აღარც ომი იყო, აღარც ტყვეობა და ემიგრაცია, ყველანი საქართველოში ვიყავით. უორდანიას მთელი ოჯახი ესწრებოდა ამ კონცერტს. თვითონ ბატონი ნოე აბრძანდა სცენაზე, მადლობა გადაუხადა ქართველ მომღერლებსა და მოცეკვავეებს ასეთი თბილი, სისარულის ცრემლებმომგვრელი, დაუფიწყარი საღამოსათვის და ყველას უხსურვა სამშობლოში დაბრუნება. მეორე დღეს მთელი ანსამბლი მიტროფანე ლაღიძის ვაჟიშვილმა — თორნიკემ მიქელაძის რესტორანში დააბატოვა, სადაც მიწვეული იყო აგრეთვე საქართველოს მთავრობა ევგენი გეგუქორის მეთაურობით.

...ჩემალ ძნელადემ მიიღო ცნობა, რომ, როგორც იქნა, თვითმფრინავი გამოფრინდა თბილისიდან. ესე იგი, დაახლოებით ერთ საათში ბათუმში იქნება.

კიდევ პეტრი რამ მოვისმინეთ იმ საღამოს ქალბატონ თინასაგან, რომლის ოჯახსაც, სხვა ზევც ქართველ ემიგრანტებთან ერთად, იწვინა სამშობლოში დაბრუნების სისარულიც და განუკითხაოიის მძიმე წლებიც. ომის დამთავრებისთანავე გამოემგზავრნენ სამშობლოში. თბილისშივე დააბატირეს მისი მეუღლე — დეო ერმოლოვი-გვანცელაძე; როგორც ტყვედ ნაყოფს, 25 წლის კატორღა მიუსაჯეს. 1951 წლის დეკემბერში, რეპრესიების კიდევ ერთმა ტალღამ რომ გადაუარა საქართველოს, ქალბატონ თინას და მის წვირელ ქალ-ვაჟსაც შიაკითხეს გამოთენიას. მეუღლეს, არქიტექტორ შოთა კაკაჭიშვილს, არჩევანი შესთავაზეს, თბილისში დარჩენა ან კიდევ ოჯახთან ერთად გადასახლება სამხრეთ ყაზახეთში. რა თქმა უნდა, ბატონმა შოთამ ოჯახთან ერთად ყოფნა ირჩია. ესეც არ აკმარეს, ლანჩხუთის რაიონის სოფელ ლესაში მიაგნეს თინას 80 წლის დედას, ქალბატონ ვარდო ჭყონიას და ისიც ყაზახეთის გზას გაუყენეს, თანაც ისეთი იესუიტური განაჩენით, რომ დედა-შვილი ერთმანეთს არ შეხვედროდნენ, სხვადასხვა რაიონში უნდა ეცხოვრათ... ქართველები არც ასეთი ავბედობის უამს ჰკარგავდნენ იუმორის გრძნობას. ვინაიდან ეს ამბები დეკემბერში ხდებოდა, თავიანთ თავს „დეკაბრისტები“ დაარქვეს.

არა თუ გადატანა ყოველივე ამისა, მოსმენაც კი საზარელია, რაც იწვინეს ქალბატონმა თინამ და მისმა ოჯახმა; მით უფრო მაცებს, როგორ არ გატყდა ეს ქალი სულიერად, არ გაბოროტდა, შეინარჩუნა ძალა და ნებისყოფა, ემსახუროს თავის ხალხს, აღწარღოს ახალგაზრდობა, თესოს სიკეთე.

...ისევე აწკრიადლა ტელეფონი აეროპორტის უფროსის მაგიდაზე. ჩემალ ძნელადემ აიღო ყურმილი, შემდეგ თვითონ დარეკა სადღაც, მათთვის გასაგებ ენაზე დაელაპარაკა ვიღაცას, ქარის სიმძლავრე და მიმართულება მოიკითხა და თქვა:

— ამინდი კიდევ შეიცვალა. თვითმფრინავი შუაგზიდან დაბრუნდა თბილისში, ხვალ დილაამდე რეისი აღარ იქნება.

...ღამით ქალბატონმა თინამ დამირეკა, რეგები მეღაპარაკა თბილისიდანო, ჩათვალე, მე უკვე ვიყავი აჭარაში, ქობულეთამდე ჩამოვადწიეთ, მაგრამ ბოლოს მაინც თბილისში

დაგვაბრუნესო. უთქვამს, თვითმფრინავს უკვე ვეღარ ვენდობი, მომავალ პარაკეტებს ჩამოვალ ბათუმში, მაგრამ ამჯერად უკვე მატარებლით.

..პარაკეტეს, რკინიგზის ვაგზალზე დახვედრისა და ერთმანეთის გაცნობის შემდეგ, უპირველეს ყოვლისა, ის კვითხე ჩვენს სტუმარს, რატომ დაარქვეს სახელად რეკები. ბუნებრივია, ეს ყველას აინტერესებდა აჭარაში. მითხრა, რომ რეკები ჰქვიოდა მის დიდ პაპას, მამის ბაბუას, რომელიც, რამდენადაც იცის, მეგობრობდა აჭარლებთან.

თავიდანვე მთხოვა, რომ არავინ შემეწუხებინა ბათუმში მისი ყოფნით, იცნობრებს იგი ქალბატონ თინას ბინაში, მანქანაში ჯდომას ამჯობინებს ფეხით მოიაროს ქალაქის ქუჩები, მოინახულოს ის ადგილები, სადაც ხდებოდა 70 წლის წინანდელი ისტორიული მოვლენები, რომელთა უმუალო მონაწილეც, ბუნებრივია, იყვნენ ნოე უორდანი და მისი მთავრობა.

რეკებ უორდანიას ჩამობრძანება ბათუმში, ცხადია, შეუღმნეველი არ ღარჩებოდა ადგილობრივი ხელისუფლებისათვის, იგი მიიწვიეს აჭარის მინისტრთა საბჭოში, სადაც შეხვდა და ესაუბრა თავმჯდომარის მოადგილე, ქალბატონი ნანა გუგუნავა.

ბატონი რეკების ჩამოსვლა დაემთხვა დიდმნიშვნელოვან მოვლენას, საქართველოს უკანასკნელი მეფის — სოლომონ მეორის ცხედრის გადმოსვენებას ტრაპიზონიდან, რამაც იგი ძალიან გაახარა და მაშინვე გამოთქვა სურვილი დახვედროდა პროცესიას გონიში.

როგორც შევთანხმდით, ჩვენ დავდიოდით ქალაქის ქუჩებში და ვხვდებოდით ადამიანებს. მას ყველა ცნობდა გაზეთებში გამოქვეყნებული ფოტოებით, განსაკუთრებით — საქართველოს უზენაესი საბჭოს სესიაზე გამოსვლის შემდეგ. ყველას უნდოდა მასთან შეხვედრა, ხელის ჩამორთმევა, გამოლაპარაკება, ყველა სადღაც ეპატიუებოდა. ქართველი ადამიანისათვის დამახასიათებელი იუმორი, მოსწრებული სიტყვა, ღიმილი, გახსნილი გული აახლოებდა მათ. რომ არ მცოდნოდა, ვერაფრით დავიჯერებდი, რომ პირველად იმყოფებოდა საქართველოში.

ნოე უორდანიამ და მისმა მთავრობამ 1921 წლის 17 მარტს დატოვეს ბათუმი. იმავე წლის 11 დეკემბერს პარიზში დაიბადა რეკები. მან თითებზე დაიანგარიშა თვეები, რიცხვები და ღიმილით გვითხრა, შეიძლება ითქვას, რომ მე ბათუმელი ვარო.

ძველ ბათუმელებთან ერთად ვიხსენებთ, როგორი იყო ზღვის სანაპირო ოცინა წლებში. იმდროინდელ ფოტოებს ვათვალიერებთ. ახლანდელ ბარათაშვილის ქუჩაზე რკინიგზა გადიოდა და მაშინდელ აზიზიეს მოედანთან ჩისით მთავრდებოდა. იქ იყო 21 წლის მარტში საქართველოს მთავრობის თავმჯდომარის დროებითი „რეზიდენცია“, ჩვეულებრივი სარკინიგზო ვაგონი, სადაც წყდებოდა ქართველი ხალხის ბედი, მისი მომავალი. ასე იგონებს იმ დღეებს ნოე უორდანია მოგონებათა წიგნში „ჩემი წარსული“: „ბათუმში დაპატიმრებული ბოლშევიკები გავანთავისუფლეთ. მოვიდნენ ჩემს ვაგონში მოსალაპარაკებლად. საუბარი იყო მოკლე. ჩვენი საერთო ინტერესია მხოლოდ ერთი — ბათუმის და მისი ოლქის საქართველოს საზღვრებში დარჩენა, რაგინდ წყობილება იყოს აქ. თუ შეგიძლიათ, ამ საზღვრებში იმოქმედეთ, დაეხმარეთ ჩვენს ჯარებს ოსმალის ბათუმთან გასარეკად, — განაცხადე მე.. მთავრობას გზა დავილოცეს უცხოეთისაკენ. მთავრობა მაინც ფეხს ითრევდა, სამშობლოს დატოვება ადვილი არ ყოფილა.

დაგვაჩქარა ერთმა გარემოებამ. ტელეფონით გვითხრა ერთმა აჭარელმა დეპუტატმა (გვარი დამავიწყდა), რომ სწრაფი ნაბიჯით მოდის ულობას კავალერია, გადმოულახავს აბასთუმნის გზით აჭარის უღელტეხილი და ამბობენ, მისია გვაქვს ნოე უორდანიას დაქტრა ბათუმშიო. ეს ცნობა აღმოჩნდა მართალი. საჭირო იყო სიჩქარე. ბათუმის ქუჩებში უკვე გაჩაღდა ბრძოლა ჩვენს ჯარსა და ოსმალის შორის. გემზე გადავდივით 16 მარტს.



ის ადგილზე მოვიწოდებოდა, რკინიგზის უფრო ჩინური, სადაც უკანასკნელად ედგათ ფეხი ქართულ მიწაზე საქართველოს მთავრობას და მის თავმჯდომარეს. მეორე დღესვე აქაურობას წითელი არმია დაეპატრონა. ასე იქ ბათუმის გარნიზონის უტახია. ხმამაღლა არ გვითქვამს, მაგრამ, ალბათ, ორივემ ერთი და იგივე გავიფიქრეთ, ამ მხრივ თითქმის არაფერი შეცვლილა ამ 70 წლის განმავლობაში.

ზღვასთან შეხვედრამ კიდევ უფრო გაახალისა ბატონი რეჟები. განსაკუთრებით ახარებდა, რომ საუცხოო ამინდი იდგა. ფოტობიტიკის უმიზნებდა ყველა მიმართულებით. ასე მიეყვებოდით სანაპიროს. როგორც ყოველთვის შაბათ-კვირას, იმ დღესაც ხალხმრავლობა იყო პატარა სკვერში, სულიყო ემირიძემ და მისმა ოსტატებმა რომ გამშვინიერეს; აქ იკრიბებიან ნაღდი ბათუმელები, განურჩევლად ასაკისა, ეროვნებისა და სარწმუნოებისა. უმეტესობა ზღვასთანაა დაკავშირებული. აქ სტუმარი ხაერთოა, ყველა მზადაა სამასხინდლოდ. ბატონი რეჟების წარდგენა არ დამჭირვებია, მაშინვე იცნეს და ვარს შემოეხვივნენ. საუბარში ცოცხლდებოდა ისტორია, მოგონებანი, წინაპარბა ნაკვალევით...

ჩემი ბავშვობის მეგობარი ედუარდ ჯოჯუა მცირე ხნით გაუჩინარდა და რამდენიმე გაფერმკრთალებული ფოტო მოიტანა. ერთი მათგანი, რომელიც 1920 წლითაა დათარიღებული, ლანჩხუთშია გადაღებული. მასზე გამოსახულია ნოე უორდანიანი და მისი ნათესავები. ბატონ რეჟებთან და ქალბატონ თინასთან ერთად შეუდგენენ დადგენას, ვინაა? ბატონ ნოეს ფეხებთან რომ უზის, დედაჩემიაო, თქვა ედუარდმა. იმის გამო, რომ ქალბატონი თამარი უორდანიანი იყო გვარად, ოჯახმა იგემა რეპრესიების სუსხნი; და კიდევ სხვა ოჯახებმა; ძალიან ბევრმა იმიტომ, რომ ენათესავებოდნენ უცხოეთში გადახვეწილებს; იმიტომ, რომ მენშევიკებს უთანაგრძობდნენ, ეროვნულ გვარდაში მსახურობდნენ... შემდეგ ედუარდმა თავის სახლთან მიიყვანა სტუმარი, ძველბურ შენობასთან, რომლის პირველ სართულზე გამოცემლობა „პარაა“ მოთავსებული; აქედან წავიდაო ბატონი ნოე საზღვარგარეთ; ფოტოები გადავიღეთ.

ბატონ რეჟებს უჭირს ქართული, მაგრამ მე უფრო უარესად ვიცი ფრანგული, ინგლისური, ესპანური, ამიტომ სხვა გზა არ არის, ჩვენებურად უნდა ვილაპარაკოთ, თუ გავიჭირდება, ქალბატონი თინა გვერდით გვყავს.

— ეთერი უკვე კარგად ლაპარაკობს ქართულად, — ამბობს რეჟები. თავისი უფროსი დის — ასმათის ქალიშვილი ჰყავს მხედველობაში. — რამდენჯერმეა ნაყოფი საქართველოში. პირველად თითქმის მეოთხედი საუკუნის წინათ ჩამოვიდა, ვანტანგ ქაბუჯიანთან ერთად იცქვია მათინ „ჟიზელში“, „ლოკისოტში“. მეორედ ვანტანგ ქაბუჯიანის საღამოზე მოიწვიეს. ასეა კი ყველანი ერთად ჩამოვიდით, — ეთერი, მისი მეუღლე, ცნობილი ფრანგი მომღერალი, ზუთი „გრან-პრის“ მფლობელი, უაქ დუე-ბაიშვილი ტარიელი და მე.

ბატონ ნოეს უფროსი ქალიშვილი — ასმათი პარიზში ცოლად გაჰყვა ლევან ფალავას, რომელიც ქართული ჟურნალის „ჩვენი დროის“ რედაქტორია, ეთერი სულ ბავშვი იყო სცენაზე პირველი გამოცვლისთანავე რომ მოხიბლა პარიზელები. ჯორჯ ბალანჩინის საგანგებოდ მისთვის დაუდგამს ერთმოქმედებიანი ბალეტი „მთავრული“, ასევე სახელოვან სერჟ ლიფარს — „რომეო და ჯულიეტა“ პარიზის „გრანდ ოპერაში“. ტრიუმფით გამოდიოდა ეთერ ფალავა მილანის „ლა სკალას“, ლონდონის „პოვენ გარდენის“, მსოფლიოს სხვა თეატრების სცენაზე. ოცი წლის წინათ პარიზში გაიხსნა ხელოვნების სკოლა, რომლის ქორეოგრაფიული ჯგუფის ბაზაზე შეიქმნა საბალეტო დასი სწორედ ამ დასთან ერთად ჩამოვიდა იგი ამჟერად. თბილისის საოპერო თეატრის სცენაზე დიდი წარმატებით წარმოადგინეს კლასიკურ მუსიკაზე შექმნილი

სანახაობითი სპექტაკლი, სავანებოდ შერჩეული პალეტი „თავისუფლების გავრცელების“
რაც აზრობრივად ემბიანება ქართველი ხალხის დღევანდელ ფიქრსა და მისწრაფებს.
ბას.

ფრანგულ-ქართული ურთიერთობის შემდგომ გაფართოებაზე ფიქრობენ ეთერ
ფალავა და ჟაკ დუე; მათ მიერ დაარსებულ ქორეოგრაფიულ ფესტივალზე მიიწვევენ
ქართულ კოლექტივებს. უკვე იმყოფებოდა პარიზში ნორჩთა ქორეოგრაფიული ანსამბ-
ლი თამაზ გოგოტიშვილის ხელმძღვანელობით.

ეთერ ფალავას ვაჟიშვილსაც მოუნდომებია ბათუმში ჩამოსვლა, სახელოვანი პაპის
ნატერფალის მონახულება, მაგრამ ამჟერად ეს ვერ მოხერხდა. ბატონი რეჟები რამ
დღენიმე სიტყვით გვიხანათებს დის შვილიშვილს:

— ტარიელი ჩემზე უფრო ქართველია, გარეგნობითაც. ენის ცოდნითაც. იმიტომ
რომ პატარაობიდანვე ასმათან იზრდებოდა, ჩემს უფროს დათან, რომელიც, რომ
იტყვიან, აკვნიდან უნერგავდა სამშობლოს სიყვარულს; ტარიელიც იმიტომ დაარქვეს:
საქართველოში პირველადაა, მაგრამ ყველაფერი იცის წინაპართა სამშობლოზე. პრა-
ფესიით რეჟისორია, ამჟამად დედას ეხმარება საბალეტო დასში.

ერთხელ კიდევ დაგვიანებით რომ მოვიდა დათქმულ შეხვედრაზე. გავხუმრე, ამა-
შიც გეტყობა ქართველობა-მეთქი; გურული ქორწილივითო, ვაღიმა; აღბათ, სადღაც
მოეკრა ყური ამ გამოთქმისათვის, დაუმახსოვრებია, მაგრამ სოლომონ მეორის ცხედრის
დასახვედრად გონიოში რომ უნდა წავსულიყავით, სულ საათს დასცქეროდა, არ დაგვა-
გვიანდესო. პირიქით კი მოხდა, პროცესიამ დაგვიანა. არც იყო გასაკვირი, თურქეთ-
ში მივლინებულ ქართველთა დელეგაციას ორი ქვეყნის საბაჟო უნდა გამოეგვლო. საზღ-
ვარი მაინც საზღვარია. თუმცა დრო ტყუილად არ დაგვიკარგავს, საფუძვლიანად და-
ვათვალერეთ გონიოს ციხე. დიდად გაიხარა, ამ კუთხის თავკაცმა კირილე ბერიძემ
რომ უთხრა, ბატონი ნოე ნამყოფია აქაო. ცოტა კი შეწუხდა ბატონი კირილე, ღირ-
სეული პატივი რომ ვერ მიავო ნოე შორდანის ვაჟიშვილს, დრო არ იყო ამისათვის.
მომავლისათვის გადავდეთ უფრო საფუძვლიანი შეხვედრა.

მერე კიდევ, გურიის რაიონებიდან ჩამოსულები დაეხვიენენ ბატონ რეჟებს, კინა-
ლამ გამოგვტაცეს ხელიდან. ეს არც ისე ძნელი იყო, რადგან ოსურგეთიდან ჩოხოსან
და წვეროსან მხედართა მთელი რაზმი იყო ჩამოსული, ლანჩხუთელები იმით დავაშომ-
მინეთ, ზვალ თქვენთან ვაპირებთ ჩამოსვლასო. როგორც ეტყობა, ამ მხარეში მთელი
თვით უნდა ჩამოვიდეთო, გაიძახოდა რეჟები.

გონიოდან დაბრუნებულებს ცენტრალური ქუჩა გადაკეტილი დაგვხვდა ხალხ-
მრავლობის გამო. რა ხდებოდა, დაინტერესდა ბატონი რეჟები. ვუთხარი, რომ ჩვენს მე-
გობრებს დედა გარდაეცვალათ. დღეს დასაფლავებია, რამდენიმე წუთით დაგტოვებთ და
მეფუხსამიძრებთ-მეთქი. არ შეიძლება, მეც თქვენთან ერთად მივუხსამიძროო, მითხრა
მოულოდნელად. არავის გაკვირვებია მისი გამოჩენა, მით უფრო, ჰირისუფლებს. აღბათ
რეჟებ შორდანია არც საფრანგეთში, არც ესპანეთში და არც ამერიკაში არასოდეს მისუ-
ლა უცნობ ოჯახში მისასამიძრებლად. ქართულმა გენმა უკარნახა ეს.

მეორე დღეს ბატონი რეჟები მართლა აპირებდა ლანჩხუთში გამგზავრებას, მამისე-
ული ფუძე-კარის, უფროსი ძმის — ანდრეიკას საფლავის მონახულებას. ახლობლებთან
შეხვედრას. მაგრამ დილით მაინც შესძლო მისულიყო მარიამ ღვთისმშობლის ტაძარში
სადაც ერთი ღამით დასვენებს სოლომონ მეორის ნეშტი, პატივი მიეგო საქართველოს
უკანასკნელ მონარქისათვის, ჩამდგარიყო მგალობელთა გუნდში და მათთან ერთად ემ-
დერა „დიდება“.

თბილისში გამგზავრების დღეს კატეგორიულად განწყობილედ ბატონ რეჟებს: მართა-
ლია, მე პატივი მხვდა წილად მასპინძლობა გამეწია მისთვის, მაგრამ ამავე დროს ვარ

პროფესიონალი უფროსობის და აუცილებლად უნდა შევასრულო უფროსობის რედაქციის დავალება, ინტერვიუ ავიღო მისგან, ამისათვის კი აუცილებელია მცირე ხნით მაინც ჩვენი განმარტოება.

თითქოს შევთანხმდით, დროც დავნიშნეთ, მაგრამ მანამდე ძალიან მოინდომა საია-ლქნო კლუბის ნახვა. მით უფრო, რომ მისი ახლადდამოჩენილი ნათესავი ედუარდ ჯოჯუა ამ საქმესთანაა დაკავშირებული. დიდი ცოდნა და გამოცდილება გამოამუღავნა სანაოსნო სპორტში. ეს კი არა, საკუთარი ზეგლით აუგია კატამარანი ნიუ-იორკში, ზღვისპირა ვილაზე.

მატარებლის გასვლამდე ერთი საათით ადრე შევქმელით განმარტოება ქალბატონ თინას სახლში, რათა დამეზუსტებინა ზოგიერთი ფაქტი უორლანების ოჯახის ცხოვრე-ბიდან.

— ჯერ ეს მოისმინეთ, — მითხრა ქალბატონმა თინამ და რადიოკასეტა მომწოდა. ერთავთ მაგნიტოფონს. ისმის ქალის ხმა: „მე დავიბადე 1908 წელს თბილისში...“

— ბატონი ნოეს უფროსი ქალიშვილია, ასმათი, — მეუბნება ქალბატონი თინა.

რასაც ვისმენ, ყველაფერი საინტერესოა, მე ვიტყვოდი, ისტორიულად მნიშვნელო-ვანი. მახსოვრობას ვერ ვენდობი, ქალაღღზე გადამაქვს ზოგიერთი რამ, რაც, ჩემი აზრით, დაინტერესებს მკითხველს:

„... ძალიან გვიხაროდა ზაფხულობით ბებიასთან ჩასვლა ლანჩხუთში. ქრისტიენ ბებია ჩიქოვანის ქალი იყო, ძალიან ლამაზი, სულ ღეჩაქით მახსოვს; ორჯერ მოიტაცა ბაბუაჩემმა. თბილისში რომ გამგზავნებდა, უოველთვის გავკატანდა ხოლმე სიმინდს, ლობიოს, ხილს... ხშირად ამანათებს გვიგზავნიდა. მამა პრეზიდენტი რომ გახდა, მაშინაც. სულ ბუზღუნებდა, სანამდე უნდა გარჩინოო. აყვედრიდა, თავადებს მიწები რომ ჩამოართვებს და გლენებს დაუბრუნებს. დედაჩემიც მამას ეღდა გვერდით რევოლუ-ციურ მოძრაობაში. არ იყო მამის ადვილი ხალხის დარწმუნება, რომ საქართველო შეი-ძლებოდა უოფილიყო დამოუკიდებელი. მაინც ძველი შიში იყო შემორჩენილი. რუსეთს თუ ჩამოვშორდით, მუსლიმანური სამყარო ისევ დაგვიპყრობსო. ჩემს მშობლებს არა-ლევალური ცხოვრება უზნებოდათ, ქალაქიდან ქალაქში გადასვლა, ჩვენც, ბავშვები, თან ეახლდით დედა-მამას. სულ მიტინგები იმართებოდა. მახსოვს, მამის ბაქოში ვცხოვ-რობდით. ღამით მოვიდა მამა სახლში, გამაღვიძა, მომეფერა; მე ტირილი მოვრთე, ვე-რაფრით ვერ მივხვდი, ვინ იყო ეს შავწვერა კაცი. 1921 წლის თებერვალში, საბჭოთა რუსეთი რომ შემოვიდა საქართველოში, მამას სულ ეღდა ვხედავდით, იგი ფრონტზე იყო თავისი ვაგონით. ჩვენი გამზრდელი ახლდა ყველგან, ნინუცა მამულაიშვილი. ჩვენ ბებიასთან ვიყავით, ლანჩხუთში; როცა თბილისი აიღეს, მამამ ჩამოგვაციოხა და ბათუ-მში წაგვიყვანა. ვგრძნობდით, დიდი ამბები ხდებოდა ბათუმში. მერე ყველა იტალიურ გემზე აკედით. ბავშვები პირველად ვიყავით გემზე და ძალიან გვიხაროდა. მამა და დე-და საშინლად მოწყენილები იყვნენ, საქართველოს რომ ტოვებდნენ. კონსტანტინოპო-ლში რომ ჩავედით, ეტყობა, ამ ამბებმა ძალიან იმოქმედა მამაზე და ისე ავად გახდა, რომ ვეჭვობდით, გადარჩებოდა თუ არა. ცოტა რომ მოიკეთა, გვემგზავრეთ პარიზში, სადაც დაგვხვდა საფრანგეთის მთავრობის წარმომადგენელი და დაგვამინავა სასტუმრო-ში. მეორე ღღეს მამა მიიწვიეს მთავრობაში და ყველაფერი დაწერილებით გამოკითხეს, თუ რა ხდებოდა საქართველოში. ფული არ გვქონდა, ამიტომ ვაღავედით პატარა ბინა-ში. რაც მახსოვს, მამა სულ მუშაობდა, წერდა საქართველოს ამბებზე, ვიღაცეებს ხვდე-ბოდა. მოლაპარაკება ჰქონდა ინგლისშიც. ყველას ვეგონა, რომ დღეხანს არ გახტანდა ასეთი მდგომარეობა, კომუნისტური მთავრობა საქართველოში დღეხანს ვერ იარსებდ-და. 1923 წლის დამღვეს მოგვივიდა წერილი, გვატყობინებდნენ, რომ ბებია ავადა. მამა ძალიან განიცდიდა ამას, სულ იმას ამბობდა, დავტანჯე დედაჩემიო, სულ სადაც წა-

სული ვარ, ხან სხვა ქალაქში, ხან საზღვარგარეთო. მე ვუთხარი მამას, რომ აუცილებლად უნდა ჩავიდე საქართველოში ბებიას მოსანახულებლად. მამამ მითხრა, რომ ძალიან გინდა წასვლა, მისწერე წერილი აბელ ენუქიძეს მოსკოვში და სთხოვე ვინა საქართველოში ჩასასვლელად. ასეც მოვიქეცი, გაფუჭავნე წერილი აბელ ენუქიძეს. მალე მივიღე მისგან პასუხი და ვიპა. ამ დროს შევიტყვეთ, რომ ხუნდაძეების ოჯახი სამუდამოდ ბრუნდებოდა საქართველოში. ისინი მაშინ ბერლინში ცხოვრობდნენ. ჩველი ბერლინში, სადაც შევხვდი ირაკლი წერეთელს. იგი გვენათესავებოდა, მამიდაჩემის ნათლია იყო. როცა გაიგო, საქართველოში მივემგზავრებოდი, მომცა ფული და მითხრა, გოგითა ფაღვას გადაეციო. მოსკოვის სადგურზე დამხვდა აბელ ენუქიძე და წამიყვანა გორკის ოჯახში, პეშკოვებთან. თვით გორკი მაშინ იტალიაში იმყოფებოდა. ხუნდაძეები მოათავსეს საერთო საცხოვრებელში. პეშკოვებმა ძალიან კარგად მიმიღეს. გორკის მეუღლე იმ დროს დიდ საქველმოქმედო მოღვაწეობას ეწეოდა. დალიოდა ციხეებში, ეხმარებოდა პატიმრებს. ბევრ ქართველს დაეხმარა, პეშკოვების ოჯახში უამრავი ხალხი დალიოდა. მთელი დღის განმავლობაში დუღდა სამოვარი, გაწყობილი იყო სუფრა, მოდიოდნენ ნაცნობები, მეგობრები, ზოგჯერ — უცნობებიც, ჭამდნენ, სვამდნენ, ღამეს ათევდნენ... მოსკოვში სამი დღე დავრჩით, შემდეგ მატარებლით გავემგზავრეთ თბილისში. გზაში მომპარეს ჩემოდანი, ძალიან პატარა და ძველი. ხუნდაძეებს ძვირფასი ბარჯი ჰქონდათ, მაგრამ, მაინცა, ძალიან ჩემოდანი წაიღეს. ამათ ძალიან დამაეჭვა. აღბათ, იფიქრეს, რომ მამაჩემის დავალებით რაიმე საბუთები ან სხვა ნაწერები ჩამიქონდა საქართველოში. სადგურზე დამხვდა დეიდა, რომელიც მასწავლებლობდა თბილისში. საღამოს მოვიდნენ ჩვენთან ნაცნობ-მეგობრები, უმეტესად ახალგაზრდობა. ყველას აინტერესებდა, როგორ ცხოვრობდნენ პარიზში ქართველები, რას აპირებდა მომავალში მთავრობა. მე ბევრი არაფერი ვიცოდი, მაგრამ მაინც უურაღდებით მისმენდნენ. თბილისში ჩამომაკითხა ჩემმა ვაშკარდელმა ნინუცა მამულაიშვილმა და მასთან ერთად გავემგზავრეთ ლანჩხუთში. ბებია ქრისტინე ეწოს ჭინკართან მგლოდა. რომ დამინახა, გული წაუვიდა. საღამოს შეგროვდნენ ნათესავები, მეზობლები, გაიშალა სუფრა. უცებ ჩვენს ეზოში ატყდა სროლა. სახლში შემოვიდა პატარა კაცი. ვიდაცამ თქვა, ეს ლანჩხუთის კომისარიაო. ის პატარა კაცი ძალიან გაბრაზებული იყო. ვინ ისერის აქო?! მე მგონი, თვითონ მათ ატეხეს სროლა, რომ ამ მიზეზით შემოსულიყვნენ ჩვენთან და გაეგოთ, რა ხდებოდა უორდანიებთან. ბებია ცოტა რომ მოიკეთა. მითხრა, წავიდეთ ბათუმშიო. იქ ბევრი ნათესავი გვყავდა. ჩავედით ბათუმში და სწორედ იქ გავიგეთ, რომ დაიწყო აჯანყება ბოლშევიკური ხელისუფლების წინააღმდეგ. ეს იყო 1924 წლის აგვისტო. ერთ დღეს ჩვენთან მოვიდა ორი კაცი და წავიყვანეს ჩეკაში ბებიასთან ერთად, შეგვიყვანეს ერთ ოთახში. გვერდით გვესმოდა სმაური, ყვირილი, ტირილი... გაკვირვებული ვიყავი, არაფერი არ ვიცოდი, რა ხდებოდა, და რა უნდოდათ ჩვენგან. ჩვენს წინ გაატარეს ორი ახალგაზრდა, ნაცემი და დასისხლიანებული. ესენი იყვნენ ძმები ჩიქოვანები. იმ დამხვებე ორივე დახვრიტეს. შემდეგ შეგვიყვანეს იმ ოთახში. მაგიდას პატარა კაცი უჯდა, ბებია რომ დაინახა, კიდევ უფრო დაპატარავდა. ლანჩხუთიდან იცნობდა ბებია მათ ოჯახს. რას მიბედავ მე შენო! — უკვილა ბებია იმ პატარა კაცს. მან დაგვიწყო მტკიცება, რომ ქრისტინეს შვილმა და მამაჩემმა მოაწყო ეს აჯანყება. მე ვუთხარი, რა სისულელეებს ლაპარაკობ, როგორ მოაწყობდა მამაჩემი ამ აჯანყებას, როცა თვითონ გამომგზავნა საქართველოში, როგორ გაიმეტებდა ასე საკუთარ ქალიშვილს-მეთქი. ეს არის ხალხის სურვილი და მამაჩემი არაფერ შუაში არაა. შემდეგ ერთი ჩეკისტი შემოვიდა, შემოიტანა ტყვია და თქვა, ეს ტყვია ვიპოვე იმ სკამზე, სადაც ეს ქალიშვილი იჯდაო. მე ვუთხარი, რა სულელი ხარო.



თუ იარაღს მოვიტანდი, მოვიტანდი რევოლვერს, ტყვიით რა უნდა გამეკეთებინა. შემდეგ ავვიყვანეს ზემოთ და ჩავკეტეს ცალკე ოთახში. სხვა ტუსალები ხარდადებენ იყვნენ. დამე გვესმოდა, როგორ შემოდოდა ეკოში საბარგო ავტომობილი, მიყავდა სადაც ტუსალები, შემდეგ ისმოდა სროლის ხმა. ჩვენთანაც ამოვიდნენ რამდენჯერმე. ძალიან შეშინოდა, მაგრამ არ ვიმჩნევდი, პირიქით, ვუყვიროდი ჩეკისტებს, რას გვაწუხებთ, რა გინდათ ამ ავადმყოფი ქალისგან, როგორც კი ჩავალ პარიზში, ყველაფერს მოვკვები თქვენს შესახებ. ვამჩნევდი, მამაჩემის სახელს ჯერ კიდევ პატივს სცემდნენ საქართველოში. ბებიას მაღალი სიცხე ჰქონდა. ჩეკისტებსაც, ალბათ, შეეშინდათ, ციხეში არ მოკვდესო. საქმე იმით დამთავრდა, რომ წინადადება მომცეს, ახლავე, აქედანვე დავბრუნებულიყავი პარიზში. ასეც მოვიქეცი, ჩავქეპი გემში და გავემგზავრე საფრანგეთში. რა თქმა უნდა, ბებიას შევთავაზე, წამოსულიყო ჩემთან ერთად, მაგრამ სასტიკი უარი სთქვა, მე აქაურობას, ჩემს სახლ-კარს, მეზობლებს ვერაფრით ვერ დავტოვებო...“

...უორდანების ოჯახიდან მხოლოდ რეჟებს არ ენახა წინაპართა სამშობლო. თუმცა მის გარშემო ყოველთვის იყო პატარა საქართველო—ლევილი. ქართულად მოლაპარაკე ადამიანები, ქართული ვაზი, ქართული სული, ქართული სევდა და იმედი, რომ ოდესმე თვითონ თუ არა, მათი შვილები... მაგრამ იყო სხვა ცხოვრებაც, — პარიზი, სასწაულივით ქალაქი, სტუდენტური წლები, ფრანგულ ენაზე ახსნილი პირველი სიყვარული... ხშირად ეკითხებოდნენ, საკუთარი თავისთვისაც დაუსვამს ეს კითხვა, ალბათ, ვინ იყო იგი, ბოლოს და ბოლოს, ქართველი თუ ფრანგი, თუ არც ერთი და არც მეორე?

მეც ეს შევეკითხე:

— ბატონო რეჟე, თქვენ დაიბადეთ პარიზში, სადაც გაატარეთ თითქმის ორმოცი წელი, უკვე ოცდაათი წელია ცხოვრობთ და მოღვაწეობთ ნიუ-იორკში; ფრანგები, ალბათ, ფრანგად გთვლიან, ამერიკელები — ამერიკელად. სინამდვილეში?

— მე პარიზში დავიბადე, იქ მივიღე სწავლა-განათლება, ვეზიარე ფრანგულ კულტურას, ვაწროვებდი ფრანგულად, ამ ქვეყანაში გავატარე ოთხი ათეული წელი. უნდა ვითხრათ, რომ ქართული ემიგრაცია სახეებით სწორად მოიქცა, როცა საცხოვრებლად საფრანგეთი ირჩია. მხოლოდ ამ ქვეყანაში შეიძლება იყოს ჩვენი ქართველობის შენარჩუნება და ამისათვის მაღლობის მეტი არაფერი გვეთქმის. ამერიკაში კი ცხოვრების სულ სხვა წესია; ამერიკა ემიგრანტების ქვეყანაა; აქ ყველა ეროვნების წარმომადგენელი, იაპონელია ის, გერმანელი თუ იტალიელი, ამერიკელად ითვლება, მაგრამ ადამიანი ყოველთვის ისაა, როგორცაა მის თვითონ მიაჩნია თავი. მე ვიცი, რა ოჯახში დავიბადე, ვისი შვილი ვარ, ვინ და საიდან არიან ჩემი წინაპრები. თუმცა ფრანგულად, ინგლისურად, ესპანურად უფრო უკეთ ვლაპარაკობ, ვიდრე ქართულად. ასე გვზრდიდა დედაც, მიუხედავად იმისა, რომ იგი ეროვნებით რუსი იყო. ასე ფიქრობს უკლებლივ ნორდორდანიას დედევანდელი შთამომავლობა. ძალიან გვიანდა, ასეთად გვიგულოს ჩვენმა ისტორიულმა სამშობლომ — საქართველომ.

— რამდენიმე სიტყვით თქვენს ოჯახზე?

— დედაჩემი — ანა ივანეს ასული კორენევა პირველი ქალი იყო, რომელმაც პარიზის უნივერსიტეტი დაამთავრა იურისტის დიპლომით; სხვათა შორის, ჩემი და ნათესაიც; მანაც, პირველმა ქალთა შორის, დაამთავრა პარიზის პოლიტექნიკური ინსტიტუტი. ასმათი და ნათელა ახლაც პარიზში ცხოვრობენ. მყავს სამი შვილი, ვაჟი — ზოლტანი, ქალიშვილები — ქრისტინა და ნიკოლი, ისინი ბოლომდე პარიზელებად დარჩნენ. ნიკოლი ნაშეოფია თბილისში, უნივერსიტეტში გადიოდა სტაჟირებას ქართველოლოგიაში.

მკაცრ ამერიკელი მეუღლე — მარგარეტ ბექმანი, იგი ექიმი-ფსიქოლოგია და საქმად
მალალი რეპუტაციით სარგებლობს ნიუ-იორკში.

— როგორი ურთიერთობა ჰქონდა ბატონ ნოეს შვილებთან?

— პოლიტიკურ ბრძოლებში მამა საქმად მკაცრი და პრინციპული იყო, შვილებთან ურთიერთობაში კი რბილი და მიმტევებელი. მისგან ხმამაღალი სიტყვა არ მასსოვს, თუმცა ჩვენ ძალიან განვსხვავდებოდით ხასიათით, პრინციპებით, არც პირად ცხოვრებაში ვიყავი მთლად სანიშნუი.

ქალბატონი თინა მაწვდის გაწვთს, სადაც ვკითხულობ, რომ 1933 წელს ბატონ ნოეს შვილები და შვილიშვილებისათვის „საგულისხმიეროდ და სახელმძღვანელოდ“ დაუწერია „წიგნი ოჯახში საკითხავი“, სადაც ასეთი სტრიქონებია: „ახლოვდება ჩემი გზის ბოლო, საბოლოო ნავთსაყუდელი შორს არ არის და, როცა ვინღელი უკან, როცა ვფიქრობ, რა მრჩება, რა რჩება ჩემი ქვეყნიერებაზე. — ვერაფერს ვხედავ, გარდა ერთისა: ჩემი შვილებასა, ჩემი შთამომავლობისა, რომლითაც მე ვუკავშირდები კაცობრიობას, ვგვრძობ ჩემს მოღვაწეს, ჩემს სისხლსა და სორცს, მხოლოდ ამით ვრძელდება სიცოცხლე და იმედება უკვდავება“.

ბატონ რეკებს შევასხენე თბილისში გამართული ბაღების საღამო, რომელიც საქმად მოულოდნელად დაიწყო, მის მიერ როიალზე შესრულებული ქართული მგლოღებით. ამიტომ ბეერს აინტერესებს, მუსიკა მისთვის პროფესიაა თუ გატაცება?

— ერთიც და მეორეც. ყველა პროფესია უნდა იწყებოდეს გატაცებით, სიყვარულით. თუმცა პარიზში ფილოსოფიის ფაკულტეტზე ვსწავლობდი, ერთდროულად ვმუშაობდი მუსიკაში, ძირითადად ქართულ თემებზე. ძალიან ვარ დავადებული კომპოზიტორ ერეკლე ჭაბადარისაგან, რომელსაც, ვფიქრობ, საქმარისად არ იცნობენ მის სამშობლოში. რამდენიმე წელი ვსწავლობდი მადრიდის კონსერვატორიაში.

— შეხვედრიხართ ესპანეთში იქაურ ბაგრატიონებს?

— არა თუ შეხვედრივარ, ვმეგობრობდი ირაკლი ბაგრატიონთან. იგი საქმად მდიდარი და გავლენიანი კაცი იყო, ენათესავებოდა ესპანეთის სამეფო გვარს — ბურბონებს. ძალიან დაგვებმარა ქართველებს. რომ მადრიდში გვესწავლა, სტიპენდია უადნიშნა ჩვენთვის. პარიზშიც ბევრჯერა ნამყოფი. მასსოვს, ომის წლებში თქვენმა მოგვარებმა, გოგი ჩხაიძემ, გენერალი კენიტიპის ქალიშვილი შეერთო ცოლად. ქორწილში მოვიდა ირაკლი ბაგრატიონი თავის იტალიელ მეუღლესთან ერთად.

— საინტერესოა, როგორ ეგუებოდნენ ერთმანეთს საქართველოს სამეფო ტახტის მემკვიდრე და რევოლუციონერ დემოკრატი ლიდერის ვაჟიშვილი?

— შესანიშნავად. ისე, როგორც ქართველებს სჩვევიათ, საქმესაც ვაკეთებდით და ღროსაც ვატარებდით. სამწუხაროდ, ირაკლის შვილებს ისე კარგად არ ვიცნობ, მაგრამ ვიცი, რომ ვაჟიშვილი გიორგი მალე საქართველოში აპირებს ჩამოსვლას.

— ვგრძნობ, რომ ძალიან გიყვართ ზღვა, როგორც ცნობილია, პარიზი ზღვაზე არ მღებარეობს.

— მაგრამ არც თუ ისე შორსაა ზღვიდან, მანქანით საათნახევარში ლამაზზე ხარ მუსიკის შემდეგ საზღვაო სპორტი ჩემი მეორე გატაცებაა. ბევრჯერ მიმიღია მონაწილეობა შეჯიბრებაში. ამერიკაში ცხოვრებამ კიდევ უფრო დამაასლოვა ზღვასთან. 48 წლი ვიყავი, ერთხელ კიდევ რომ შევედი იენის უნივერსიტეტში, ორი ათასიდან თერთმეტ მიგვიღეს, საერთოდ, ამერიკა საქმეში ვერ იტანს ღილეთანტიზმს, ვიწრო სპეციალურ უფროსა დაფასებული. რაც იცი, მით უფრო, სხვებს თუ ახწავლი, უნდა იცოდეს საფუძვლიანად. ასე მოვიპოვე პროფესორობის უფლება; ნიუ-იორკის ერთ-ერთ უნივერსიტეტში ვასწავლი სტუდენტებს ზღვაოსნობის ისტორიას. სწავლება სეზონურია, ძირითადად გემებზე გვიხდება ყოფნა, პრაქტიკის გავლა.



— როგორ გგონიათ, საზღვარგარეთ საქმაოდ იცნობენ საქართველოს, მის ახლო წარსულს, დემოკრატიული საქართველოს პირველი პრეზიდენტის ვინაობას? გრძნობთ თუ არა თქვენადმი განსაკუთრებულ დამოკიდებულებას იმის გამო, რომ ნოე უორდენის შვილი ხართ?

— საფრანგეთში უფრო გვიცნობენ, სავსებით გასაგები მიზეზით. ძველი ემიგრანტები, მათი შთამომავლები ძირითადად პარიზის გარეუბანში — ლევილში ცხოვრობენ. ამერიკაში კი ეს არავის აინტერესებს, არც ის, თუ ვისი შვილი ვარ. შედარებით უკეთ იცნობენ საქართველოს ჯორჯიის შტატის ქალაქ ატლანტაში, აგრეთვე უნივერსიტეტების იმ ფაკულტეტებზე, სადაც სწავლობენ საბჭოთა კავშირის და მასში შემავალი ხალხების ისტორიას. არის ნიუ-იორკში ქართველთა მცირერიცხოვანი სათვისტომო, რომელიც წელიწადში რამდენჯერმე იკრიბება საქართველოს ეროვნული დამოუკიდებლობის დღეს — 26 მაისს. 1924 წლის გამოსვლების და ზოგიერთი სხვა თარიღის აღსანიშნავად, ზაფხულობით ვიკრიბებით ნიუ-იორკთან ახლო მდებარე პატარა სოფელ ალავერდში. ვმეგობრობდი და ახლაც ვმეგობრობ კონსტანტინე სიღამონერისთვის, რომელიც ნიუ-იორკის მუნიციპალიტეტში საქალაქო ტრანსპორტს ხელმძღვანელობდა, გვი და ოთარ ზალდასტანიშვილებთან, კოლია ქვარიანთან და სხვებთან. ამ ბოლო დროს პრესა, ტელევიზია შედარებით მეტ ადგილს უთმობს საქართველოს ამბებს.

— როგორც ვამჩნევ, თქვენ პოლიტიკოსი არა ხართ. ამით ნაკლებად გავხარო მამათქვენს, მის თანამოაზრეებს.

— მართალი ბრძანდებით, მე არა ვარ პოლიტიკოსი, არც მოწოდებით. არც ხანძით და ცხოვრების წესით, არ ვეკუთვნის არც ერთ პარტიას, მაგრამ, როცა საქმე ეხება საქართველოს, მე მაქვს საკუთარი პოზიცია და პრინციპები, ვარ იმათ მხარეზე, ვინც იბრძვის საქართველოს თავისუფლებისა და დამოუკიდებლობისათვის; ძალიან მიხარია და ვამაყობ, რომ წინაპართა სამშობლოში ვიმყოფები ამ ღირსშესანიშნავ დღეებში, როცა ქართველი ხალხი იწყებს ახალ ცხოვრებას.

— თქვენ პირველად ხართ წინაპართა მამულში, ასეთივე წარმოდგენა გქონდათ საქართველოზე, როგორც იგი იხილეთ?

— დიახ, ისეთი შვერსება მაქვს, თითქოს წინათაც ვუფილავარ და მიცხოვრია საქართველოში. ცოტათი კი მიკვირს, ასეთ რთულ ვითარებაში, როგორ შეინარჩუნა ქართველმა ხალხმა ეროვნული ტრადიციები, კაცთმოყვარეობა, სტუმრისადმი პატივისცემა! განსაკუთრებით მახარებს ახალგაზრდებთან ურთიერთობა უნივერსიტეტსა და უცხო ენათა ინსტიტუტში, სადაც მიწვეული ვარ ლექციების წასაკითხავად, თუმცა ვგრძნობ, რომ ყველაფერი წესრიგზე არაა სტუდენტთა სწავლა-აღზრდის მხრივ. ძალიან განვიცდი, როცა ვაჭეთები; ტელევიზია იტყობინებთან დანაშაულობათა შესახებ, თავისუფლება ანარქიაში არ უნდა გადაიზარდოს. საჭიროა მეტი ეროვნული თვითშეგნება და კიდევ მოთმინება და მოთმინება; არცერთი დიდი საქმე ერთი ხელის დაკვირვით არ გაკეთებულა.

თავდაპირველად გამიკვირდა, სინანულით რომ თქვა, ხეირიანი ღვინო ვერ აღმოვაჩინე თბილისშიო. რაღაც არ მახსოვს, საქართველოში ჩანოსულ სტუმარს ჩვენებური ღვინო ეძაგებინოს; პირიქით; საფრანგეთსა და ესპანეთში ნაცხოვრებ კაცს, მართალია, ღვინოთ ვერ გააკვირვებ, მაგრამ შემდეგ მივხვდი, რასაც გულისხმობდა ბატონი რეჟები, — ვაზის ქვეყანაში ღვინო ყოველთვის და ყველასათვის ხელმისაწვდომი უნდა იყოს, უპირველეს ყოვლისა, მაღაზიებში და არა მარტო ოჯახებში. ასეა ყველგანო. ამიტომ შევწუხდი, როცა ოჯახში მესტუმრა და მხოლოდ „აღება“ აღმომაჩინდა სუფრისათვის. მოულოდნელად საოცრად კმაყოფილი დარჩა ამით, ლევილში სწორედ ასეთი ვა-



ში ხარობსო, მამარემი მხოლოდ იქაურ „ადესას“ ეტანებოდაო.

ერთი საათი არაფრით არ გვეყო საუბრისათვის. ქალბატონი თინა სულ გვაჩქარებდა, მატარებლებმა არ გაგვასწროსო.

— გაგვასწრებს და ლანჩუთში დავეწვივით, — ამშვილებდა რეჟები.

ასე მხოლოდ ქართველები იტყვიან.

მატარებელი რომ დაიძრა, მაშინ ვიგრძენი, თუ რამდენი პასუხგაუცემელი კითხვა გაიყოლია თან რეჟებ უორდანიამ. თავს იმით ვიიმიედებ, რომ პირობა დადეთ, ერთ წლის შემდეგ შეხვდებით ბათუმში, სადაც გადავიხდით მისი დაბადების 79 წლისთავს. ბათუმშიდან გამგზავრების შემდეგ:

კიდევ ორი კვირა დაჰყო თბილისში, განაგრძობდა ლექციების კითხვას უნივერსიტეტში, უცხო ენათა ინსტიტუტში, იყო გაუთავებელი შეხვედრები ოფიციალურ ინსტანციებში, შემოქმედებით ორგანიზაციებში, ნათესავებთან, სრულიად უცხო ოჯახებში...

ამასობაში გაზეთმა „აპარამ“ გამოაქვეყნა ვრცელი ნარკვევი „მამის ნაკვალევზე“, რომელშიც კიდევ უფრო გაზარდა ინტერესი რეჟებ უორდანიასადმი. ზოგი ნათესავი იყო მისი, ზოგიც კიდევ თავიანთ ახლობლებს ეძებდნენ პარიზელ ემიგრანტთა შორის, მათ ნაშიერთა ვააკვალს; გამოჩნდნენ აპარელი უორდანიებიც; ვიღაცამ მის გამოც კი აღიარა, რომ თურმე ბათუმში ერთი კაციც ვერ უნახავს, რეჟები რქმეოდა, მე მქვია რეჟებიო; მთხოვდნენ მის მისამართს, ტელეფონის ნომერს თბილისში...

ბატონი რეჟების გამგზავრებიდან მეორე თუ მესამე დღეს ოფიციალურად გამოცხადდა, რომ ქალაქ ბათუმში რამდენიმე ქუჩას შეეცვალა სახელწოდება: სვერდლოვის ქუჩას ეწოდა ნოე უორდანიას სახელი.

აპარის ტელევიზიამ, რადიომ რეჟებ უორდანიას ბათუმში ყოფნას მიუძღვნა უფრანსისტ ანჰორ ზამბახიძის მიერ მომზადებული გადაცემები.

ვაზეთები, ვიდეო და რადიოკასეტები, ფოტოსურათები თბილისში გაუფრავანეთ ბატონ რეჟებს, რამაც იგი უსაზღვროდ გაახარა. მთხოვა, მოკითხვა და გულწრფელი მადლობა გადაემცა ყველასათვის, აგრეთვე ქალაქის იმ ხელმძღვანელებისათვის, ვინც ასე დააფასა და უყვდაფყო მამამისის ხსოვნა.

იმ დღეებში ბათუმის მალაზიებში ძლივს ვიშოვე ნოე უორდანიას „ჩრეული წერილები“ და მოგონებათა წიგნი — „ჩემი წარსული“, როგორც სიტყვა ჩამოვარდა საავტორო ჰონორარზე, ბატონმა რეჟებმა მითხრა, ამის თაობაზე არც მიფიქრიაო. მაინც ვუჩრჩიე, ვაერკვია ეს საკითხი, საავტორო უფლებათა სამმართველოს მისამართიც მივაწვდი. თბილისიდან დაბრუნებულმა ქალბატონმა თინამ მიაშბო, რომ წესით მეშვადრეები ავტორის გარდაცვალების შემდეგ 25 წლის განმავლობაში სარგებლობენ ჰონორარის განსაზღვრული ნაწილის მიღების უფლებით, მაგრამ ამ შემთხვევაში გამომცემლებს ძლიან მოუნდომებიათ, რომელიდაც საერთაშორისო საავტორო უფლებათა კანონი აღმოუჩინაო, თუ „როგორც გამონაკლისის“ პრინციპით უმოქმედებიათ, დაუდგენია ნოე უორდანიას მეშვადრეებისათვის საავტორო ჰონორარის განსაზღვრული ნაწილის გაცემა. ამის შედეგად გაჩნდა იდეა, ბატონ რეჟებს შეუკრებია უორდანიების მთელსანათესავო, ყველაზე ახლობელი ადამიანები და გამოუთქვამს სურვილი ნოე უორდანიას ფონდის შექმნის შესახებ. იქვე შეუდგენიათ ამ ფონდის წესდება, მისი მიზნულაღინანსების წყარო, მართვა-გამგეობის ფორმა, დასაჯილოდებელ ნაწარმოებთა შერჩევის, პრემიების მინიჭების წესი.

...პარიზში გამგზავრების წინ რეჟებ უორდანიამ ერთხელ კიდევ დამიდასტურა მისი მავალი შეხვედრის დრო და ადგილი, — 1991 წლის დეკემბერი, ბათუმი.

ასე რომ, მომავალ შეხვედრამდე, ბატონო რეჟებ!



ნანა ჰვინციანი

მცველად და ფარად

იდიდე მარად, ჩემო ქვეყანავ,
 მზით ჩალვარულო თავთუხის ყანავ!
 ქართველი ხალხის ჭიგოს ხვეულო,
 ვაზის ფოთლებში გამოხვეულო.
 შენ ერთო მუჭავ, ერთო მტკაველო
 მარაბდის ზეცავ, კრწანისის ველო,
 ნარიყალო, ციხეო ძველო,
 იდიდე მარად, ჩემო სამშობლოვ,
 გიორგის ხმალო ნაპერწყლიანო,
 დიდი აკაკის წმინდა სახატევ,
 დიდი ილიას მიწავ ცვრიანო,
 ჯადოსნურ სხივით გქარგეს და გხატეს
 ათასი ფერით ათას თილისმით
 და ქართლის დედის ჯამში ირწევა
 გულმოჩუხჩუხე შენი თბილისი.
 დვას გორგასალი მცველად და ფარად,
 ჩემო სამშობლოვ, იდიდე მარად!
 ნარინჯიანო, თურინჯიანო,
 ჩაის ფოთლებით გეცსება პეშვი,
 შოთას პწკარების ოქროს ყანაში
 ღვივის თავთუხი თამარის ეშხით.
 დილა გინამავს ოქროს ხალიჩას,
 დილა გინაბავს ვეფხვის ხალიჩას,
 ღამით ირმების რქებზე იძინებ,
 ვერ დაგაჩოქეს, ვერ დაგამუხლეს,
 ასჯერ გასტეხე უღელი მძიმე.
 იდიდე მარად, ამაღლებულო
 სამშობლოვ ჩემო ცად აწეულო,
 გმირთა დიდების დროშავ გაშლილო
 გმირთა აკვნებით გადარწეულო,

მტკვარო, არავგო, ცელქო ლიახვო,
ტივიშო, ყვარვლო, პატარძლეულო...
დგას გორგასალი მცველად და ფარად,
ჩვენო სამშობლოვ, იდიდე მარად!

ქალაქში შვეიცარიის ახალი წელი...

გუძღენი ბავშვობის მეგობრებს

მე თითქოს მესმის კვლავაც „ალილო“
და მაკრთობს თქვენი ბავშვური ხმები.
სადა ხართ ახლა, თმებდათოვლილნო.
სადა ხართ-მეთქი? — მე გეკითხებით.
თოლიის ფრთების ტკაცანი მესმის.
ტალღის სუნთქვა და ჩხრიალი სილის.
ჩიტებმა ფანტელის ძაფი გააბეს
თუ ვიოლინოს მორთოლვარე სიმი?
ყველას სახლებში ცხვებოდა რაღაც
და ყველას სახლში ელავდა ცეცხლი,
და ციმციმებდა პატარა ტბასთან
ტირიფის თმებში ძაფები ვერცხლის.
ქალაქში შემოდის წელი ახალი,
უთვალავ ვარსკვლავის მზისფერი ალით,
ყვავილის თეთრი ფიფქით დამშვენდა...
ყველა ქალაქის ყველა ბავშვებო
დიდება თქვენდა!
დიდება თქვენდა!

ნაზიმ ჰიქმეთი ბატუმის არუსთაველის სახელობის ინსტიტუტში 1954 წელს

მღელვარებს ბოსფორის ტალღები
თუ ეს ახალგაზრდების ზღვაა.
ამდენი მზეჭაბუკის ხილვა
სიხარულზე მეტია, რაღაც სხვაა.
ლივლივა ნაპირზე მეთევზეები
ბადეებს შლიან
თუ თეთრად ფრიალებს

ბავშვების პერანგის თეთრი არშია?

— მათებრ ლალი ჭაბუკი გაიზრდება

ჩემი მეჭმედი, დედის იმედი, —

ფიქრობს ჰიქმეთი.

უცებ მოეჩვენება მგოსანს

ფირაე-ჰანუმი, ღიმილში ხვევდა.

სინხარულის ჟამს უფრო მწვავეა

სამშობლოს სევდა.

თეთრი გოგონები თეთრ ვარდებს აწვდიან,

სინხარულის ტალღამ ჭაბუკები ისევ

გადაარწია,

ისევ გუგუნებს დარბაზი:

— გაუმარჯოს ნაზიმ ჰიქმეთს!

— სამშობლოს ნახვა მელირსოს იქნებ.—

ნატრობს მგოსანი და

უხილავ კოცნას ყველას უგზავნის

სტამბოლის ბილიკებისაგან

მიმავალი მგზავრი.

ბოსფორში ისევ აბრჭყვიალდა

გემების სანათურების ალი,

მას ხომ ყველგან ხედავდა

მშვიდობის მომღერალი.

გლოტადა და კაჟია ჟვავილი

გარეთ შემაზრუნენი წივილით

სკდებოდნენ ყუმბარები

და ქუჩაში ადამიანთა

განსაცდელი ძრწოდა...

როცა ტანია სავიჩევას

წვრილი თითებით

გოგონამ კომპოზიტორს

ყვავილი მიაწოდა...


შეუერთა შესტაკოვიჩი

მიწის პაწია მშვენებას,

ფესზე წამოდგა უცებ ორკესტრი...

უმწვანეს ფოთლების შრიალი ესმით.

5966/61



კომპოზიტორს წამწამი დაუსველდა
უწმინდეს რთვილით...

ღმერთო, ამ ჯოჯოხეთურ
ცეცხლსა და ყინვას
როგორ გადაურჩა პაწია ყვაველი?!
თითქო ირწეოდა ქარვისფერი
პურის ყანა
და თავთუხის სუნთქვა შემოჰქონდა
მობერილ ნიავეს.

ასწია ხელი ღირიყორმა და
კვლავ აგუგუნდა
ლენინგრადის ბლოკადის
სიცოცხლის სიმფონია.

ოღონდაც...

ნანა კანდელაკს

ყველა ბავშვის სისარული გვინდა,
ღედის გულეები ერთმანეთს გვანან.
დიდი, დიდი გულეები გვაქვს,
ძვირფასო ნანა!

იგი ყველა ბავშვის ფიქრს უაღერსებს
და უფაქიზეს ოცნებებს იტევს,
იდუმალ ნატვრით ყველგან ახარებს
უმშვენიერეს ალისფერ ტიტებს.

ყველა ქვეყანა ხარობდეს უნდა,
ყველა ღედის გულს იდუმლად იყოფს,
ოღონდაც ყველგან
მშვიდობა იყოს!
ოღონდაც ქვეყნად
მშვიდობა იყოს!

სიბრძნე, მშვენიერება ქალის

ქალის სწავლა-განათლებას უდიდესი მნიშვნელობა აქვს. ქალი პატარა ნაპერწკალს ჰგავს, რომელსაც შეუძლია ლამპარი ანთოს თავისი ერის მშვიდობიანი მომავლის გასანათებლად. შევკავშირდეთ ისევე, როგორც თამარ მეფის დროს ვიყავით...

სამონი მონი

გულოლა.

თამარ დედოფლის ლამპარი
ქართველთ ქვეყანას შუქს ფენდა,
ეფინა მწვანე ველს ციალი,
ნაირფერ ყვავილის ფერთა,
ეზვია ვენახის გრებილი,
ვაზების ძარღვების ფეთქვა,
ელავდა რაინდთა ხმლები და
მას საქართველო ერქვა.
რვა საუკუნის შემდეგ
ღვთაებრივ განგის პირას
ცხრა მილიონმა ხალხმა
ერთხმად შეჰფიცა ინდირას.
ექნება მშვიდობას შუქ-ბრწყინვა
მისი ლამპარის აღის,
მულამ დიდებად ექნებათ
სიბრძნე მშვენიერება ქალის.
ღღეს კოსმონავტი ქალები
ვარსკვლავის საკრეფად ადიან...
„ლეკვი ლომისა სწორია
ძუ იყოს თუნდა ხვადია“.



ე მ რ უ ლ ა

წიგნი მეორე

რვა წლის წინ ყურნაღმა „ქორონმა“ დაბეჭდა მწერალ რამაზ სურგულაძის ვრცელი კინომოთხრობა „ემრულა“. მალე ეს ნაწარმოები „საბჭოთა აქარამ“ ცალკე წიგნად გამოსცა. იგი ძალზე მალე ბიბლიოგრაფიულ იშვიათობად იქცა.

წიგნის ბოლოთქმაში ავტორი მკითხველებს აუწყებდა: „ემრულა მალაყ-მადის სიცოცხლის ბოლო წლებში აწრთა სხვადასხვაობის გამო მოთხრობაც დაუმთავრებელ შთაბეჭდილებას სტოვებს. ზოგი საბუთით ის ცალმხრივ სიყვარულს ემსხვერპლა: დააპატიმრეს და ქუთაისის ციხეში გარდაიცვალა, თუ მოკლეს. იმასაც ამბობენ, ბოქილდადებული აბრაგი გზიდან გაექცათო, ან კიდევ მეგობრებმა გამოიხსნეს და მისი სიკვდილით აღესრულაო.

თუ ოდესმე შევძელით სინამდვილის დადგენა, მომავალ მოთხრობაში შესაძლოა ემრულას დამაზი ბიოგრაფიაც გაგრძელდეს“...

უკანასკნელ წლებში ავტორმა შეკრიბა სრულიად ახალი, კიდევ უფრო დამაჯერებელი თქმულებები, ისტორიული საბუთები და... ეროვნულ-განმათავისუფლებელი ბრძოლის სახელოვანი გმირის დამაზი ბიოგრაფიაც გრძელდება.

— ათი დღე ენვერი არ ჩანდა, — თქვა ბექსიამ და ტანტზე გვერდი მოიცვალა, — ახლა უტარო დანასავით ნიაზი გადაიკარგა, არავინ იცის, სად გაიჭრა, სად ვეძებოთ ეს ბიჭი. ერთი კაცით სულ ნაკლები ვართ.

— ერთი კაცი მარქაფში უნდა გვეყვდეს, რაზმიც იმით უნდა შევაგსოთ. ოცდაათზე ნაკლები არ უნდა ვიყოთ, ხომ გახსოვს ჩვენი პირობა?

— მახსოვს, როგორ არა, მაგრამ ჯერ ნიაზი მოვნახოთ, თან ვიფიქროთ, მარქაფში ვინ გამოგვადგება.

ემრულა დანჯარასთან მივიდა, მზერა შორს გაექცა.

— გულიაშვილი ხომ არ მოგვეყვანა? — თავად შესთავაზა ბექსიამ.

— რომელი?

— ბარეევანიდან რომაა, ჯემალი.

ემრულას გაეღიმა.

— მაგას ჩემს გამო რაც სჭირს, ისიც ეყოფა, დუშმანები მე მამსგავსებენ და ერთ-ორჯერ კინალამ შემოაკვდათ მშვიდობიანად მიმავალი კაცი. ახლა აქ რომ მოვიყვანოთ, ვეღარ გავგარჩევინ და ვინ იცის, რა ფიფიერაკს აკვიდებთ.

— იქნებ პირიქითაა. თუ ერთმანეთში ვერ ვარჩევინ, არ ხჯობია,

ჩვენთან შეაფაროს თავი, ვიდრე უაზროდ ნასროლ ტყვიას შეეწიროს?

ემრულა ერთხანს დუმდა.

— ბაძვირეთში ერთი დეიდაშვილი მყავს, სელმან ცვარძე, გულადი და გამჭრელი კაცია, იქნება შემოვიერთოთ.

— სანდოა?

— ძნელია ამის თქმა. ახლა ისეთი დრო დაგვიდგა, სანდოაო, ვინმეზე ვერ იტყვი. მე მაინც შინაური, ნათესავი კაცი მიჩვენია.

— თუ გული გეუბნება, მოვიყვანოთ, ერთი დიდი ძალა შემოგვემატება. მოსალაპარაკებლად თავად შენ უნდა წახვიდე.

— შეც ასე ვფიქრობ, პირადად ვნახო, სხვას არც გაყვება... ისე, ერთი რამე კი მაფიქრებს.

— რაო? — დაინტერესდა ბექსია.

— თავრობის კაცებთან ახლოს უნდა იყოს. ამასწინათ სეიფულანაჩალნიკთან ერთად ვნახე, ტყეში მიდიოდნენ ცხენებით, შორიდან ვაღვინებდი თვალს.

— რა ვიცით, რაზე მიდიოდნენ. იქნებ ჩვენთვის კიდევ სჯობდეს სეიფულასთან მისი ასეთი შეამხანაგება.

— ვნახოთ, დრო გვიჩვენებს.

* * *

ბორჩხიდან ართვინისაკენ მიმავალი გზა სულ აღმართ-აღმართ მიდის, თანაც ისე მიიკლაკნება, რომ მგზავრის თვალწინ გამუდმებით მოჩანს, სად იწყება და რომელ ხეობაში იკარგება მისი ბოლო. რაც უფრო ზემოთ აღიხარ, თვალსაწიერი კიდევ უფრო ფართოვდება, სულ ახალ-ახალი მწვერვალები ჩნდება, აგერ არტანუჯის მიმზიდველი ხეობა მოგიახლოვდა, ჭოროხი სადღაც ქვემოთ შორს, შორს მიექანება. კიდევ რამდენიმე მოსახვევი და ართვინიც გამოჩნდება. მთის თვალწარმტაც ფერდობზე ბალებს შორის შეფენილან ამ ქალაქის თეთრი სახლები. ჩვენგან, მართლაც ჩიტის გადასაფრენიდან, ქვემოთ, ზედ მდინარესთან, კლდეზე მოჩახს ძველი ციხე-სიმაგრის ნანგრევები და მაღალი კოშკი. მოსახვევი მოსახვევს ცვლის. გზა თავქვე ეშვება. ბუნების მომაჯადოებელი სილამაზე რომ არ გატყვევებდეს, უფსკრულზე დაკიდულ ამ გზაზე ძნელია ადამიანმა სიმშვიდე შეინარჩუნო, იმდენად ვიწრო და მიხევულ-მოხვეულია იგი. აი, მარჯვენა მხარესაც გამოჩნდა ციხე-კოშკის ნანგრევები, მარცხნივ კი, კლდეებს შორის, არტანუჯისაკენ მიმავალი გზა მიიკლაკნება.

დაღმართი გათავდა. წელან ქალაქი თქვენს თვალწინ რომ იყო, ახლა იგი თქვენს ზემოთაა. გზა ისევ და ისევ კლდეებშია გამოკვეთილი და მდინარის პირას იგი ერთგვარ სანაპიროს ქმნის, ხიდთან კლდოვანი კედელი

დასრულდა. ფეხით მოსიარულეები ხიდს როგორც კი გაივლიან, იქნა სას-
ტუმრო „ჭოროხთან“ ცხენებს იჭირავენ და ისე გაემართებიან ჩაღვან-
საკენ, ქალაქამდე კი ერთი საათის გზაა. ზოგი დაგვიანებული მგზავრი სა-
სტუმროში ღამის ვათევასაც არჩევს.

აქ, ამ ადგილას, ბუნებამ თავად უკარნახა ადამიანს გაეკეთებინა ხიდი
და აემუნებინა ციხე-სიმაგრე. ვიწრო კლდოვანი ხეობა, ბუნებრივი საძირ-
კველი ციხისათვის, ნამდვილი სადარაჯოა. ძველთაგანვე აქ იყო თავდაც-
ვის ციხადელი, ხიდიც იყო და ქართველი მცველებიც იდგნენ. ისინი ჯერ
ასკერებმა, ახლა კი სალდათებმა შეცვალეს.

რუსების მოსვლამდე აქ შესანიშნავი ვენეციური ხიდი, წარსულის
ძვირფასი ნაშთი, შემორჩა. იგი გზის გაფართოების დროს ააფეთქეს.

ბუნების სიუხვე თვალსა და გულს ახარებს. აქეთ უზარმაზარი თუ-
თის ხეებია უჩვეულო დიდი ნაყოფით, იქით — წყნარი, ვერცხლისფერი
ზეთისხილის ხეები, სასწაულებრივი ხვიარა მცენარეები და ყურძნის
რტოები, ალისფერი შინდი და ბროწეული, ატმები და ლეღვის ხეები.

ღიახ, ავ თვალს არ ენახვება ართვინის შემოგარენის, ჭოროხის ხეო-
ბის სილამაზე და სიმდიდრე, მაგრამ ემრულა ამას ვერ ნახავს, რამდენი
წელია არც უნახავს. დღის სინათლეს ემალება, ალიონზე ტყის სიღრმეში
თავის სავანეში მიიჩქარის, დაბინდდება და მხოლოდ მაშინ იწყება მისი
საქმე. მთვარეა მისი მეგობარი...

მთვარე აშუქებს ყოველივე მარადიულს, მისი სხივები ელამუნება
ჭოროხის აქოჩრილ ტალღებს, ცამდე აზიდულ კლდეებს, ანათებს კოშკის
დაკბილული ქონგურების სილუეტებს. აგერ, ხიდთან, შაშხანიანი კაცი
გამოჩნდა.

ცხენოსნები არ შეჩერებულან, პირდაპირ გუშაგისაკენ გაემართნენ.
იგი შუა გზაზე გამოვიდა, შაშხანა გადმოიღო, ფეხები გაბაჯა და თავადაც
გაიჯგმა.

— Кто вы, документы. — რიხიანად ბოძანა.

ემრულას ხმა არ გაუცია, ჩოხის უბიდან წიგნაკი ამოიღო და გუშაგს
გაუწოლა.

სალდათმა ათასეულის მეთაურის საბუთი გაშალა. მთვარის შუქზე
შეატრიალა და დაქინებით დააცქერდა.

— А ваши документы? — მიუბრუნდა მხლეგლებს.

— ისინი ჩემთან ერთად არიან. — უპასუხა ემრულამ.

— Что, что? — ვერ გაიგო სალდათმა.

— ისინი ჩემთან არიან, მე მახლავან. — გაიმეორა აბრაგმა.

სალდათმა ვერაფერი გაიგო. შეტრიალდა და წიგნაკიანად ჯიხურში
შერგო თავი.

ცოტა ხნის შემდეგ საგუშაგოდან ორნი გამოვიდნენ: ცხენოსნებს
ნამძინარევი, წვერაბურძენული ოფიცერი მიუახლოვდა.

— საიტ მიდიხარ? — იკითხა მან.

— ბაძვირეთში — უპასუხა ემრულამ.

— ვისტან? — ოფიცერი ისეთი ცნობისმოყვარე აღმოჩნდა, ვითომც
ყველა ბაძვირეთელს იცნობდა.

— დეიდასთან. — თქვა ემრულამ და ირონიულად გაიღიმა. — იც-
ნობთ მერიემ ხანუმს?

ოფიცერმა მწყრაღად ახელა. არაფერი უთქვამს, წიგნაკი გაუწოდა,
მობრუნდა და უხალისო ნაბიჯებით საგუშაგოსკენ წავიდა.

ცხენოსნებმა გზა გააგრძელეს.

— ჩვენი ცხოვრება ცხოვრებაა? — თქვა აბრაგმა.

— რას იზამ, ასე იყო ათასი წლის წინ, ასეა ახლაც და, ალბათ, ასე
იქნება მომავალშიც. — უპასუხა აბრაგმა და ცხენი ააჩქარა.

— ჩემს სახლში, ჩემს ნათესავთან თურქი, რუსი, ვიღაც გადამთიელი
არ უნდა მიშვებდეს?

ბექსიას ირონიულად გაეღიმა:

— ამასუ გტკივა გული? ახა, ერთი იმას ჰკითხე. დაგამადლის კიდევც,
მე ვიცავ შენს მშვიდობიან ცხოვრებასო, გეტყვის, მე რომ არ ვიყო, შენი
ბურღლაც არ იქნება ამ ქვეყანაზეო, მაღლობა მითხარი და დღედაღამე
ჩემზე ილოცეო. ისე, კაცმა რომ თქვას, შენ ამ მუნთანებს მართლაც
უნდა უთხრა მაღლობა.

— ვითომ რატომ? — იკითხა ემრულამ.

— ღამეა და ამათ ვერ გიცნეს, ღლისით თითო გადაგვარებული ჩვე-
ნებური ყოველთვის ყავთ ჯინურში, იქედან გამოიჭვრეტს, გიცნობს, სა-
ბუთის სიყალბეც გაირკვევა და... რასაც გაგიშვებდნენ, ვნახავდი.

— თავს შემოგვაკლავდნენ. — დაუმატა ირემადემ.

ემრულამ ბურანს მოუხედა, მერე ცხენს მათრახი შემოჰკრა და
ააჩქარა.

— შენ, ბიჭო, პირზე სულ მოკვლა ნუ გაკერიო.

ცხენოსნებმა ქერეთისხევისაკენ გაუხვიეს. აგერ, მთვარის შუქზე,
სადგერელის მთაც გამოჩნდა. შემოსცინა თუ არა, ისინი ზენა ბაძვირეთში
ცვარიძეთა ჭიშკარს მიაღგნენ.

ეზოში არავინ იყო. ემრულა ცხენიდან ჩამოხტა, ჭიშკარი გააღო და
მსლებლებს ხელით ანიშნა, შემოდითო, თავადაც ცხენს ეზოში შეუძღვა.

აივანზე ნიფხავ-პერანგიანი კაცი გამოჩნდა.

— მობრძანდით! — დაიძახა, ხელით კიბისაკენ ანიშნა და თავად სახ-
ლში შევიდა.

სტუმრები კიბეებს აუყვნენ და სამოსაფერო ოთახში შევიდნენ. ამასობაში მასპინძელსაც მოეწრო ჩაცმა, იგი ღილ-კილოს იკრავდა. ბიჭებს ჩამოუარა, მარცხენა ხელი გადახვია და მკერდით გვერდზე, მიეყრდნო, შემდეგ ემრულას მიუბრუნდა.

— არ გელოდი, ემრულავ. — სელმანის ხმაში რაღაც უხერხულობა და საყვედურიც შენიშნა დეიდაშვილმა. — დაბრძანდით, ბიჭებო, — სტუმრებს სექვისკენ მიუთითა.

— დღეს ასე ალიონზე არ მელოდი, თუ... საერთოდ არ მელოდი. — საყვედურითვე შეეკითხა ემრულა.

— როგორ არა, ბიჭო, — თითქოს მოღბა ცვარიძე. — რაძენი წელია არ მინახავხარ.

ემრულამ დეიდაშვილს თვალი გაუსწორა. შემდეგ ბიჭებს გადახედა. ბრიალა თვალებში რაღაც უკმაყოფილება ჩასდგომოდა. იქნებ ნათესავის შეხვედრა არ მოეწონა, უცხო ბიჭებთან იგი სხვანაირად უნდა მოქცეულიყო. ემრულას ერთი პატარა ძარღვის შეტოკებაც არ გამოეპარება. ტყუილუბრალოდ ის არავის აუხიროდებოდა. რაღაც მოხდა.

— ჩვენ საქმეზე მოვედით, სელმან! — ხმა შეარბილა მალაყმაძემ.

— რა საქმეზე? — კვლავ ტლანქად გამოუვიდა შეკითხვა ცვარიძეს.

— ჩვენთან უნდა წამოხვიდე.

— ვერა, ვერ წამოვალ. — სელმანი არც დაფიქრებულა ისე მიახალა.

— წამოდი, კაცი გვჭირდება, შინაური, სანდო.

— ვერ წამოვალ, — გაიმეორა ცვარიძემ.

— რატომ? — მიზეზით დაინტერესდა ემრულა.

თითქოს ამას ელოდაო, სელმანმა გუდას პირი მოხსნა:

— მე შენით ვერ ვიცხოვრებ, ემრულავ. ცხვირით წყალს ვერ დავლევ, შენ ხელი ბრუდე გაქ და კაცებ ქუცავ. ვინცხას ორი შაური ავართვა და ჩემ ცოლშვილს მივუტანო, ამას ვერ ვიქ.

ემრულას თვალები კიდევ უფრო გაუფართოვდა.

— ვინ გავჭუტე, ვის ავართვი, ბიჭო, მე თუნდაც ერთი შაური!

— მაგი ქიბარალას კითხე.

— ქიბარალას რას მისხენებ, ათი წელია თვალთ არ მინახავს. წკნელს რას მიგრიხავ, მე ჩემსას გეკითხები, ვის ავართვი რამე, დამისახელე. — ემრულამ ეკლის თვალებით შეხედა დეიდაშვილს.

— აბა, რაით ცხოვრობ შენ, ესენი? — სტუმრები ადგილზე შეტოკდნენ, მაგრამ ხმა არ ამოუღიათ.

— ამათ რას კითხულობ, ჩვენს უძაღლო სოფლებში რა ხდება, ის იკითხე, ბაძვირეთში, შენს მეზობელს კეფოძეს უღელი ხარი ხრამში რომ გადაუცვივდა, მეორე დღეს ვინ უყიდა უკეთესი ხარები, თუ მოიკი-

თხე. ბასონიძე რომ ჩამოახრჩეს ართვინში, მის თორმეტ ობოლ ბაღნას ვინ აჭმევს, ვინ აცვამს და ახურავს, ეს თუ მოიკითხე?

ბურან ირემაძე აღვილზე ველარ ეტევა, აზღარბებულ ბიჭს ბექსია აჩერებს.

— მაგათ თუ ეხმარებით, ვინცხას ხომ ართმევთ?

— ვართმევთ, კი, ვართმევთ.

— ჰოდა, მეც მაგას გეუბნებით.

ბექსიამ ბურანს ხელი უშვა და სკამზე მოსწორდა.

— ვის ვართმევთ, მაგიც გეცოდინება, სელმან. — წყნარად ჩაერთა საუბარში.

— მაგი სულერთია.

— არ არის სულერთი. ჩვენ ვართმევთ და ვარწყევინებთ ჩარჩ-წურბელებს, ჩვენ ხალხს კაპიკათ რომ ტაცებენ სიმინდს, თუთუნს, თაფლს, ზეთის ხილს, კრამიტს, ქოთანს და მილიონებს რომ აკეთებენ. ჩვენ ვართმევთ გათახსირებულ მებაყეებს, გაჭირვებულ გლეხს ერთ ალაბ ჩითში მის საფასურზე მეტ ბაჟს რომ ახდევინებენ. ჩვენ ვართმევთ ქიბარალისთანა „დამცველებს“, ხალხის დაცვის მაგიერად თვითონ რომ ატყავენ ისედაც გაძვალტყავებულ გლეხობას.

სელმანს ხმა არ ამოუღია. უხერხული სიჩუმე ჩამოვარდა. ემრულას ერთჯერ კიდევ მიმოათვალიერა ოთახი, მალულად დეიდაშვილსაც გადახედა.

— ჰა, რას იტყვი, წამოხვალ?

ამასობაში კარის ჭრიალი გაისმა. ყველა იქეთ მიბრუნდა, დიდ ლამბაჭზე საჭმელები ელაგა, ზემოდან მარლა ჰქონდა გადაფარებული. ლამბაჭი ქალს ეჭირა ორივე ხელში, მისი სახე არ ჩანდა.

სელმანი წამოხტა, ქალს ლამბაჭი გამოართვა და პატარა სკამზე დადვა.

— მობრძანდით, ცოტა წეიხემსეთ, ბიჭებო! — თქვა მასპინძელმა. ემრულას სუფრისაკენ არც გაუხედავს:

— წამოხვალ? — ახლა მის ხმაში სიმკაცრე გაისმა.

ცვარიძემ დეიდაშვილს გაკვირვებით ახედა, თითქოს პირველად ესმოდა ასეთი შეკითხვა:

— ვერა, ვერ წამოვალ.

ემრულა სექვიდან წამოიჭრა.

— წავედით, ბექსია, ბურან, წავედით! — თქვა და აღარაფერს დაელოდა, პირდაპირ კარებისაკენ გაემართა, — შენ ხელზე წყლის დასხმის ღირსიც არ ყოფილხარ. — დეიდაშვილს მიუხედა.

— სად მიდიხარ! — კარებში გადაეღობა სოლომონიძე, — ვერ ხედავ? — და ხელით ფანჯარაზე ანიშნა.



კარგად გათენებულიყო.

— აქ არაფერი გვესაქმება, — უთხრა ემრულამ, — სხვასთან ვიდეთ და სალამომდე იქ დავრჩეთ.

ბექსია კარებისაკენ შებრუნდა, გაალო და წინ გავიდა.

მათ კიბეებზე ჩაირბინეს, ცხენებს მოახტნენ და მასპინძელს არც დამშვიდობებიან, გომიშეთისაკენ გაქუსლეს. იმ დღიდან ემრულამ დეიდაშვილი გულიდან ამოიხოცა.

* * *

ცხენოსნები ერთხანს უხმოდ კეცავდნენ გზას. გზას ვამბობ, თორემ ეს უფრო პატარა დამშრალი მდინარის ქვალორდიანი კალაპოტია, ვიდრე გზა.

ამასობაში მზეც ამოიწვერა.

ემრულამ ცხენი შეაჩერა, ცალი ხელი შემოიჩრდილა, მეორე ხელით მათრახი გაიწვინა.

— აი, იმ სახლთან უნდა ავიდეთ, — მსლებლებს სულ ზევით, ტყის თავზე, მამალი რომ არ ყივის, ჩიტის ბუდესავეთ მიყუყულ სახლზე მიუთითა.

არ უკითხავთ, ვისთან მიდიოდნენ.

ნალებმა ქეებზე კვლავ დაკვესეს.

ეზოში ცხენოსნებს ბებერმა ძაღლმა შეუღრინა, მაგრამ ზეზე არ წამომდგარა. მისი ღრენა ყვეფას აღარ ჰგავდა. ის ვინმეს დაფრთხობას და შეშინებას აღარც აპირებდა, მოვალეობას ასრულებდა მხოლოდ.

ცხენოსნები ჩამოხტნენ. ბურანმა მოღრეცილი ჭიშკარი მოხურა. ბედაურები ბალახზე მიუშვა, თავად სახლთან მიყრილ თივაზე მიწვა. ერთსართულიანი ფიცრული სახლის კარი ღია იყო. აბრაკები სახლში შევიდნენ. ოთახი ყვავის ბუდეს ჰგავდა.

სექვზე ვიღაც იწვა, ჭუჭყიანი საბანი თავ-ტანზე ჰქონდა შემოხვეული, პირით კედლისაკენ მიბრუნებულიყო. სექვთან, პატარა ჯორკოზე, თავდახურული სბილენძის თევში, მჭადის ორი დიდი ნატენი და მამრათით წყალი იდო. ეტყობა, ვიღაცამ საჭმელი მოიტანა, მაგრამ მწოლარე არ შეაწუხა.

ემრულამ საბანი წამოსწია, თავადაც კედლისაკენ გადაიხნიქა და სახეზე შეხედა. თმა და წვერი ერთიანად თეთრი ჰქონდა. კაცი არ იძროდა. სტუმარმა საბანი კიდევ უფრო გადახადა და მოკრუნჩხული მოხუცი ოდნავ შეანჯღრია.

— ისლამ დედევ, გაიღვიძე, სტუმრები ვართ მოსული.



მოხუცი ოდნავ შეინძრა, თავი გადმოაბრუნა და ცალი თვალი გამოაბჟუტა. ჯერ უძრავად შესცქეროდა რაღაცას, მერე მზერა მოსულეებზე გადაიტანა.

— შენ ხარ, ემრულავ? — ჩახრინწული ხმით ჩაიჩურჩულა.

— ჰო, მე ვარ, — ხმაბილლა ჩასძახა სტუმარმა.

ბექსია კართან მივიდა, ბურანს გადახედა, კარი მოხურა და ბუხართან ჩამოჯდა, მერე ტყეცი აიღო და ნაცარში გაურია. ერთადერთმა დიდმა ნაკვერჩხალმა გამოანათა.

— საჭმელი რატომ არ ჭამე? — აბრაგი მოხუცს არ ეშვებდა.

ისლამ-დედემ ცალი თვალით ჯორკოს გადმოხედა. ეტყობოდა, ჭამის და ლაპარაკის თავი აღარ ჰქონდა. ემრულამ ჯორკო ბერიკაცს საწოლთან მიუჩოჩა, სპილენძის თეფშს თავი მოხადა. ფხალ-ლობიო ჯერ კიდევ თბილი იყო. მაშრაფა მოხუცს პირთან მიუტანა და წყალი დააღვეინა.

— საჭმელს მე ვაჭმევ. — თქვა ბექსიამ და ჯორკოსაკენ გადმოინაცვლა. ხუთიოდე ლუკმა გადაყლაბა ისლამ-დედემ. აქამდე ბექსიაზე არც შეუხედავს. ახლა თავი გადმოაბრუნა და, თითქოს რაღაცას თხოვსო, მიაშტერდა.

— ხომ არაფერი გინდა, ისლამ ძიავე! — ჩასძახა ბექსიამ.

— მინდა. — შეწუხებული ხმით თქვა მოხუცმა და დაიკლაცნა, თვლებით საბნის ქვეშ ანიშნა.

ბექსიამ ხელი შეუყო, ჯერ გულზე მოუსვა, შემდეგ ნელ-ნელა მუცლისაკენ ჩააცურა. ერთხანს უძრავად იყო, თითქოს რაღაცას სინჯავსო.

— შარდის ბუშტი ტიკივით გაბერილია, გასკდომანე აქ. — ემრულას მიუბრუნდა.

— რა ეშვებება? — შეწუხდა ემრულა.

— შიშველი ხელით რას ვუხამთ. ჭურჭელს ჩავეუდგამ.

ბექსიამ კარსუკან მიკიდული პატარა ტაშტი მოიტანა და ქვეშ შეუდგა.

მოხუცს რაღაცის თქმა სურს.

— ხომ არაფერი გინდა? — გაუმეორა კითხვა ბექსიამ და სმენა დაძაბა, ნათქვამი არ გამოიმეპაროსო.

— თოვლი მინდა.

ბექსია ვერ მიხვდა.

— რაო, რაო?

— თოვლი მინდა. — გაიმეორა ისლამ-დედემ.

აბრაგებმა ერთმანეთს შეხედეს.

„რაა ეს? — გაიფიქრა ემრულამ, — სიკვდილის წინა ნატვრა თუ... იქნებ რაიმე ეჩვენება?“

— სად ვნახავთ ახლა თოვლს. — თქვა ბექსიამ.

— თოვლი მინდა. — ერთხელ კიდევ ჩაიჩურჩულა მოხუცმა და თვე-
ლები მილულა.

ბექსია დაბნეული უცქერის მაღაყმადქს.

— რას ვიზამთ. — თქვა ემრულამ. — მოხუცს უნდა ავესრულოთ
ბოლო ნატვრა. ახლა თოვლი სადგერელის ღარტაფებში თუ იქნება. იქ
ასვლას და ჩამოსვლას ოთხი საათი დასჭირდება. თუ ვინმე არ გვიდარა-
ჯებს, ასვლა საშიში არაა, მგონი, გზაზეც არავინ შეგეხვდება.

ბექსიამ მომცრო ბაღია აიღო, კვლიდან ტილო ჩამოხსნა, შიგ ჩადო.
და გარეთ გაიტანა. ცხენთან მივიდა, ბაღია უნაგირზე შემოდო და... სა-
ნამ ზორბა ტანს ცხენზე ასასვლელად მოამზადებდა, მეორე მხრიდან
უნაგირზე ბურანი მოექცა.

— სად მიდიხარ, ბიჭო?

— სადაც შენ უნდა წასულიყავი. — უბასუხა ბურანმა.

— შენ რა იცი, მე სად მივდიოდი.

— რა მნიშვნელობა აქვს. — გულცივად თქვა ბურანმა და გვერდზე
გაიხედა. მერე ისევ ბექსიას მიუბრუნდა, — ამ ჩახრახებში თავი თუ
არა, ცხენი მაინც არ გეცოდება? მე შენი ნახევარიც არ ვარ.

— რაკი არ იწლი... — ბექსიას გაელიმა. — სადგერელს უნდა ასცდე.
ცხენი ბოლომდე ვერ ავა. ქვემოთ დატოვე. სადმე ღარტაფის ჩრდილში
თოვლის ნამქერი იქნება, ბაღიაში ჩადე, ამ ტილოში შეხვიე და ჩამოუტა-
ნე მოხუცს.

ბურანს არაფერი უთქვამს, ცხენს შეუძახა და ჭიშკარს გარეთ გაფ-
რინდა.

ერთხანს ისმოდა ნალების თქარა-თქური, მალე ისიც მიწყდა.

ბექსია ბურანის მაგივრად თივაზე მიწვა.

— ვიცოდი, რომ არ გაგიშვებდა. — კარებიდან დაელაპარაკა ემრულ-
ლა და მისკენ გაემართა.

იარაღასხმულმა აბრაგებმა ზურგშექცევით დაიკავეს ადგილები.
ასე მთელი არე-შარე თვალხილული იყო.

— ჰო, არ გამიშვა, — მოგვიანებით უბასუხა ბექსიამ, კეფაზე ცალი
ხელი შემოიღო და ვეება ბეჭით თივას მიეყრდნო. — ეგ ბიჭი მარტო
რომ მიდის საქმეზე, სულ ცუდ ამბავს ველი, არ უნდა გამეშვა.

— მძიმე ხასიათი აქვს, ხანდახან ძნელდება მაგის შემაგრება.
არ ვიცი, საიდან მიიღო ასეთი სისასტიკე და უღმობლობა. ხედავდი, სელ-
მანთან ჯაგარი როგორ აეშალა და დასამბელი რომ გაგვიხდა.

ბექსია ერთხანს ხმას არ იღებდა.

— მე ვიცი, საიდან მოდის ეს სისასტიკე, — თქვა მოგვიანებით. —



შენთვის, ვატყობ, არც მოუყოლია, ალბათ, არც ვეტყვის არასოდეს გულში აქვს შენახული მისი მწარე თავგადასავალი. როცა გაიგებ, აღარ გაგიკვირდება მისი დაუნდობლობა.

უნდომად იყო საქართველო. მისი ერთი ყველაზე დიდი მანკი, სასირცხვო და საძრახისი, ადამიანების ყიდვა-გაყიდვა იყო. არ იფიქროთ, ბაძოლაში, ომში გამარჯვების შემდეგ დამონებულსა და ტყვედ წამოყვანილ მტრებს ჰყიდდნენო, არა. ქართველი ქართველს იტაცებდა და ადამიანით ვაჭრობდა. ჩვენთან ასეთ არაკაცებს იესირჯებს ეძახდნენ. ოსმალო გადასახადს რომ შეგვაწერდა, იმაში ჩვენი თავად-აზნაურები და ალაბეგები პაწაწა ლამაზ გოგო-ბიჭებს მოუსაველეთის გზას გაუყენებდნენ ხოლმე. ბიჭი იანიჩარი გახდებოდა, გოგო ფაშის მეჩვიდმეტე ცოლი. მარა ოსმალო რად გინდა, ისევ ჩვენიანები ცოდვა-ბრალს ატრიალებდნენ, ხანდახან ამ უბედურ დღეზე გაჩენილებს იარაღზე, ოქროულობაზე, ფარჩეულზე და ვერცხლზე ცვლიდნენ. ადამიანი ყველა სულდგმულზე იაფი ღირდა. კაი ცხენი უფრო ძვირი იყო. იმფერი შიმშილობაც გამოიგონია, რომ შვილს დედ-მამა პურის ნატეხზე ყიდდა, და მუღმივი მონობისათვის იმეტებდა. ბაბუაჩემის მონაყოლიდან ვიცი, აგერ მის ნაცნობს ჭანტურიძეს შვილი, თედორე, ექვს კოდ ქერში გაუცვლია. ადამიანებით ვაჭრობას ვინ გაბედავდა, ხალხს შიში რომ ჰქონოდა. ცხვარის შობარვისათვის დიდი იყო სასჯელი, ადამის მოდგმის გაყიდვისთვის რამეს არ ეტყოდენ.

ერთხანს შემოიღეს კაცების გამყიდველების ცეცხლში დაწვა, მდულარეში ჩაგდება და იცოცხლე, შეშინდნენ იესირჯები, მარა ხანდახან მაინც გეიგონებდი: ამას ბიჭი დაეკარგა, იმას გოგო მოპარესო.

ჰოდა, ერთ დღეს ტყეში შეშის საჭრელად გასულ ჩხაკაურელებს თავს დაესხნენ იმერელი ბურჯანაძის ყაჩაღები, კაცები დაჭრეს, ზოგიც გალახეს, მათთან მყოფი 12 წლის რემანოზა და მისივე თანატოლი, გურიაში სტუმრად მყოფი ღორჯომელი ბიჭი გაიტაცეს და თავინურზე აჭარულ იესირჯებს ყავაზს და წანწალაქს კიტრის ფასად მიჰყიდეს. შიშისაგან ელდანაცემი, მშვიერი, ტანსაცმელშემოთხრეშილი ბაღნები იმ უღმერთოებმა უღრანი ტყით ჭვანის დელისაკენ წამოიყვანეს.

— ბურჯანაძე ეკლესიის ქვების მპარავი ხასოსი ხომ არაფერია? — იკითხა ემრულამ.

— ძმა მისი. ეტყობა, მოდგმით არიან ბოროტნი და ქართველი ხალხის მტრები. სულის გამყიდველი იყო და იმიტომ გამოიქცა.

კაცებით მოვაჭრეებს პერანგას ძირში შემოათენდათ. ერთმანეთზე

გადაბმულ ბიჭებს საგულდაგულოდ ხელ-ფეხი გაუბორკეს და ხეებზე
მიაკრეს. — არ გავგეჰქცნენო. თვითონ იქვე დიდი ნაძვის ძირში მიწვენი
შომშოლისა და დალილობისაგან დაოსებული ბალები მიწიდან ამოღე-
ბულს დაემსგავსნენ. რემანოზას სუნთქვა შეეკრა. თანატოლმა იდაყვი
გაპკრა, ხომ არ მოკვდაო. რემანოზამ თავი შეიმაგრა და მის ბელში მყოფს
გადმოხედა.

მოულოდნელად ტყის სიომ დაჰბერა, საიდანაც თავლის სუნი მოვა-
რდა და მშიერ ბიჭებს გულ-მუცელი აულერდა. სუნი იესირაჯებმაც იგრძ-
ნეს, თვალეები მოახილეს და ყურები დაცქვიტეს.

— საცხა ახლოს თაფლია, ჭო! — თქვა წანწალაქმა.

ყავაზმა ჰაერი შეისუნთქა, მერე წამოდგა, ბავშვებს შეუღრინა, წელ-
ში გაიმართა, რალაცას მიაყურადა, თანამგზავრს გამოხედა და ქარის სა-
წინააღმდეგოდ ტყეს გაუყვა. წანწალაქმაც დააპირა წასვლა.

— შენ მაგ ბლარტებს მიხედე! — გადმოსძახა ყავაზმა და ბუჩქებში
მიიმალა.

ერთი საათიც არ იქნებოდა გასული, უკან მობრუნდა. ხის ქერქებზე
თაფლის ფიჭები დაეხოხოლებინა და მოჰქონდა. ხელებში თაფლის წვეთე-
ბი მოწურწურობდა. პირისახეც თაფლით ჰქონდა მოთხვრილი, ყავაზს
თაფლის გემო უკვე გაეგო.

იესირაჯებმა ნუგბარი ბალახზე დადვეს, ფეხები მოირთხეს და მაღა-
ნად შეეჰქცოდნენ. თანატოლმა რემანოზას კვლავ გაპკრა იდაყვი, ჩაი-
ჩურჩულა და თვალით რალაც ანიშნა: „თუ თაფლი მოგვაწოდონ, არ
ჭამოო“, — დაახლოებით ამას ნიშნავდა ეს ჩურჩული და თვალის დაფა-
ხელება.

კაცებმა ხეზე მიკრულ ბიჭებს ფიჭის ნაჭრები მართლაც მიუტანეს
პირთან, მაგრამ იმათ უარის ნიშნად თავი გააქნიეს. აღარც დაუძალებიათ.

ოცი წუთის შემდეგ მტაცებლები ჯერ ერთმანეთს მიაცქერდნენ, მერე
ბავშვებისაკენ მობრუნდნენ. უაზრო თვალეები რალაცნაირად დაბრეცო-
დათ. წანწალაქს ჯერ კიდევ ჰქონდა შერჩენილი თვალის ჩინი, ყავაზმა წა-
მოიწია, ჩაიკეცა და დაკლულსავით დაიწყო გორაობა. წანწალაქი, ვითომც
მივეშველებიო, ერთხანს აკაეებდა, მაგრამ თავადაც მისავათდა, ყავაზი
კი გულაღმა გაიშხლართა და ხროტინი ამოუშვა, ცოტა ხნის შემდეგ წან-
წალაქიც ისეთივე დღეში ჩავარდა.

ბავშვები გამოცოცხლდნენ. რემანოზა ფართო თვალეებით დასცქე-
როდა მიწაზე გართხმულ იესირაჯებს.

— მაგიტომ ვითხარი, არ ჭამო-მეთქი, — უთხრა ამხანაგმა. — მე ამ
ტყეში ნამყოფი ვარ, ბაბუას ხარი დაეკარგა და ვეძებდით, იქ დიდი წიფ-
ლის ფულუროშია ფუტკარი. შხამიანიოო, ბაბუამ თქვა და გავეცალეთ.

— მართლაც, რა საწამლავი ყოფილა. — ჩილაპარაკა რემანოზამ
ლორჯომელი თოკების ახსნას შეეცადა. ჯერ ხელებით გაიბრძოლა, შემდეგ
ფეხების განთავისუფლება ეცადა, მაგრამ არაფერი გამოუვიდა.
მისუსტებულ რემანოზას მაჯებზე ისე ჰქონდა გადაჭერილი წვრილი ბაწარი,
გვეგონებოდა დასივებული ხელებიდან სადაცაა სისხლი გადმოსკდებოდა.

ბიჭებმა კიდევ ბევრი იჯაჯტურეს, გაიწ-გამოიწიეს, რემანოზას მაჯებს
თამხნალები კბილებითაც დასწვდა, მაგრამ თოკებს ვერაფერი მოუხერხა.

უცებ ზემოთ რაღაც უჩვეულო ხმა გაისმა. ამას ტოტების ლაწახნი
მოჰყვა... და ბიჭების წინ დიდი მურა დათვი ჩამოგორდა. ჯერ იქეთ-აქეთ
მიყრილ-მოყრილი, თაფლში ამოსვრილი ხის ქერქები დაყნოსა, მერე
მიწაზე გაშლართულ კაცებთან ჩაბაჯბაჯდა, ორთავეს დრუნჩით სახეზე
შეეხრ და ბავშვებისაკენ შემობრუნდა.

ბიჭები ვეება სოჭს ისე აეკრნენ, გვეგონებოდა ხეზე შემოზრდილანო...
თვალეები ისე გაფართოებოდათ, თითქოს საცაა გადმოუცვივდებათო,
დაყვირებაც ვერ მოახერხეს, ანდა რას უშველიდათ. დათვი მათკენ რომ
წამოვიდა, რემანოზას თვალეები გადაუბრუნდა, გონი წაერთვა და თავი
გადმოკიდა. ამხანაგმა ისლა შეძლო, თვალეები დახუჭა და მხეცს სახე მო-
არიდა. დათვი ჯერ ქვემოდან შესცქეროდა ცოცხალ-მკვდარ არსებებს. მერე,
მათკენ გაემართა. ბიჭებს გალურჯებულ ხელებზე სველი ცხვირით შეეხო,
ერთჯერ ახედა, წინა ფეხებზე ოდნავ აიწია, თითქოს უნდა მოეხვიოსო,
კვლავ ძირს დაეშვა, მიბრუნდა და იქეთ გაძუნძულდა, საიდანაც ყავაზმა
თათლი მოიტანა.

ბიჭმა მხეცს ცალი თვალი გააყოლა, მერე რემანოზას მკლავი გაჰკრა,
ფეხითაც ეცადა მის მოფხიზლებას, მაგრამ გონს ვერ მოიყვანა. ფეხზე
რაღაც თავისუფლება იგრძნო, დაიხედა და სიხარულით კინალამ შეჰყვირა.
ცალ ფეხზე მუხლებამდე ბაწარი ახსნოდა. გვერდზე ორბოტიკა ჯოხი
ეკლო, ფეხი დიდი წვალეებით მიაწვდინა, პატარა ქვაზე შეაჩოჩა და ბო-
ლოზე დააბიჯა. ჯოხი ქვაზე აისხლიტა და ბიჭის თითებში მოექცა.

ბიჭმა ჯოხის მეორე ორბოტიკა ბოლო ქვაზე დააბჯინა, ქვა ჯოხს აჰყვა
და მან ხელებში ქვაც მოიგდო. ხელები სულ ერთიანად დაუსისხლიანდა,
მაგრამ ამას აღარაფრად ავდებდა. რემანოზას ხელებთან ბაწარს ქვა სულ
ხუთჯერ ჩამოჰკრა, რამდენიმე ადგილას გაწყვიტა და მკლავები გაუთავის-
უფლა.

ამასობაში რემანოზაც მოეგო გონს. მეგობარს შეხედა, ხელები აამო-
ძრადა, ქვა გამოართვა და ისიც გაათავისუფლა.

ბიჭები მოწამლულებთან მივიდნენ. ყავაზს სიცოცხლის ნიშანწყალი
აღარ ეტყობოდა, წანწალაქი ხმამალლა ხროტილებდა. ორივეს ხანჯლები
აეცალეს. თოფებიც მხარზე გადაიკიდეს.



— დაველაგ ამ ღორიშვილს! — დაიძახა ღორჯომელმა, ~~წაწალაქს~~
 ხანჯალი კისერზე მოუსწორა და მთელი ძალით მოიქნია, მაგრამ რემანო-
 ზამ ხელი შეაშველა, თუმც კვლარ შეაჩერა... ორღესულმა გამტაცე-
 ბელს ლოყა გაუფატრა. სისხლმა იფეთქა. კაცმა წამოიწია და ლოყაზე
 იტაცა ხელი, მაგრამ თავი ვერ შეიმავრა და დაეცა.

ბიჭებმა თავი მიანებეს და ბუჩქებში გადაეშენენ.

— ის ღორჯომელი ბიჭი ბურან ირემაძე იყო. რემანოზა სახლში წაი-
 ყვანა და მასთან იყო მანამ, სანამ მშობლებმა არ გაიგეს შვილის ადგილ-
 სამყოფელი. მერე წაიყვანეს, მარა ახლაც ისეთი ახლობლობა აქვთ,
 ნათესავზე უკეთესი.

ყავაზი იმ დღეს მაწყენარ თავლს გადაჰყვა.

წაწალაქის ამბავი ზღაპარს ჰგავს. თურმე ამ ბაღნების გაქცევის
 შემდეგ დათვი ისევ მობრუნდა იმ ადგილას. მკვდარ ყავაზს აღარ გაჰკა-
 რებია. უგონო წაწალაქს დაავლო კბილები და ბუნაგში შეათრია. სამ
 დღეს ალოკია დათვმა თათი, მისი კერძი „საჰმელიც“ მიართვა და სიკვ-
 დილს გადაარჩინა. წასვლას ვერ ბედავდა, ეშინოდა „მასპინძელი“ არ
 გაღიზიანებულყო, მაგრამ ერთ დღეს დრო იხელთა და გამოიქცა.

კაცს დედის მუცლიდან რომ დაჰყვება უსინდისობა, არაფერი ეშვე-
 ლება. უბედურმა წაწალაქმა სოფლის მონადირეებს მოუყარა თავი და
 დათვის ბუნაგთან დააყენა. მხეცი ბუნაგში ეგულვობდათ, თურმე გარეთ
 იყო, ჩუმად მიუახლოვდა, კაცებს ყურადღებაც არ მიაქცია, წაწალაქი
 უმაღვე იცნო, მოულოდნელად დაავლო ტორი, ტყეში გაიტაცა და შუა
 გაგლიჯა. ასე მიიბარა ღმერთმა ამ უნამუსო კაცის ცოდვილი სული.

* * *

ემრულას სახე მოღრუბლვია და თითქოს პირქუშიც გამხდარა, ხმა
 არ ამოუღია, არც არაფერი უკითხავს ამ სულისშემძვრელი ამბის გამ-
 გონეს. უბრალოდ, თივაზე მიწოლილი ისმენდა ორი ბედკრული ყმაწვი-
 ლის თავგადასავალს.

ბექსია წამოდგა, თივის მტვერი ტანიდან ჩამოიფერთხა და სახლში
 შევიდა. ემრულა ფიქრებმა დაიმორჩილა, თითქოს რაღაცას თუ ვიღაცას
 იგონებდო, ისე გაექცა თვალები შორს, კარჩხალისაკენ. ამასობაში ბექსიაც
 დაბრუნდა.

— ცოტა წყალი მოსვა, ლაპარაკის თავი აღარ აქვს.

ემრულა მიუბრუნდა.

— რატომ არ მეკითხები, ვინაა ეს მოხუცი ან აქ რატომ ამოვიყვა-
 ნეთ?

- რა ვიცი, კაცს უჭირს, ვილაცამ ხომ უნდა მიხედოს. პოდა, ჩვენც ამოვედით... მორჩა და გათავდა.
- მარტო მაკითომ?
- რა ვიცი.
- ისლამ-დღეი ჩემთვის არაა მარტო მისრწნილი ავადმყოფი, შველას რომ საჭიროებს.
- აბა ვინაა?
- ვინაა და... კაცია, ვიხეც ნდობა შეიძლება.

* * *

ჩვენში სულ უბრალო საქმეზე კაცი კაცსა ჰკლავს, გამკითხავი არა-ვინაა. უმიზეზო სისხლისღვრა მთავრობას სულაც არ აწუხებს. ბოროტს არ დასჯის და ამით თავად იწვევს ბოროტებას.

ერთი ასეთი მკვლელობა იმერხევეში მოხდა. სიცილ-ტირილი მოგივა კაცს, ამას რომ მოისმენ.

ერთი მშვიდი და გემრიელი ოჯახი იყო ამ მხარეში. მშობლები, შვილები, მათი ცოლები გუგულივით მშვიდად, ტკბილი ურთიერთობით, სიყვარულითა და პატივისცემით ცხოვრობდნენ, მაგრამ სატანას არ ეძინა. იტყვიან: სადაც ეშმაკი ვერ შევა, იქ დიაცს შეგზავნიან.

ოჯახში ფინთი ქოფაკი ჰყავდათ. ქალმა იფიქრა, ეზოში ვერავინ შემოვაო და ჩამაშურთან ერთად გასაშრობად საცვლებიც გაჰფინა. მოსულა ვილაც ბოროტი სული, ქალის საცვალი ჩამოუხსნია და ჯუმა დღეს ჯამეს კარზე ფეხებგაფარჩხული ჩამოუკიდია. შინაურებიც მივიდნენ იმ დღეს სალოცავად, მიხვდნენ, ვილაცამ მათი თავის მოჭრა, ამოთხრა და გაბოროტება რომ განიზრახა. საცვალი კარებიდან ჩამოხსნეს და სახლისაკენ გაეშურნენ. ვინ ჩაგვაფურთხა ულვაშში, ვინ იზამდა ამ სასირცხვო საქმესო, თავს იტყრევდნენ შეურაცხყოფილი მანაკაცები. გარეთ თავს ვეღარ ყოფდნენ სირცხვილისაგან, ეჭვი მეზობელზე მიიტანეს. ის ერთადერთი იყო, მათი ქოფაკი რომ არ ერჩოდა. ტყეში მიუგზავნეს დაქირავებული კაცი. იმანაც ცულით თავი წააცალა. ახლა მოკლულის ძმებმა დაიწყეს შურისძიებისათვის მზადება. დაქირავეს 15 წლის ბიჭი და დააპირეს მათი ძმის მკვლელის მოსპობა, მაგრამ მოწინააღმდეგეებმა ვაიგეს, ბიჭი გადაიბირიეს, მიუგზავნეს და კიდევ ერთი კაცი იმსხვერპლეს. ამის შემდეგ როგორც იქნა, ჩაერია მთავრობა და ეს 15 წლის ბიჭი ციხეში ჩავარდა. ახლა დამქირავებლებმა იფიქრეს: ახალგაზრდაა, გაგვეცემსო და ძველ სისასტიკეს ახალი დაუმატეს: ვილაცის ხელით ის ბიჭი ციხეშივე გაასაღეს. ამით არ დამთავრდა ამ ორი ოჯახის სისხლისღვრა. მოკლულის მამას და ძმას რა მოასვენებდა. ბეგრი უღარაჯეს, მაგრამ ხელში ვერ



ჩაიგდეს. ერთხელ მის კვალსაც მიაგნეს. მთვარიან ღამეში დატვირთული ცხენით ართვინიდან ბრუნდებოდა. მამა-შვილი გზის პირას ჩასაფრდნენ. ჭენჭყო აღვილზე პატარა ფიცრების ხიდი იყო გადებული. მოილაპარაკეს: ცხენი ფიცარზე რომ შედგება, კაცი უფრო კარგად გამოჩნდება და მაშინ ვესროლოთო. ცხენმა ერთი ნაბიჯი გააკეთა ხიდზე, თითქოს გასროლაც მოსალოდნელი იყო, მაგრამ ცხენი დასრიალდა და ფიცრის გარდიგარდ-მო ოთხივე ფეხით ჭაობში ჩაერჭო.

— არ ესროლო! — მამამ მოასწრო შვილის გაფრთხილება.

მხედარი ცხენიდან გადმოხტა და ავშარას მოეჭიდა, იქნებ ამოვიყვანოო, მაგრამ არაფერი გამოვიდა. დატვირთულ ცხენს ფიცარი გულმუცელზე აწვეებოდა, კისერი მოღრეცოდა და სადაცაა, კადეც ჩაიხრჩობოდა. კაცმა ბევრი იჯაჯგჯრა, ცხენსაც გამეტებით გადაჰკრა მათრახი, მაგრამ საშველი არ იყო. თვითონაც პირთამდე ლაფში ამოისვარა.

მამა-შვილი საფარიდან გამოვიდნენ და თოფებმომარჯვებული მტრი საკენ გაემართნენ. მხედარმა მოახლოებულნი რომ დალანდა, ცხენს თავი მიანება და ბუჩქებში გადახტა.

— ნუ გარბიხარ, ბიჭო, ცხენი გადავარჩინოთ! — გასძახა კაცმა, მაგრამ პატრონი ვერ ენდო, ბუჩქებში გაიტრუნა, იარაღი მოიმარჯვა და აქედან უთვალთვალეზდა.

მამა-შვილმა ცხენი ჯერ ტვირთისაგან გაათავისუფლეს, მერე ჭენჭყოდან ამოიყვანეს, ტვირთი კვლავ აჰკიდეს და გზაზე მიუშვეს.

— დღეს შენ აღარ გესვრით, ნულარ იმალეები, ამ დღეში ჩავარდნილი, შვილის მკვლელები ცოდვია. ხვალიდან ისევ შენი მოსისხლე მტრები ვართ! — დაუძახა მამამ და ვაჟთან ერთად იქაურობას გაეცალა.

— ის კაცი ისლამ-დედე იყო. — დაამთავრა ემრულამ თხრობა.

— შეარჩინა შვილის სისხლი?

— მეზობლებმა სახლი ახსნეს, მოილაპარაკეს და ერთ დღეს ისლამ-დედეს ესტუმრნენ. სახლში შემოსვლისთანავე ერთმა უთხრა: გარეთ ქოფაკი რომაა დაბმული, ვისიაო. გამოიხედა გარეთ ისლამ-დედემ და რას ხედავს, მეზობლებს მიუყვანიათ მისი შვილის მკვლელები და აი, ამ ხეზე მიუბამთ. — ემრულამ ხელი დიდი ცაცხვისაკენ გაიშვირა. — თურმე მეზობლებმა საღლაც დაიჭირეს და ასე მოზვერივით თოკმობმული მოიყვანეს. ისლამ-დედე მივიდა, ახსნა და სახლში შემოიყვანა. შერიგდნენ, თუმცა მისი ბიჭი უბღვერდა, ბრუდედ უყურებდა, და კვლავ დროს უცდიდა მის მოსაკლავად, მაგრამ მამის სიტყვასაც ვერ გადადიოდა. ბოლოს ისიც შეურიგდა. თურმე თვითონ ყოფილა განწირული. შარშან, დიდთოვლობას არტაანიდან მომავალი ნამქერში დაიხრჩო. ამ საცოდავ მოხუცს ცოლი აღრე გარდაეცვალა, მოკლული შვილის მეუღლე ბავშვებიანად მშობლებმა

წაიყვანეს და დარჩა ასე მიუსათარი. მისი დრო მოკმული აქვს და სიკვდილსაც დავიწყებია.

— მართლაც ძლიერი კაცი ყოფილა ისლამ-დედე, ამისთანა ადამიანს სულიც შეიძლება ანდო. — თქვა ბექსიამ.

— ძლიერი რომ არ ყოფილიყო, არ აპატიებდა. პატიება ვაყვაცების თვისებად მიმაჩნია.

— ღმერთის სამართალს რა ვუთხრა, — ჩაილაპარაკა ბექსიამ, — ასეთი კაცი მარტო უნდა კვდებოდეს?

— ცუდკაცებში ყოფნას ასეთი ცხოვრება სჯობია. — თქვა ემრულამ. — სიკვდილი მისითაც მოვა... ისე, მართლაც როგორაა მოწყობილი ადამიანის ბუნება. ჯერ არა და არ მოდის, თუ მოვიდა, მერე სიკვდილს ხელს ვეღარავინ შეუშვერს. თავადაც მკურნალია, რამდენი კაცი გადაურჩენია და ახლა რა დღეშია.

საღლაც შორს კენტი გასროლის ხმა გაისმა. აბრაგს სიტყვა პირზე შეაშრა.

— გაიგონე? — ჰკითხა ბექსიამ.

— გავიგონე, იმ ბიჭს ხომ არავინ შეხვდა?

— ვინ იცის. მგონი სხვა მხარიდან იყო.

ერთხანს სმენადამებული იყვნენ, მაგრამ სროლა აღარ განმეორებულა.

მოსაუბრეები დიდხანს დუმდნენ. არ იმჩინევდნენ, მაგრამ, ეტყობა, ამ გასროლამ ორივე ჩააფიქრა.

— რას გაჩუმდი? — ბოლოს ჰკითხა ემრულამ და თვალი გაუსწორა.

— აბა, რა ვქნა.

— ილაპარაკე რამე.

— რა ვილაპარაკო? — უხალისოდ თქვა ბექსიამ. — ბევრი ლაპარაკი ბევრი თავის ტკვილია, ხომ გაგიგონია.

უცებ ისეთი სროლა ატყდა, გეგონებოდათ, ცა ჩამოინგრაო.

აბრაგები წამოცვივდნენ, იარაღი მომართეს და ცხენებს მიაშურეს.

(გაგრძელება იქნება).



და მოდიოდნენ...

და მოდიოდნენ!

და მოუძღოდათ
შაჰის ნება და რისხვა კეისრის.
ცეცხლის ისრები ოქროს ურდოდან,
ვნება — აღგვის და ვნება — შერისხვის...

და მოდიოდნენ!

და თან მოჰქონდათ
სულთანის რწმენა, ზრახვა ხალიფის,
სახრჩობელები, ჭვარცმა, გოლგოთა,
შიში, სიკვდილი, აპაკალოფსი...
შემართულია შუბი მსახვრალი.
მოზიდულია სიკვდილის ცელი,
მზეზე ლაპლაპებს იატაგანი,
ველზე მოფრინავს ველური ცხენი,
სივრცეს მიარღვევს სპა გრიგალივით,
დაუნდობელი, როგორც მეწყერი,
გადამქელველი თოვლის ზვავივით
და ელდასავით სულის შემძვრელი.

და მოდიოდნენ!

დელგმად და წარღვნად,
ქარბორბალებად გზებს მიჰკიოდნენ,
და რად,

და რისთვის,

იცოდნენ, მაგრამ

ის არ იცოდნენ,

ხად მოდიოდნენ.

საით მოაფრენთ დარახტულ მერნებს,
ვინ უნდა აღგვათ პირისგან მიწის,
რა ფერებს შანთავთ, რა ღვთიურ ფერებს
გადამბუგველი ცეცხლით და სისხლით?
საით მიდიხართ?

ვინ გაიმეტეთ?

ვის ადებთ ხუნდებს, ხუნდებს მონობის,

და ბედისწერის ცისფერ იმედებს
ვის უსპობთ ასე შეუპოვრობით?
ბანას ქვეყანავ,
შოთას ქვეყანავ,
მარტო შენ ხარ და მხოლოდ შენა ხარ,
რომ არ გყოლია მტერი ისეთი,
შენი სიმაღლე რომ დაენახა,
რომ
ჩაწვდომოდა შენს მაღალ ლტოლვას,
რომ

ჩაწვდომოდა შენს მაღალ ტკივილს,
შენს უტკბილესს და უმწარესს ქორალს,
შენს ცაზე შენი არწივის ყივილს.

და მოდიოდნენ!

მაგრამ შენ სწორედ
შენმა სიმაღლემ ვადაგარჩინა,

...ახლაც,

ამ წუთში,

ალაზნის წნორებს

გადაუფრინა თავზე არწივმა.

შენმა სიმაღლემ!

და ამ სიმაღლით

და მზისკენ აწვილ მტკიცე კოშკებით,

და მირიადი ციხესიმაგრით,

და ნაჭრილობევე ცისფერ დროშებით,

სულ უმტკიცებდი მტერს და დამპყრობელს

შენს უკვდავ რწმენას — ზეცის წყალობას,

რომ შენ —

სიმაღლეს —

ვერ დაგამხობენ,

რომ უნდა გაპყვე მარადუამობას.

* * *

...მაგრამ შენ მაინც იწყები ელდით,

შემძვრელ ელდით და ელდის წიაღსვე,

თუმც შენში უკვე იპოვე ღმერთი

და ღვთის მიგნებით შენს თავს მიაგენ.

ღმერთი შენშია!

და მაინც ელდა
კივის და... გონი ჩაწვდა და უწყის,
რომ ზეცად ასვლას, რაც გეზლო ხვედრად,
წინ გარდუვალად გოლგოთა უძღვის.

* * *

ამოხსნილია ამოსახსნელი,
შეცნობილია შესაცნობელი,
ანთებულია ყველა სანთელი,
გაშიფრულია არსი ყოველი.
და მაინც,
მაინც

გადაუშლელი
კვლავ რჩება რალაც ამ შრეებს იქით,
კვლავ იდუმალი და აუხსნელი,
ვით ყრუ და მუნჯი პატიმრის ღიქრი.

* * *

რალაც სხვა, ვიდრე მხოლოდ ნანგრევი,
რალაც სხვა, ვიდრე ბურჯი დაშლილი,
ვიდრე ჩუქურთმა, ცეცხლით ნარბევი,
ყამით დაშლილი და გადაშლილი,
რალაც სხვა, ვიდრე ქვაზე ავაზად
ამოტვიფრული ხსოვნა ხალდესი,
არა!

სწორედ ის,
სწორედ რალაც სხვა
არის მთავარი და უმთავრესი.

* * *

ქალაქი ელის ოცდაერთ ივლისს,
და სდუმს ქალაქი და შენ მოგელის,
და ამ დუმბილში ჩაძირულ ტკივილს
ნატურის ნიღბებად ხატავს გოგენი.
წარმოსახვების თეთრ ზმანებაში

ქალაქი შენ და სიცოცხლეს ელის,
და მოხვალ
და ამ გარინდებაში
ამოძრავდება სუყველაფერი.

მონანიება

ეს იყო რწმენა!
მერე კი, როცა
განსჯამ ეჭვით და ეჭვმა ძიებით
ნიღბები მოხსნეს სისხლიან დროუჟამს,
სული შეძრწუნდა მონანიებით.
და ვინანიებ!
რომ იმ მხურვალე
რწმენით რეკავდნენ ზეცის ზარები
და საუკუნის წლები ბრუნავდნენ,
როგორც ოქტომბრის თანამგზავრები.

* * *

რა სამართალს და
რა კანონს და
სიმართლეს ითხოვ
მონად გაჰყიდეს
ღვთაებრივი პლატონი.
მონად.
ტაბუ დაადვეს
ლორკას სახელს
და ლორკას სტრიქონს.
გადაუბუგეს
ამბიონი
სიონის ქორალს.
ზურგიდან ჩასცეს
ორღესული
დაშნა კეისარს,
და მაცხოვარი
საწამებელ

ჯვარზე გააკრეს,
ვერ ააცილეს
ულმობელი ხელით
შერისხვა
ვერც ბაბილონს და
ვერც ურუქს და
ვერც ნოქალაქევს.
ტყვია ესროლეს,
ცხელი ტყვია
ილიას შუბლს და
სოკრატეს ბედი
მელიტეს (და ეშმას)
მიანდეს,
დემონის ხმალი
გააშიშვლა
გარნისში შურმა,

ათენს მტრად ექცა,
მოსისხლე მტრად,
ალკიბიადე.
თორამ განკვეთა
და უარყო
ბარუხ სპინოზა,
ჯორდანო ბრუნოს
შემზარავი
უზღეს სასჯელი,
ტაძარში დაჰკრეს,
ღვთის ტაძარში,
ღვთის გვირგვინოსანს,
ამოტს. მახვილი
და ლალატი

უკანასკნელი.
იერემიას
უსაშველო
ტიციუს და გლოვას
უდაბნო
ღუმილს ახვედრებდა
უმწარეს გზებზე,
მონად გაჰყიდეს
ღვთაებრივი
პლატონი, მონად,
რა სამართალს და
რა კანონს და
სიმართლეს ეძებ!

ხათუნა გავუა

* * *

მე კარგად მახსოვს წამი, როდესაც
ეფარებოდა ვარსკვლავებს მთვარე,
გრილი ნიავი დაჰკროდა ირგვლივ,
სულიც გაფრენას ითხოვდა გარეთ,
მე კარგად მახსოვს ნამი, როდესაც
სულში ფიქრები იქცა ლოცვებად,
შენ მოდიოდი ჩემკენ ოცნებით
რათა გაგეგო ჩემი ოცნება...



დაკარგული სამანი

ტრაპიზუნის შავ ბაზარს ერთი ვიწრო და გრძელი ქუჩა გასდევდა. ეს ქუჩა დუქნებითა და ქარვასლებით იყო სავსე. რა ჯურის კაცს არ ნახავდით აქ ჩამომხდარს, დღისით და ღამით არემარეზე მიღეთის ხალხი ტრიალებდა და თავთავიანთ საქმეებს არიგებდა.

ჩვენ ერთი ქარვასლა გვექონდა შეგულბული და გადმოტანილ საქონელს მუდამ იქ ვინახავდით. ქარვასლის პატრონი ბერძენი იყო, ხრისტოპულოსი. თავის ღროზე მამაჩემსაც კარგად იცნობდა და ჩვენც დიდი სიამით მიგვიღო. ჩაიბარებდა საქონელს, დაგვაპურებდა, დაგვასვენებდა და ღამით ნავსადგურში გავგიყვანდა.

ათობით სავაჭრო ხომალდი ირწეოდა რეიდზე. ბერძენი თავის ნავში ჩაგვსხამდა და რომელიმე გემისკენ გაგვაცურებდა, მეტწილად ინგლისელ და ჰოლანდიელ ვაჭართა გემებზე ავყავდით, თუთუნის ყადრი სხვაზე მეტად მაგათ იციანო, იტყოდა ხოლმე, მოვრიგდებოდით, დამხვდური ევროპელი სასმელით გვიმასპინძლდებოდა და უკან კმაყოფილნი ვბრუნდებოდით.

მეორე საღამოთი ხრისტოპულოსი აქლემს იქირავებდა, საპალნეს აჰკიდებდა და გარიგებული ვაჭრის გემზე ჩვენს გარეშე აჰქონდა თამბაქო. დაბრუნდებოდა თუ არა, ოქროს მისხალ-მისხალ ჩაგვითვლიდა და პატარა ყუთით სიგარებსაც დაგვიწყოებდა წინ. პატიოსანი კაცი გამოდგა ბერძენი, ამიტომ არც ჩვენ ვიშურებდით მისთვის არაფერს და გასამრჯელოსაც ორმაგად ვუხდიდით.

ბერძნის ქარვასლის გვერდით პატარა, მაგრამ კოხტა დუქანი იდგა. რით ვაჭრობდნენ დუქანში ამას ვერ გეტყვით, არც დავინტერესებულვარ, მაგრამ დუქნის პატრონმა კი შემაფიქრია.

ამ მოკლე ხანში, ამდენ წანწალსა და მალვა-მალვაში, ბევრი რამ საკვირველი ვნახე დღინაზე, მაგრამ ამ კაცის ხელებმა და ყალიონმა ნამდვილად განმაცვიფრა.

წარმოსადგვი, სასიამოვნო პირისახის პატრონი იყო. მსხვილი, გადგრეხილი უღვაშები თითქმის ყურის ბიბილოებამდე უწევდა. თმა თეთრი და ხშირი ჰქონდა, სახესა და შუბლს ნაოჭები უკვე თამამად შესეოდნენ, მაგრამ სიმტკიცესა და ვაჟკაცურ იერს ვერ უკარგავდნენ. ეს იყო,

რომ მუდამ მოღუშული იჯდა და სალამ-ქალამის დროს მოქმედებდა. შუბლს ოდნავადაც არ გაშლიდა.

უსაშველოდ დიდი ყალიონი არ მახსოვს ჩაექროს — ამოსწვავდა თუ არა ერთ ჩადება თუთუნს, მოზრდილ ქისას გახსნიდა, თითქმის ერთ პეშეს უზარმაზარი ყალიონის ხახაში ჩატენიდა და ისევ აბოლქვებდა იქაურობას.

ყალიონის შესაფერისი ფართო და მსხვილი ხელები ჰქონდა მეღუქნეს. სწორედ მათმა ხილვამ შემადრწუნა, ტყავაქლეთილი, აწითლებული ხელის მტევნები ალაგ-ალაგ ჩაშავებულ-ჩაკირულიყო, იგრძნობდი, რომ ამ ხელებს უზომო ტანჯვა და ტკივილი გადაეტანათ. დაუჯერებელია მარა ისეთი გრძნობა მეუფლებოდა, თითქოს ამ კაცს ორი გონიერი, დარღითა და სევდით მოცული არსება შეზრდოდა. მათი დინჯი მოძრაობანი დიდ სიმწარესა და ნაღველს გამოხატავდნენ.

ახალგაზრდა ვიყავი და როგორღაც შემძრა იღუმალეებით მოსილმა უცნობმა. ბევრჯერ მომიხდა ოსმალში ჩასვლა და მეღუქნის ხილვა, ხრისტოპულოსსაც ვკითხე მისი ავან-ჩავანი. ასე მიპასუხა: ხოსრო-ეფენდის ეძახიან, აგერ, ორმოცი წელი გახდება, რაც ეს ღუქანი გახსნა, იაპონური ქსოვილით ვაჭრობს, მაგრამ ვინ არის ან სადაურია არ ვიციო, ეგ არის, რომ აქაური ვაჭრები და მექარვასლენი დიდის პატივითა და ნდობით ვეპყრობითო, მეტი ვერაფერი დავსტყუე ბერძენს, მე კი გაცნობის წადილი მკლავდა და ვერასგზით მომეხერხებინა.

ერთხელ, მე და ჰაიდარი ქარვასლაში ვისვენებდით. ხიროსის ღვინოს შევექცეოდით და ხრისტოპულოსის გამოჩენას ველოდით. კარებს უცხო მსახური ყმაწვილი მოადგა და იკითხა, რომელია აქ გურჯების ქვეყნიდანო, ჩვენსკენ ვიხმეთ.

— ჩემმა პატრონმა, ხოსრო-ეფენდიმ მიბრძანა, გაცნობოთ, ერთი თოფა თუთუნის შესყიდვა სურს და მობრძანდით, ფასზე მოვრიგდეთო.— თვალების ფახულით გვაუწყა ბატონის ბრძანება მსახურმა.

ჰაიდარი ის იყო, უარის შეთვლას აპირებდა, მაგრამ გავაჩუმე და მსახურს მივუბრუნდი.

— წადი და ეფენდის მოახსენე, მზე რომ ზღვაში ჩაესვენება, მე ვესტუმრები და თავად მივართმევ ერთ თოფა თუთუნს ფეშქეშად.

მალე ჩვენი მწყალობელი ხრისტოპულოსიც გამოჩნდა, თამბაქოს ფაბრიკის მეპატრონე ინგლისელი გაუცვინა და სალამოთი გასარიგებლად უნდა წავყოლოდით. ჰაიდარს ვთხოვე, ჩემს გარეშე ხლებოდა ინგლისელს.

დედის ძმა დავითანხმე და დროის მოსაკლავად სპარსელ ყულისთან ნარდის თამაში გავაჩაღე. სალამოს პირიც დადგა. გულმა არ მომითმინა.

მზის ჩასვლას აღარ დაველოდე, ერთი თოფი საუკეთესო თუთუნით
რჩიე და ხოსრო-ეფენდის დუქანს მივაშურე.



* * *

ხოსრო-ეფენდი, როგორც ყოველთვის, ახლაც დუქნის წინ იჯდა და
შუბლშეკრული კუშტად გაცქეროდა გამველ-გამომველს.

— სალამ-ალეიქუმ, — მდაბლად მივესალმე.

— ალეიქუმ-სალამ, — მშვიდად მომაგება სიტყვა და მსხვილ წარ-
ბებს ქვემოდან მომაპყრო მზერა. უსიტყვოდ წამოდგა — ზორბა კაცი
შემრჩა ხელში. მორიდებით ვუტიე გზა და დუქანში შემიძღვა.

კარებთან მსახური ბიჭი გაჩნდა, ტვირთი ჩამომართვა და პატრონს
მოწიწებით ჰკითხა, რა მოგართვათო სუფრაზე. ჩემი საყვარელი ღვინო
და ხილი გამოიტანეო ხელდახელ, — ბრძანა მასპინძელმა. ბიჭი ძღვენი-
თურთ მიიძალა.

მე და მასპინძელმა დუქნის დიდი, გაშლილი სავაჭრო დარბაზი გავიარ-
ეთ და ძვირფას სპარსულ ფარდაგს იქით, ერთ მყუდრო, სადად შემკულ
ოთახში ამოვყავით თავი.

არ ვიცი რატომ, მაგრამ უეცრად ჩემი სახლის სურნელება და იერი
შევიგრძენი. კარგად რომ შევათვალე რე აქაურობა, დავრწმუნდი ქარ-
თულ სასტუმრო ოთახში ვიმყოფებოდი. ჩვენში, აჭარა-გურიაში რომ
ნახავს კაცი. კედლის ერთი ნაწილი ქართულ-ნაქარგი ხალიჩით დაემშვენე-
ბინათ, კუთხეში, პატარა ამბიონზე, მცირე ზომის ხატი ესვენა; კარგად
რომ დავაკვირდი, წმინდა გიორგის ხატს მივამსგავსე. მოპირდაპირე კე-
დელთან საკმაოდ მოზრდილი, ჩუქურთმებიანი მოსასვენებელი ტახტი
მიედგათ, შუაგულ ოთახში კი დაბალი, ჩვენებური ყაიდის ტაბლისათვის
ექვსი სამფეხა სკამი შემოელაგებინათ.

ამასობაში მსახურს სუფრის გაშლა მოესწრო. თუმცა რა სუფრა—
ტაბლაზე აღმოსავლური ნაირ-ნაირი ხილით საესე ხონჩა იდგა, გვერდით,
ზემო იმერეთს გარდა ვერსად რომ ვერ აკეთებენ, სწორედ ისეთი ხელა-
და და ორიც კიდევ მისი საფერი თიხის სასმისი. სულ ეს იყო.

— დაბრძანდით, ჰაბუკო, — წმინდა ქართულით მომმართა მასპინ-
ძელმა.

მშობლიურ გარემო-სურნელში მოხვედრილს არც გამკვირვებია მად-
ლიანი ქართული „დაბრძანდით“.

— თუ არ ვცდები, მემედ ასამბაძის ვაჟი ხართ, არა?

— ბატონი ბრძანდებით.

— ჰოო, ზედგამოჭრილი მემედი ხართ, მამათქვენს კარგად ვიცნობ-

დი, კაი ვაჟკაცი იყო. ხრისტობულოსმა მიამბო ყველაფერი. გავიგე, მამის მკვლელს ეძებთ.

— აბა, სხვაგვარად არ იქნება მაგ საქმე, ეფენდი, მამის უდანაშაულოდ სისხლს ვერ შევირჩენ, ზურგიდან მიმპარველსა და მოლაღატეს თავისი უნდა მიეზლოს. არა მგონია, ვინმემ დამძრაბოს, — სხაპასხუპით მივაყარე.

— ასეთ საქმეში ჩარევა და რჩევის მიცემა ძნელია, შვილო, კაცის კვლა თავად ითვლება მძიმე ცოდვად, მაგრამ არც იმ ლალატიანი ადამიანის ბოგინი ივარგებს მიწაზე. ვინ იცის, მამაშენის შემდეგ რამდენს მოულო ბოლო და კიდევ ვის წაისაკრებს მისი უკეთური ხელი.

მერე სასმისს წაეტანა და მშვიდი ხმით განაგრძო: — შენ საქმეს თავად უნდა გაუძღვე, ვაჟკაცი ხარ და მოქმედებაც ვაჟკაცური გმართებს. ახლა კი მამაშენის ხსოვნისა შევსვით.

სასმისები გამოვცალეთ. მასპინძელი კვლავ შეუყვავა საუბარს: — კარგად ვიცი, მემედს ჭირის დღესავით სძულდა ოსმალს, მაგრამ გაჭირვებამ მაინც აქაურობას დააკავშირა. ცხოვრება ხლართია, ათასი ხვანჯი, ხიფათი და უსამართლობა თან სდევს მუდამ, ოღონდ სიბრძნეცაა იგი. ძნელად შესასწავლი და შესათვისებელი. შენ ჯერ ახალგაზრდა ხარ, სიკეთეზე მეტად სიავეს შეეყრები, მაგრამ არ დაგავიწყდეს, კეთილმან შექმნა სამყარო, არსება მისი გრძელია.

გაშეშებული ვუსმენდი ტკბილმოუბარ ქართველ ოსმალს. მცირე ხნით სიჩუმე ჩამოვარდა. მასპინძელმა უკანასკნელი ნაფაზი შეისუნთქა და უსიამო თითებით თუთუნით გამოტენილ ქისას წაეტანა.

— ჩემი თამბაქო გასინჯეთ, ეფენდი, ვფიქრობ მოგეწონებათ.

— ნება შენი იყოს, — შუბლი გახსნა მასპინძელმა და მსახურს დაჭრილი თუთუნის მორთმევა უბრძანა.

დინჯად, დაკვირვებით მოსრისა თუთუნი, მერე დაყნოსა და მივხვდი, რომ კმაყოფილი დარჩა. ჩვეულებისამებრ ერთი პეშვი ყალიონს შეუქვეთა, კვეს-აბედით გააჩაღა და იქაურობა კვამლით დაბურა.

— დიდებულია, დიდებული, ყოჩად, ჭაბუკო! — მოწონების ნიშნად მხარზე შემეხო, — ჩვენ ვაჭარი ხალხი ვართ და საქონლის ყადრი ვიცით. აბა, ფასი მითხარი, შვილო.

— როგორ გეკადრებათ, ხოსრო-ეფენდი, ეს თუთუნი ძღვნად მოგართვით, მერმის ჩამოსვლაზე ერთ ამდენს კიდევ ელოდეთ.

მხრები გაშალა ნასიამოვნებმა მასპინძელმა. ვიგრძენი, რომ დრო იყო წადილი დამეკმაყოფილებინა, გამეგო, ვინ იყო ეს კაცი, უზარმაზარი ყალიონისა და საზარელი ხელების პატრონი.

— ქართულ გულუხვობას გადაჩვევიხართ, ხოსრო-ეფენდი, — ნიშ-



ნისმოგებით ჩაუყარი სიტყვა, — თორემ ეს მცირედი საჩუქარი რა სათქმელაა. ხომ გაგიგონიათ, ჩიტი ბღღუნად არ ღირსო. — გაკვირვებულმა შემომხედა, მარა მის მხერას არ შევეპუე და დაწყებულ სათქმელს ბოლომდე მოუყარე თავი, — ქართველი რომ ბრძანდებით, ამაში დავრწმუნდი. ალბათ, გულმაც იმიტომ გამომიხმო თქვენსკენ. როგორც ვხედავ, ბევრის მნახველი და ჭირგამოვლილი ვაყვაცი ხართ, ჰოდა, გთხოვთ, ჩემს სითამამესა და გულისწადილს უდიერებაში ნუ ჩამომართმევთ, აქ მოსვლაც იმან გამაბედინა, რომ ახლოს გამეცანით, შემეტყო თქვენი ცხოვრების ვარამი, გული მეუბნება ამას. ამიტომ გავბედე, იქნებ არასაკადრისი სიტყვაც ვითხარით, მივიწყებული წარსული გამოგიჩიჩქნეთ და დაშოშმინებული გუნება გაგიფუჭეთ.

გავჩერდი. თავი ჩაექინდრა შუბლშექმუხნულს, ყალიონსაც მალე მალ აბოლებდა.

კარგა ხანს დუმილი რიალებდა ოთახში. — უხერხულობისაგან ავწრიალდი, თითქოს მიმიხვდაო, ხელადას წაეტანა და სასმისები ღვინით შეავსო, ყალიონი გვერდზე გადადო, სასმისი ორთავ ხელში მოიმწყვდია და სვენებ-სვენებით ამოისროლა სიტყვები:

— ჭაბუკო... მე მსურს... ჩვენი მიწის, ჩვენი ტანჯული კუთხის, ქართველის დაღვრილი სისხლის სადღეგრძელო შევსვა. თითქოს შენოდენამ დავტოვე მშობლიური აჭარა, ათასგზის ნაგვემი და ათასგზის კურთხეული მხარე, აგერ, ოთხ ათეულ წელს მოუყარი თავს, რაც არ ვღირსებივარ ჩემი მიწის სურნელებას. მოდი, მონატრებისა იყოს, ხანმოკმულ კაცს რომ ააფორიაქებს, იმდენ ხანს სათუთად ნატარებს და მერე სადღაც მიჩქმალულს, ერთი შენი სახიერი რომ მოგაგონებს და გახლეჩილ, უკვე დაჩირებულ მკერდს ისევ ავიკვირტებს.

სასმისი სასმისს მივუჯახუნეთ და დავცალეთ.

ყალიონი კვლავ გამართა და კვამლში გაეხვია, ვიგრძენი, რომ სათქმელს იტყოდა, სული ავუფორიაქე და იტყოდა.

ჩემსკენ არც კი გამოუხედავს, ისე დაიწყო.

— აკი ვითხარი, ორმოცი წელიწადი მალე შემისრულდება, რაც ტრაპიზუნს ვიმყოფები. თამამად შემიძლია ვთქვა, რომ აქ ყველაფერი ძაღომომრეობას ემორჩილება.

მეც, ალბათ, ერთი იმათთაგანი ვარ და თუ არ დავმორჩილდებოდი, დაუწერელ კანონებს არ ვეზიარებოდი, ვფიქრობ, დღეს შენთან ერთად ამ პეკემოკიდებულ ცოლიკაურს ჭაშნიკს ვეღარ გავუხინჯავდი. ორმოცი წელიწადი ცოტა არ არის — ამ ხანში ყველა აწ გავლილ ცოდვა-მადლთან ერთად ბევრიც მიფიქრია და სამოც წელიწადს მიტანებული კაცი მხოლოდ ორადორ ჭეშმარიტებას ვეზიარე: ამ ქვეყნად ყველაზე ადვილი

კაცის სულიერი და ფიზიკური განადგურება ყოფილა, მოთმინება და პატიება ყველაზე ძნელი. ერწმუნე ჩემს სიტყვებს, შვილო, თუნდაც მას შემდეგ, რასაც გიამბობ და მომავალშიც, როცა თავად გადაეყრები მრავალ ჭირ-ვარამს და შენს არჩევანზედ ბევრი სათუო საქმე იქნება დამოკიდებული.

ხოსრო ეფენდიმ ისევ ჩამოასხა ღვინო, უსიტყვოდ გადაჰკრა და შერე გაავრძელა.

— მამაჩემმა, თავის დროზე აჭარაში განთქმულმა საფარ-ბეგმა, ისე მოხდა, რომ ქრისტიანი ქალი, თავად კაცია წერეთლის ასული შეირთო, მალე კი მეც მოვევლინე წუთისოფელს.

* * *

დელაჩემი, იმერული წერეთლის ასული, ქრისტიანი, ფრიად განსწავლული და მეტად მორწმუნე ქალი იყო. მამა-ბატონი ხომ აღმერთებდა მას. სიყვარულმა თავისი ქნა, ხოლო სისპეტაკემ და სათნოებამ სულიც დაიპყრო საფარ-ბეგისა და მამაჩემმა, სჯულით მაჰმადიანმა, ყველასაგან მალულად ისლამი დაემო და ქრისტიანობას, თავის წინაპართა სამებას უზიარა. ასე რომ, მეც ქრისტეს მოძღვრება დავიდე სათავედ და გამდე ლადაც იმერული ქალი აიყვანეს.

მამა-ბატონი ჩემს აღზრდაში არ ჩარეულა. იგი მეომარი კაცი იყო, ოჯახისა და სახლობისთვის ნაკლებად იცლიდა. ამიტომ შინაურ საქმეს დედა განაგებდა.

გადიოდა წლები. თუმც, აღნაგობითა და ვაჟკაცობით მამას გამოვე მსვავეს, გული დედისა გამომყვა. მასავით რბილი და შემბრალე ვიყავი. მიყვარდა მოყვასი და მჯეროდა ადამიანის. მამა-ბატონი ძლივას მოესწრო ჩემს დავაჟკაცებას, ძველმა ჭრილობებმა თავი შეახსენეს და მალე განუ ტევა სული.

ზაფხულობით დედა უმეტესად ჩმერეთში, წერეთლიანთ დიდ მამულში თავის ძმასთან მაგზავნიდა.

ვამეყ წერეთელი ქეიფსა და დარდიმანდობას გადაყოლილი ბატონი-შვილი გახლდათ. მე აქ უფრო ლაღად ვგრძნობდი თავს. უკვე ოცი წლის ჭაბუკი ვიყავი და ბიძაჩემის დარდიმანდული ცხოვრება მიტაცებდა კო დეც. დღეებს ნიადაგ ნადირობაში ვატარებდით, ღამეებს კი ქეიფსა და ნადიმებში ვათენებდით, ღვინოსა და ლამაზ ქალებს ვეტრფოდით.

ერთ მშვენიერ დღეს აივანზე ვისვენებდი, თავზე ბიძაჩემი დამადგა და მხიარულად მომმართა:

— აბა, ჩემო ხოსრო, გამოეწაიო, ბატონ გიორგი ლორთქიფანიძის

ოჯახში ვართ წვეულებაზე დაპატიებული. დაუჩქარე, სუფრას სტუმრების დასხდომამდე უნდა მივუსწროთ.

— რატომღაც, გიორგი ლორთქიფანიძე თქვენს ნაცნობ თავად-აზნაურობაში არ მაგონდება, ბიძაჩემო.

— შენ მართალი ხარ, დისწულო, გიორგი ოცი წელიწადი პოლონეთში ცხოვრობდა, იგი ჩემი სიყრმის მეგობარია.

— ქართველი თავადი პოლონეთში? — გაკვირვებით ავხედე ბიძაჩემს.

— ჯერ კიდევ ჭაბუკი, მამამისმა, ბატონმა ანდრეაფარმა, ევროპაში გავზავნა სასწავლებლად, მარა სწავლას გიორგიმ სამხედრო გზა არჩია და პოლონეთის მიწა-წყალს ემსახურა, ოჯახიც შექმნა, იქაური ქალი შეურთავს.

— სტუმრად ეწვია თავის ქვეყანას?

— არა, ყმაწვილო, სამუდამოდ დაბრუნდა, მეუღლე გარდაეცვალა, იქაურობა მიჰყიდ-მოჰყიდა, და ერთადერთი ასული თან ჩამოიყვანა. მიწამ უყივლა, სჩვევია ეს მიწას, — მერე მხრებში ჩამავლო ხელი, წამომხიდა და დამიცაცხანა, — ცოტა მარდად ვაისარჯე, თორემ ვინ იცის, თუ დავაგვიანეთ, ვინძლო სხვამ იმარჯვოს და თავადის პირმშვენიერ ასულს ტრფობის ისარი შიგ კაკალ გულში მოახვედროს.

— თქვენ რა ქარაგმებით მეუბნებით, ბიძაჩემო, — მოვიკატუნე თავი.

ლორთქიფანიძეებთან გამართულ ნადიმზე უღვინოდ ვითვრებოდი... ტრფობის ისარმა, მართლაც რომ დამკოდა იმ საღამოს, მაგრამ ვაი, რომ ჭრილობის დაამებას საშველი არ ადგებოდა.

ათეული წლები დიდი ხანია ერთმანეთში აითქვიფა, მაგრამ თავად ლორთქიფანიძის ასულის ლაყვარდევით უძირო თვალები მუდამ წინ მიდგას, ჩემს გონებას აბრმაეებს და უსასოოს მხდის.

როცა პირველად ვიხილე, გავხვედი — ძოწისფერ სამოსელში გახვეული, ნიამორივით მფრთხალი ჩანდა. მამასთან ერთად ღიმდაკრული იერით ესალმებოდა სტუმრებს. თუმც, გავვოგნდი ფერიის ეშხითა და სინატიფით, მაგრამ სლავური სითამამე მაინც დავიჭირე მის გამოხედვაში,

დაინახა თუ არა ბიძაჩემი მასპინძელმა, სიხარული ვერ დაფარა და ფეხაჩქარებით გამოემართა ჩვენსკენ, ქალიშვილიც გამოიყოლა.

— ჩემო ვამეყ, როგორ გამახარე, ღმერთო-ჩემო, სრულებით არ შეცვლილხარ, ისევ ის თავანკარა, ამაყი გამოხედვა... — მეგობრები ერთ-ერთს გადაეხვივნენ.

წარმტაცი ასულის პირისპირ დავრჩი. ის წამები საუკუნედ გაჭამე-ქცა, ვახევებულს ბიძაჩემის ხმამ მიშვილა.



— გიორგი, გაიცანი ჩემი დისწული, ბატონიშვილი ხოსროშვილი შიძე, — მამა-შვილს მოწიწებით დაუკარი თავი.

— ეს კი ჩემი ასულია, ანა, იცნობდეთ და გიყვარდეთ ერთმანეთი, — თან დააყოლა, — ცოტა ანცია, მაგრამ ნუ გაიკვრვებთ, გავათამამე დედით ობოლი.

წვეულება დამთავრდა, მივხვდი, რომ ჩემი სიჭაბუკე და სილალე იმ დამესავით გაილია და დილის ბინდ-ბუნდს ვაჰყვა სამუდამოდ. სიყვარულის სამსალა ერთია ჩემს სასმისში, უტკბესი იყო ის სამსალა, მაგრამ სევდანარევი, თანაც რატომღაც მომთენთავი.

ორიოდე დღეში დედა-ბატონის მიერ გამოგზავნილი კაცი მოვიდა — სასწრაფოდ მიხმობდნენ შინ. გული აქ მჩრებოდა, მაგრამ დედის ბრძანებას ვერ გადავიდოდი და მალე ჩემს მამულში გავემგზავრე, იქაურნი საქმენი იყო მოსაგვარებელი.

* * *

დედის გულმა მალე იგრძნო ჩემი სატკივარი. ერთხელ გვერდში მომისვა, პატარასავით მომეალერსა, დამიყვავა და ბოლოს ჩემს დაოჯახებაზე ჩამოაგდო საუბარი. მისგან დამალული არ მქონდა-რა და დედის ყოყმანის შემდეგ გავანდე გულის ნადები.

გავიდა დრო. დედას თითქოს მიავიწყდა ჩემი საწუხარი. მხოლოდ ეგ იყო, გაზაფხულის დამდეგს, თოვლი რომ საკმაოდ აღნა, კვირბაძალზე იმერეთს გამგზავრება ბრძანა.

გამთენიისას ჩვენი სასახლის ეზოს ოცი ცხენოსანი მოადგა. სტუმრებს მე გამოვხედე — ჰოი, საოცრებავ! აჭარის განთქმული ბეგები, მამაჩემის ერთგული მეგობრები, თანამებრძოლნი, თოფ-იარაღში ჩამჯდარნი, საბრძოლველად თუ შორ გზაზე გასამგზავრებლად გამზადებულნი, დიდ ჭიშკარს შემოწყობოდნენ და ალაგებზე ცხენებს აღვირით აბამდნენ.

ყველა სათითაოდ ჩამეხვია, მამაშვილურად. მალე დედა-ბატონიც გამოეგება სტუმრებს. თუმც მოსწრებული ვაჟი ვყავდი წერეთლის ასულს, მაგრამ დრომ მის ქალურობას, მშვენებასა და პეწს ვერა დააკლო-რა. სიღარბაისლე შემატა მხოლოდ. თითქოს მოცურავდა ქართულ კაბაში გამოწყობილი — ჭარმაგათა ოცი წყვილი თვალი კი მონუსხულივით მისჩერებოდა. შუბლზე ამბორით დააჯილდოვა თითოეული დედამ და სახლში შეიპატოჟა ნამგზავრნი.

სახელდახელო სუფრა გაიწყო. მიიკითხ-მოიკითხეს ერთურთი, ძველი ამბები გაიხსენეს, და ბოლოს დიასახლისმა სტუმრებს მოწვევის მიზეზი ამცნო. ჩემი გულისტქმა გამართლდა — იმერეთს ეპატიჟებოდა მამის თანამებრძოლებსა და მეგობრებს დედა-ბატონი — თქვენ უნდა



გაუწიოთო მამობა, მეგობრობა და თანადგომა ჩემს ერთადერთ ვაჟს, რადგან მე, თუმცა დედა ვარ, ქალი მქვია, საქმე კი კაცურად უნდა გადაწყდეს, თქვენს გარეშე კი მარტოა მამის მხრიდანო.

გადაწყდა — იმ დღესვე უნდა გავმგზავრებულიყავით იმერეთს ლორთქიფანიძის ოჯახს. ბიძაჩემთან ერთად უნდა წვეოდნენ მამის მეგობრები და ასულის ხელი ეთხოვათ თავადისთვის.

გრძელი თხრობით თავს არ შეგაწყენ, ჭაბუკო.

ნიშნობა იმავე კვირას შედგა, ქორწილიც არ დავაყოვნეთ. დიდის პატივითა და ზარ-ზეიმით წამოვიყვანეთ ჩემი სათაყვანებელი ანა, აწმეულღე ჩემი უკუნისით უკუნისამდე, როგორც ეს ჯვრისწერის ქამს ბრძანა სულგანათლებულმა მამა ამბროსიმ.

* * *

ანა მალე შეეგუა ჩემს კუთხე-კარს. მისმა მხიარულებამ და ჩვეულმა სითამამემ გამოაცოცხლა სახლის კარი. ასე, სიამტკბილობაში გადიოდა ხანი.

ხშირად მე და ანა ორიოდ მწევარს წინ გავიგდებდით და ტყეს მივცემდით თავს. ანა ნადირობის ტრფიალი გამოდგა. მამაჩემის ნაქონ სანადირო თოფს შესასურად ისროდა მიზანში; ბევრჯერ მიხილავს ანას მარჯვედ ნასროლი ტყვიით განგმირული ისარივით მოწყვეტილი შველი ან მელია.

სამამულო საქმეებით დატვირთული იმდენად ვეღარ ვიცლიდი ნადირობისათვის. მაშინ ანა მხლებელთან ერთად მოახტებოდა ბედაურს, როცა აჭაურ ტყე-ველს შეეგუა, მოწყენილობის უინს არც მარტოკა ეპუებოდა ახლო-მახლო ჭალებში ტაიჭით ნავარდს.

ვამჩნევდი, რომ დედა-ბატონს არ მოსწონდა რძლის აგრერივი გატაცება. მაგრამ არას ამბობდა, მე კი სულ სხვა რამ მაშინებდა — როგორც გავიგე, ჩემი მამულის მახლობელ ტყეში ერთი თავზე ხელაღებული ყაჩაღი დაძროდა. უამრავ ცოდვიან საქმეს აბრალებდა ხალხი მას. ის კი დანამდვილებით ვიცოდი, რომ დიდსა თუ პატარას უმოწყალოდ ძარცვავდა და სადაც შიში არ გასდიოდა, იქ არც მსხვერპლს ერიდებოდა.

შეშფოთებულმა ანას ვაუწყე, რომ უჩემოდ სასახლის კარმიდამოს არ გასცილებოდა.

აგერ-აგერ შემოდგომაც მიილეოდა. ფოთოლცვენის ქამი დადგა. არემარეს სიგრილე შეეპარა, ტყეს და მის ბინადართ შეაყრყოლა, სოფელიც ზამთრისათვის გაემზადა. კერიანზე უფრო ხშირად ლაპლაპებდა ცეცხლის ალი, სითბოს ეფარებოდა ყოველი სულიერი.



მოწყენილობაჲ იმატა სასახლეში. მე და ანა უმეტესად მოგვიგონებ
ბუნხართან ვატარებდით დროს, ბაასითა და წიგნების კითხვით ვერთობ-
დით თავს, მაგრამ ერთფეროვნებას დიდხანს ვერ გაუძლო პატარა ქალ-
ბატონმა, ველარ ისვენებდა, ცმუკავდა, უმიზეზოდ კაპასობდა.

ერთხელ ხელიდან წამგლიჯა წიგნი, ბუნხარში შეუძახა და აცრემლენ-
ბული ყელზე მომეხვია ალერსით.

— ჩემო ხოსრო, აღარ შემიძლია, სული მეხუთება, ტყეში გავიდეთ,
გავინავადოთ, თვალი დავატკბოთ, სულს თავისუფლება მივცეთ...

მოკლედ, დამიყოლია. მეორე დღით ცხენები შევკაზმეთ და ტყას
სიღრმეში შევყავით თავი.

სასიამოვნო დარი იდგა. თითქოს მზის უკანასკნელ სხივებს ეგებებია-
ნო, ტყის ბინადარი გარეთ გამოფენილიყვნენ და თავ-თავიანთთვის ფუ-
სეუსებდნენ.

ცხენები თავის ნებაზე მივუშვით, ვტკბებოდით ბუნების სიამითა და
ზეიმით. ტყემ ანდამატივით მიგვიზიდა და შუაგულისაქენ შეგვიტყუა,
ამორძალივით ამხედრებული ანა ციურივით ბრწყინვალეობდა ბუნების
წიაღში, მისი ცხენი უსახმანოდ მიგვლავდა და მეც ბრმად მივაჭყენებდი
ბედაურს დიაცის ეგზომ სიმკვირხლითა და სილამაზით ატაცებული.

ბოლოს დაოთხილი ცხენები ჩორთზე გადავიდნენ, არემარე მეუცნა-
ურა — ჩანდა ჩვენს სანახებს გავცდით.

ამინდმა პირი იცვალა, მზემ უეცრად აიკრიფა სხივები და ნისლი ჩა-
მოწვა. ანას უკან დაბრუნება შევთავაზე, მაგრამ არ შემეპუა, ჯიუტად
გადაუჭირა მათრახი ბედაურს და წინ გაიჭრა. მეც არ დავინდე ჩემი
აჯილდა და კვალში ჩავუდექი მქრქოლავ ფერიას.

ნისლი უფრო და უფრო მოეძალა არემარეს. ცხენებს უკვე გუმანი-
თაც უჭირდათ გზის გაკვლევა. ცის კაბადონი კიდევ უფრო მკაცრად
მოიღუშა, მერმე ღრუბელი შეიყარა და ყიამეთი ჩამოწვა.

წინსვლა გაჭირდა. ერთ ადგილზე დგომაც შეუძლებელი იყო, მზრალი
ყინვა ტანში ატანდა, მგლების ყმუილიც შემოგვესმა. ცხენიდან ჩამოგზ-
ტი, ორთავ აღვირს ხელი გამოვდე და წინ გაუძეხი. ცხენები ატოკდნენ.
ახლა ანა მოექცა თავში, პკიოდა, როკავდა უნაგირზე, ამხნევებდა ტაიჭს,
თმები ჩამოეშალა, თვალანთებული ნადირობის განრისხებულ ქალღმერთს
ჰგავდა.

ბუნება თანდათან დაშოშმინდა, დაოკდა, წვიმამ გადაიღო, ცაც გადა-
იყარა, ტყემ თავისი პირვანდელი სახე დაიბრუნა. იმედმოცემულებმა უფ-
რო ვაბედულად განვაგრძეთ სვლა. დაოსებულებს, დასვენება ერთ სიცო-
ცხლედ გვიღირდა, მაგრამ ტყიდან გასვლა დალამებამდე უნდა მოგვესწ-
რო, თორემ ნადირის არჩივი გავხდებოდით.



ტიალ ადგილზე გამოვედით.

პატარა მინდორი უამრავ გამხმარ, ჩამყაყებულ ფოთოლს დაეფარა. ერთ მხარეს კვამლი შევნიშნეთ, ანამ არ დააყოვნა და იქითკენ აიღო გეზი, დაბალი, უშნოდ გართხმული ქოხი გამოჩნდა, რომლის მსხვილი ძეღეებისაგან შეკრული კედლები აქა-იქ საკმაოდ გამრუდებულიყვნენ.

ცხენები ქოხთან შევაყენეთ. შვებისგან ბედნიერად ამოვისუნთქეთ, ანას სიხარულისაგან თვალები გაბრწყინებოდა — გადავრჩით. ანაზღად ქოხის კარები გაიღო და წირბლზე თოფ-იარაღში ჩამკლარმა ვეება მამაკაცმა გადმოალაჯა. უზარმაზარი, ბუნებისაგან ზედმეტად ასხმული, გაბურძენილი თმა-წვერითა და იქედნური ღიმილით უხეიროდ გასხვილ მორს მაგონებდა უცნობი.

მხალისი არ ვყოფილვარ, მაგრამ გულში ავად გამკენწლა, არ მესიამოვნა ამ ბუმბერაზი ტყისკაცის ხილვა. ანას გადავხედე, იგი სრული სიმშვიდით გასცქეროდა მთაკაცს, რომელიც აუჩქარებლად მოაბოტებდა ჩვენსკენ. მე გახევებული ვიჯექი ცხენზე, მოგვიახლოვდა, ანას შეეგება, წელზე ხელი მოხვია და ბუმბულივით ჩამოსვა ძირს.

ელვის სისწრაფით შემოტრიალდა ჩემსკენ, წინააღმდეგობის გაწვევაც ვერ მოვასწარი, უმაღლესი ადმოვჩნდი მიწაზე.

— ყაფან, არ მოკლა, — ემუდარა ანა.

სმენას ვერ ვენდე, ღმერთო-ჩემო, საიდან იცნობდა მეუღლე ჩემი, თავადის ასული, პატარა ქალბატონი, სასახლის კარის მშვენება ამ ნახევრად ველურს.

მხეცკაცმა ზეზე წამომაგდო, ქოხში ხელის კვრით შემიყვანა. კუთხეში მიმაგდო, მაჯებზე შემოსალტული თოკი გულდაგულ გამისიჯა და ფეხებიც ძალუმად გამიკრა.

ვევ, ჭაბუკო, გახსენებაც კი მზარავს იმ ამბისა.

ცის გაბობას უფრო დავიჯერებდი — ჩემი ნაზი და ჰაეროვანი მეუღლის უნაბივით ტუჩები იმ საზარელ პირისახეში ჩაიმალა...

კრიჭა შემეკრა. გიჟივით ვაცეცებდი თვალებს, თავი სიზმარში მეგონა, გულსა და გუმიანს არ ვუჭერებდი, მელანდება-მეთქი, ალბათ, ალქაჯები დაეპატრონენ ჩემს სულს, ავი სულეები მიწეწავდნენ გულს, მაგრამ, ვაი, რომ ყოველივე ნათლად დავინახე და გავიგონე.

გონება დამებნიდა. აზროვნების უნარი წამერთვა, უამრავი ნაპერწკალი დაციაგებდა ჩემს თვალებში, გაურკვეველ წკვარამში მოვექეცი და უსასოოდ ვეხეთქებოდი აღმა-დაღმა. მივხვდი, რომ დავიღუპე, ქალი კი არა, ასპიტი მყოლია სარეცელის მოზიარე, ამ ამჟებული დედაკაცის წერა უნდა ვავმნდარიყავი. გადავწყვიტე გონი მომეკრიფა და ყოველი ძალა მენმარა ამ ჯოჯოხეთიდან თავის დასაღწევად.



გაყინული სისხლი თანდათან შეთბა და ამოძრავდა, გონება ნელ ნელ გამინათდა, საღად ვაზროვნებდი. მივხვდი, რომ გულუბრყვილობამ დამლუპა, სიყვარულმა დამაბრმავა, მეუღლემ ჩემმა კი მონადირე ძაღლივით გამომიყენა და გამწირა. ნამუსი და ვაჟკაცობა ფეხით გამითელა, არად ჩამავლო, კახპობა ირჩია, უნამუსობას ზღვარი არ დაუდო და ბოლოს თვისი კუროს ხელში ჩამავლო.

შურისგების ზარს უნდა ჩამოეკრა. სხვა გზას ვერ ვხედავდი. ან მე, ან ისინი უნდა აღგვილიყვნენ ამ ცხოვრებიდან. უწმინდურებას უნდა შერკინებოდა გათოკილი შურისგება.

დრო მცირე მრჩებოდა—ქოხი მოვათვალიერე, ტახტის თავთან ნაირ-ნაირი თოფ-იარაღი ეკიდა, მაგრამ ხელ-ფეხ გაკრულს რა შეემძლო. მივიხედ-მოვიხედე, კარიც საგულდაგულოდ ჩაერაზათ.

ადამიანი განსაცდელის უამს მუდამ პოულობს რაიმე გამოსავალს, თუნდაც უმძიმესს. ძნელი, მაგრამ საკმაოდ სალი აზრი დამებდა და აღარ დავაყოვნე.

ქოხში შუაცეცხლი ენთო. უზარმაზარი ჯირკი მადლიანად ბრდღვიალებდა. სამ-ოთხჯერ გვერდულად გადავტრიალდი და შუაცეცხლთან აღმოვჩნდი. ცეცხლისკენ ზურგით მუხლებზე დავიჩოქე და გაბაწრული მაჯები ავიზგიზებულ ჯირკს დავაბჯინე. სიმწრისაგან ენა კბილებს შუა მოვაქციე, გული ვერ გაუძლებდა აუტანელ ტკივილს, მაგრამ დამწვარი ხორცის უსიამო სუნი მამხნევებდა, თითქოს მამლებინებდა, თან ვშიშობდი, ქოხში დატრიალებულ ოხშივარს მძინარენი არ შეეწუხებინა, მაჯები ავამოძრავე, მომწვარი თოკი ძალუმად გავსწიე და როგორც იქნა ხელები გავინთავისუფლე. განსაკვეთილი ფეხებიც სწრაფად გავინსხენი და სიხარულისაგან ლამის შევეყვირე.

შემდეგ კი ყველაფერი თვალის დახამხამებაში მოხდა, ჭაბუკო.

საცოდავი ანა ყელგამოლადრული მამაკაცის ხროტინმა გამოადვიდა. თვალი უსწორა სისხლის წვეთებით დაწინწკლული ხანჯლის წამახულ წვერს და ტანი ზემოთ წამოავლო, თითქოს მკერდით შეეგება შემართულ სიკვდილს... ერთიც არ დაუკვნესია, დუნედ მოეშვა მისი ლამაზი სხეული და რალაც უღვთოდ მწარე კვნესა დაატანა უკანასკნელ ამოსუნთქვას. ცეცხლს მივეცი ქოხი, დიდხანს ვიდექი დამუნჯებული. ჩამოინგრა ავიზგიზებული სახურავი და ნაკვერჩხლებში სამუდამოდ ჩაიხუმქრა უწმინდურობა.

მერე კი... დავაგდე ბედის ანაბარა მშობელი დედა, ალბათ ცოცხალ შვილზე ჩავაცვი ძაძები. დავტოვე მამული ჩემი და გადმოვიხვეწე აქეთ-შორს აღარ წავედი. ორმოცი ზამთარი და ორმოცი ზაფხულია ზღვის ტალღებს ვატან ჩემი მიწის სიყვარულს, ჩემს მონატრებას, იქ, სულ ახ-

ლოს რომ არის. აქამდე აღწევს ჩემი კერიის სითბო და ალერსი, მყუდროება და სისადავე, სურნელება. ორმოცი წელიწადია ბარტყივით დაბუდებულ სიყვარულს სათუთად ვინახავ, ვმალავ, არ ვამხელ, რადგან მშობლიური მიწა-წყლიდან აღკვეცილი კაცის სიყვარულს ფასი არა აქვს, წყალწყალა და უფესვლა იგი. თუმც აქაც ბევრი სიკეთე მითესია, ჭირში ჩავარდნილი თანამემამულისათვის არაერთგზის გამიწვდია ხელი, სამშობლოდაკარგულნი დამიბრუნებია თავისი კუთხისათვის და ჭირი ღვინად მიქცევია მათთვის. მაგრამ ამით ხომ ისევ თავს ვშველოდი, სულს ვამებდი, თორემ ჩემი მოკლე ხელები რას გაწვდება მშობელი მიწისგან მოწყვეტილ ამდენ სვეგამწარებულს.

დრომ თავისი ქმნა — მე უკვე მტვრის ის ნაწილაკი ვარ, ამ აბორგენულ ქალაქში რომ ტრიალებს ეშმას კუდივით, როცა იქნება, მოვწყდები მტვერთა მოარულ სვეტს და უთვისტომოდ გავექრები, ჩავინთქები უსასარულობაში, ასე სქლად რომ ჩამოსწოლია ამა სოფლის ხანმოკლე არსობას...



მინიატურები

თავრონა

ფანჯრის მიღმა ღრუბლები ლეგა-ლეგა მიიწევდნენ დასავლეთისაკენ. ჩამავალი მზის სხივები ხან გამოიჭყიტებოდნენ ღრუბლებს შორის, ხანაც მიიძალებოდნენ, თითქოსდა ეზოს თავზე მოფრთხილავდნენ მერცხლებს დამალობანას ეთამაშებოდნენ. ხანგრძლივი მოგზაურობისაგან მერცხლები დაღლილები იყვნენ, მაგრამ მაინც ზოგი ბუდეც იკეთებდა, ზოგიც უთავბოლოდ დაფრინავდა ჰაერში. თითქოსდა ეუბნებოდნენ ერთმანეთს, ერთხელ კიდევ გადავავლოთ თვალი, სად ჯობია ბუდის გაკეთებაო.

კაცი გაბუსული იჯდა. ჩვენს გოგოს ვანოს ბიჭი შეყვარებიაო, ეთქვა ცოლს. ქაქანებდა ქალი, რა დროს მაგათი სიყვარულია, სკოლა არ დაუმთავრებიაო...

მერცხლები ნამეტანი სიხარულისაგან, ვინ იცის უკვე მერამდენედ გარს უვლიდნენ ეზოს და თითქოსდა ჭიკჭიკებდნენ: სიყვარულმა განასაკი იცისო.

გოგო თვალეზმობილი იდგა ფანჯარასთან. ყურში ვაჟის ჩურჩული ესმოდა:

— მითხარი, თებრონე, ია ხარ თუ?..

— ?..

— მაშ თუ ია არა ხარ, რატომ გავხარ? ვინ გავხარდა იის სულით აღამიანდა!...

— რა დროს მაგათი სიყვარულია! — ქაქანებდა დედა.

— არ დაინახოს თვალეზმა! — უყვიროდა მამა.

— ვინ გავხარდა იის სულით, თებრონე? — ჩურჩულებდა ვაჟი. ფანჯარაში კი მოიბარებოდა გაზაფხულის სევდიანი ღამე.

ბ ე ლ უ რ ე ბ ი

ფოთლებშემოძარცულ ხის ტოტებზე მობუზული სხედან ბელურები. შენ დარეკაჲ...

აკრეფ ნაცნობ ნომრებს და დაელოდები...

უცებ შეგიჩერდება სუნთქვა, იქნები ასე რამდენიმე წამს გაკვირვებული

ბული (უკვე მერამდენედ), მისი ამდენი ხნის დუმილით.

„— არაფერი არ მკითხო, არაფერი არ თქვა... მოდი!“ — და შტუმი
ნებული იმით, რომ პირველმა არ გამოთოს ტელეფონი, აჩქარებული
დაკიდებ ყურმილს.

...მერე დაიწყება ლოდინი, ვეებერთელა და უზარმაზარი...

...მერე გეგონება, რომ ქვეყნად მხოლოდ სიყვარული, მხოლოდ
სილამაზე არსებობს, რადგან გაგახსენდება: „— ამ გოგოს რომ ვუყუ-
რებ, ასე მგონია, მხოლოდ ბედნიერება დაფრინავს დედამიწაზე...“

მერე გგონია, დგახარ ათასფერად აყვავილებულ, მოჩუქურთმებულ,
უზარმაზარ მინდორში. თავს ზემოთ ბრდღვიალა მზე, ცისარტყელა და
პეპლებია, ფარფატებენ, ცეკვავენ, თამაშობენ მზის სხივები და შენც ხე-
ლებგაწვდილი მიფრინავ მზისაკენ...

...იცი, რომ არ მოვა, და მაინც ელოდები, მაინც ლამაზია ირგვლივ
ყველაფერი, და გეშინია ფანჯრის მიღმა არ გაიხედო, რადგან იქ ზამთა-
რია, ცივა და ფოთლებშემოდარცვულ ხის ტოტებზე მობუხული სხედან
ბელურები.



ღაგის სილუეტები

ჩემი წყვილი... დალილი, ქანცაწყვეტილი პატარა ქალაქი განსვენებას მიეცა... აივნიდან ვიყურები. მთელ ქალაქს ხელისგულივით ვხედავ... ცივა, მაგრამ სიამოვნების ყრუანტელი მივლის მთელ სხეულში. მატყობლებს... რა ლამაზია! ქალაქს ცივინათელები დასვეიან, უხარიათ, წყვილიადაში ქალაქს რომ ანათებენ, შნოს მატებენ. სიბნელის ძალიან მეშინია. პატარა ციმციმა მანათობელები გულს მიმაგრებენ...

სამარისებურ სიჩუმეს მანქანათა ხმები თუ დაარღვევს. ჯერ სინათლით გაბუღილებული ფარანი გამოჩნდება, მას მანქანა მოჰყვება და მასთან ერთად — ყურწამლები ზუზუნი, ცოტაც და, კვლავ სიჩუმე იხადგურებს, ეს აუტანელი, მოუთმენელი სიჩუმეა. თითქოს ვიღაცას ველოდები, მაგრამ ვის? არ ვიცი... დრო არ ჩქარობს, მიიზღაზნება, მილასლასებს...

ყურადღება კაცის სილუეტმა მიიქცია. შორიდან რუხ კითხვის ნიშანს ჰგავდა... სწრაფი ნაბიჯით, თავჩაქინდრული მიდის. ხელის სწრაფი მოქნევით ქურთუკიდან კოლოფი ამოიღო და სიგარეტი პირით ამოაძრო... შეჩერდა, ქურთუკის მარჯვენა მხარეს ხელები მოათათურა, როგორც იქნა, მონახა. თუთუნს ასანთი მოუკიდა და ღრმად ჩაისუნთქა... თითქოს რაღაც დარჩაო, უკან მოიხედა, ნაღვლიანი თვალები, ალბათ არემარეს მიმოავლო... ვერავინ შეამჩნია. სიცივისაგან დასველებული ტუჩები ენით დაისველა, კვლავ ქურთუკში ჩარგო თავი და გზა განაგრძო...

მოპირდაპირე მხარეს მოხუცი ქალი გამოჩნდა. ბნელა, მაგრამ მაინც ვხედავ ძველისძველი, ნახვრეტებიანი შავი შალით დამქნარი სახე დაუმაღავს. ბედის უკუღმართობას მათხოვრად გაეხადა. მიწამდე დახრილი, ყავარჯენზე დაყრდნობილი უსუსური, ნელი ნაბიჯით მიჰყვება დაუსრულებელ გზას... მხარზე გაქეპილი ხელჩანთა ჩამოეკიდა. მარცხენა ხელი მტკიცედ ჩაეჭიდა... მხოლოდ ესღა დარჩენია წარსული ცხოვრების მოსაგონებლად.

სულ ცოტაც და ორი სილუეტი სიბნელემ ჩაყლაპა.

ტაკ, ტუკ, ტაკ... ტუკ... სწრაფი ნაბიჯით, თქობების რხევით, ყელმოდერებით მოაბიჯებს ახალგაზრდა ქალიშვილი. სიცივეს არცკი გრძნობს. შორიდან არ ჩანს, მაგრამ მე მაინც ვგრძნობ, ცისფერი პერანგის ღილაკი შეხსნია. ფიფქივით თეთრ, ნაზ კანზე, კისრის ბოლოში, პატარა ყავისფერი



ხალი გამოთლილა. პერანგის საყელოდან ხან ერთ, ხან მეორე მხარეს გადაიხრება. ელოლიავენა. ეთამაშება ნაზ არსებას, ხანდახან ვერ მოზომავეს, სულ მთლიანად გადაიხრება და მკერდის ჭრილს ბოლომდე გამოაჩენს... გოგონას თლილი, ნაზი ხელები ეხება ცისფერ საყელოს, შეისწორებს, გაილაშხებს, ყელს მოიღერებს და კვლავ ტაკ, ტუკ...

უფრო აცივდა, დაყრილი შავი დალალები კისერს შემოეხვივნენ. ერთი წუთითაც არ სცილდებიან თბილ და ნაზ სხეულს. ქალიშვილს სიამოვნებს, ტანში ჟრუანტელი უვლის... დალალები თავისას არ იშლიან. ახლა მთელს სახეზე შემოეხვივნენ. გოგონა შეწუხდა, თითებით გაიფანტა.

...უფრო ჩქარობს, ნაბიჯს უმატებს, მაგრამ თავს კი არ ზრის, კვლავ ყელმოღერებით მიაბიჯებს. გოგონა გრძნობს, რომ იღლება. ფერმკრთალი ლოყები კიდევ უფრო ამშვენებს, ტუჩებს ღიმილი დაჰყვება. ხანდახან ააცმატუნებს მას, თეთრ ჩამწკრივებულ კბილებს გამოაჩენს და კვლავ შეაწებებს ერთმანეთთან.

ცა ვარსკვლავებით აივსო. ქალწულს თავლისფერი, უძირო თვალები მათკენ მიუბჯენია... წამში შემოავლო მთელ ცის გუმბათს თვალი... გრძელი შავი წამწამები სწრაფად ეხებიან და სცილდებიან ერთმანეთს. გოგონას თვალები დაეღალა, მოეკუტა. თავისას არ იშლის, არჩევს ვარსკვლავთაგან ლამაზსა და მშვენიერს და გულში ფიქრობს... „ეს ჩემია, არა ესა სჯობს“.

როცა ასეთ არსებას უყურებ, ნამდვილად რწმუნდები, რომ სილაშხე გადაარჩენს სამყაროს!



იერონიმას ლაუტინუსი

(ლიტვა)

ორი ნოველა

მიწისქვეშა ბაღის ყვავილობა

შორეული და საკმაოდ ხანგრძლივი მოგზაურობიდან დავბრუნდი. შინ მამაჩემის წერილი დამხვდა. თრთოლვით გავშალე ფურცელი.

„ჩვენი მამაპაპური სახლი აიღეს და ახალ ბინაში გადაგვიყვანეს. რაც ზედმეტად ჩათვალეს, მიწის ქვეშ მოაქციეს, ძელები კი შეშად წაიღეს. აქ, ამ დაბაში, სულ ქვიტიკირის სახლებია. ჰოდა, ცეცხოვრობთ ასე. ძალიან კი მოგვენატრე“, — მწერდა იგი.

შემეცოდა მამა, — მას ხომ მარტოდმარტო მოუხდა რამდენი რამის გადატანა. თუმცა საქმე არაფერია. საქმით მამას ვერ შეაშინებ. მთავარი ძველ სახლთან განცდა იქნებოდა. გული დამეჭკჭკა გახსენებაზე. ცუდია, რომ იმ დროს მის გვერდით არ ვიყავი.

თუმცა, ვინ იცის, იქნებ უკეთესიცაა. მამაზე ნაკლებ ემოციური როდი ვარ.

მანქანაში ჩავჯექი და დავქოქე. რატომღაც იმედი მქონდა, რომ მშობლიური სახლი თავის ადგილზე დამხვდებოდა. დაღლილობა თითქოს სადღაც გაქრა. დაბნეულად, თითქმის ანგარიშშიუცემლად ვმართავდი მანქანას. ფიქრებით მშობლიურ სოფელში ვიყავი. ხან ჩვენი სახლის ეზოში დავბობდი, ხან ბალახბულახში ვგორავდი, ხანაც ბაღში ლოყაწითელა ვაშლებს მივირთმევდი. გზატკეცილიდან გადავუხვიე. მოუკირწყლავ გზაზე ხტომა დაიწყო მანქანამ.

აი, ჩვენი ძველი სახლიც...

ოხვრა აღმომხდა უცებ, — აღარ არის! მეხსიერებაში მკვიდრად ჩარჩენილი სურათი და სინამდვილე სხვადასხვა იყო. აღარ არის სახლი, არც ვაშლის ბაღი! მამის მოშენებული ჩემი საყვარელი ვაშლის ბაღიც აღარ არის! მის თავზე აღმართულ თეთრ საკვამლე მილს შორიდან შენიშნავდი.



ვის ოწინარიც გამქრალიყო. ყველაფერი ვადაეხსნათ და უმოწყალოდ მივგერ-მოვნვრათ.

მუხლები მომეკვეთა. იქვე დავეშვი, ძირკვზე. თვალები დავხუჭე. ახლა უფრო ცხადად დავინახე ქარში მონანავე ბალი, წეროსავით კისერწაგრ-ჩელებული ოწინარი და სოფლის ბილიკები.

ეჰ, აღარაა თეთრად აფეთქებული ვაშლის ბალი! შორიდან რომ გავხედავდი, ასე მეგონა, ვილაცას ქათქათა სალებავი მიმოუშხეფებია მის რტოებზე-მეთქი. ქარი რომ მოიქროლებდა, ყვავილები გუნდ-გუნდად ავარდებოდა ხოლმე ჰაერში. ხან აქედან ავარდებოდა, ხან იქედან და წავიდოდა ცაში. მერე ფანტელებივით მიმოიბნეოდა ჭალებსა და ბილიკებზე.

ბალის ბოლოს ჭაა. აგერ, ნალისაკენ მიმავალი ბილიკი. იქ არყის ხეების ტევრისაკენ მიიკლაკნება გზაბაწარა. მოგონებაში ვხედავ, ჭიდან ოწინარით ამომაქვს წყალი და ვედროებში ვასხამ რიგრიგობით. აგერ უკვე მიმაქვს შინისაკენ. უცებ ჩერდება წარმოსახვა. სახლის წინ დიდი კუზი წამომართულა მთასავით. მთელი ეზო კუზად ქცეულა თითქოს. უშნოდ გადახოტრილი და ღრმა ჭრილობებით დასერილია კუზი. დგას ბიჭუნა და თვალებგაფართოებული შესცქერის. უცებ მივხვდი — აქ ჩაე-მარხათ ჩვენი ვაშლის ბალი, დაეჩხნათ და დაეფლათ.

მანქანის საბარგულიდან ბარი ამოვიღე და თხრა დავიწყე. კუზის თავზე ვიდექი და ვთხრიდი გამალებით. ბარის პირი ადვილად ჩადიოდა რბილ მიწაში. მონოტონურმა საქმიანობამ სიმშვიდე მომგვარა. ან იქნებ ეს ბუნების იმ იდუმალი ძალის მოქმედება იყო, ახალი, უფრო მწარე დარტყმის გადასატანად რომ გვაშაბდებს ადამიანებს?..

აი, ვაშლის რტო ამოვავდე. მერე ნაყოფიც. წითელია, ღუზღუზა. თუმცა ტალახშია ამოსვრილი, მაინც თვალისმომკრელად წითელია. სად იდგა ეს ხე? ჰო, აი, იქ. გამახსენდა, როგორ ვკრეფდი. რა გემრიელი იყო! (ბიჭუნა დგას და მაღლიანად მიირთმევს ვაშლს). გავეშვებულივით ვეცი მიწას, ვთხრიდი და ვთხრიდი. უცებ შავ აგურზე გაიხრჭიალა ბარის პირმა. ეს ჩვენი ღუმელის აგურია. აგერ კრამტიც... ბარის პირი ტოტე-ბში ეჩხირება.

ნაყოფიანად დაუფლიათ. იქნებ მიწისქვეშეთში ასეთი სურათი არავის აკვირვებს... იქ არავის სტიკვა ცოცხლად დამარხული ნაყოფით დახუნძლული ვაშლის ხეები. მხოლოდ შენ, იმიტომ, რომ დიდ ქალაქში, ერთ-ერთი მაღლივი სახლის მეათე სართულზე ყუთივით ბინაში გამომწყვდეულ ინტელიგენტს, გაშფოთებს მშობლიურ სოფელში მიწასთან გასწორებული სახლის, ცოცხლად დამარხული ბალის, ვის ოწინარისა და დედასავით თბილი და მოალერ-სე ღუმელის ხილვები...

„იქნებ მიწისქვეშეთშიც აცხობს იგი პურს?“. — გავიფიქრე.



ზედაპირი მოვასწორე ისევ. მთელს სხეულში მტეხდა. ძლიერ მივტო-
 თრე ტანი მანქანამდე. კარი გავადე. და სავარძელში ჩავეშვი. ერთხანს
 ვიყავი ასე მოშვებული და თვალბმილულული. მერე ძრავა ჩავრთე. ტრა-
 ქტორის მუხლუხებით მინგრეულ-მონგრეულ თხრილებს გვერდი ავუარე
 და მთავარ გზაზე გავედი. მალე გზის გასწვრივ ჩამწყრივებული ხეების
 უკან დარჩა მამისეული ბალი, ახლა უკვე იმ ცხოვრებაში გარდასული.

ზემოდან უზარმაზარი კუზი ახის საფლავით.

შრომისმოყვარე და ფუსფუსა იყო მამა. ეჰ, არ დავემსგავსე. „საი-
 დან გაჩნდი მაინც ასეთი უნიათო!..“ — ახლაც ჩამესმის ყურში მისი საყ-
 ველური.

თვალეები მენისლება. „არა, არ შეიძლება მანქანის მართვა, ფათე-
 რაკი მომივა!“ — გავიფიქრე და რამდენიმეჯერ ღრმად ჩავისუნთქე,
 შვება ვიგრძენი.

„მალე ზამთარი მოვა და თოვლით დაიფარება ვაშლის ხეების სასაფ-
 ლაო, — ვფიქრობდი მე, — მერე გაზაფხული იმძლავრებს — აყვავდება
 მიწის ქვეშა ბალი. აყვავდება ძველებურად, თითქო ქათქათა საღებავი
 მიმოუხსნიათო რტოებზე“...

მანქანა მიჰქროდა ქალაქისაკენ და მე მჯეროდა, რომ მამის მოშენე-
 ბულ ვაშლის ბალის ყვავილობას კვლავაც დავინახავდი ჩემი პატარა ბი-
 ნის ფანჯრებიდან. მერე სამხრეთ-დასავლეთის ქარი მოიქროლებდა და
 კვლავაც მომიტანდა მის ნაცნობ სურნელებას.

ბედის კონვეიერი

ნელა, მონოტონური ზუზუნით მიიზლაზნება წინ კონვეიერის უსას-
 რულობა. ზედ უწესრიგოდ მიყრილ-მოყრილია ადამიანთა ბედ-იღბალი.

კონვეიერს გაურკვეველი ასაკის ქალი უზის. დიდი ნაცრისფერი
 თვალეები აქვს და ძლიან უხდება. გრძელი წამწამების ჩრდილში ნაღვლია-
 ნი ელფერი დაჰკრავს მის თვალებს.

ქალის მოვალეობაა კონვეიერის ლენტზე მიყრილ-მოყრილი ბედ-
 იღბლის დაწყვილება.

ქალს ბედისწერა ჰქვია.

აი, გრძელი თლილი თითებით იღებს იგი ვილაცის იღბალს. ერთხანს
 უჭირავს. სათუთად უჭირავს ბედისწერას იღბალი. თვალეებით ეძიებს შე-
 საფერს. უცებ ნახულობს და ნაღვლიან თვალეებში სიხარულის სხივები
 აუთამაშდება. მაშინ კონვეიერი წამით წყვეტს ზუზუნს — ჩერდე-
 ბა. ქალი უცნაური ბუტბუტით აწყვილებს ბედ-იღბალს.

რას ბუტბუტებს, ნეტავ?

ალბათ, ლოცულობს. ჰო, ასე იქნება. სახეზე ნეტარი ღიმილი აქვს დაფენილი და ლოცულობს. ტუჩები უთრთის ოდნავ.

ლამაზი ტუჩები აქვს ბედისწერას. მრგვალი და აბურცული. ოღონდ, კუთხეებში ოდნავ შესამჩნევი ნაოჭებით. როცა ჩაფიქრებულია, კიდევ უფრო უმრავლდება და უღრმავდება ნაოჭები.

დალლილობაც გაქრობია. ბედნიერია ახლა. აბა, რა — სხვადასხვა გზით მიმავალი ორი ბედი დააწყვილა.

ისევ დაიძვრება კონვეიერი და ახლა უკვე ერთ არსებად ქცეული ორი ბედი ერთად გაუდგება საკუთარი ცხოვრების გზას.

ჩვენ, ადამიანები, ვერ ვვრძობთ ბედისწერის შეხებას. ასე გვეგონია, თავისით მოხდა ყველაფერი: ერთ მშვენიერ დღეს შევხვდით ერთმანეთს ორი საბედო, ჩავხედეთ ერთმანეთს თვალებში და... მას შემდეგ ხელიხელჩაკიდებულები მივაბიჯებთ საკუთარი ცხოვრების გზაბაწარა ბილიკებზე.

ზოგი საერთოდ ვერ ვამჩნევთ საკუთარი ბედის უეცარ შემობრუნებას. წვრილმანი თუ მსხვილმანი პრობლემებით დამძიმებულ ჩვენს გონებას აღარც კი ახსოვს ის დღე, როცა პირველი გამხელის სინარულით აღტაცებულნი მეშვიდე ცაში დაფვრინავდით. ღვიძილშიაც და ძილშიაც ჩვენი სათაყვანო არსება გვეზმანებოდა. ივანობის დღეს ბედნიერების მომტან გვიმრას დავეძებდით და მის რტოს ჩურჩულით ვაცლიდით ფოთლებს: — „ვუყვარვარ-არ ვუყვარვარ...“

„ვუყ-ვარ-ვააარ!..“

ეჰ, ზოგჯერ ისიც კი გვაფიწყდება, პირველი კოცნის განცდით კვირები რომ არ გვეძინა, შეყვარებულის სახელის გავგონებაზე ელეთ-მელეთი მოგვედიოდა.

ზის ბედისწერა კონვეიერთან...

თვითონაც არ ახსოვს, როდის დასვეს... ვინ დასვა... ვინ დაავალა: ადამიანების ბედ-იღბალი შენს ხელშია და ახლა შენ იცი და შენმა ქალობამო.

როგორ არ ცდილობს, ყურადღებით ადევნოს თვალი კონვეიერის ლენტს, ხდება, ზოგჯერ გაექცევა, მზერა შორს, ცის უსასრულობაში. ჰო, ქალი მაინც ქალია და ბედისწერასაც უყვარს ოცნებებში წასვლა. უცნაური აღმაფრენა ეწვევა უეცრად და გაფრინდება ბედისწერა ლაყვარლებში. კარგა ხანს ეთამაშება იქ ხან მთვარეს, ხან ვარსკვლავებს. უფრო ვარსკვლავებს. მერე ერთ ვარსკვლავს მოწყვეტს და უბეში შეინახავს. შეინახავს და დაუთბება უბე. ჯერ უბე, მერე მთელი ტანი. „ჩემი ბედის ვარსკვლავი... ჩემი ბედის ვარსკვლავი!“ — ჩურჩულებს თავისთვის ბედისწერა. ახლა იგი ჩვეულებრივი ქალია — ოცნებისათვის, სიყვარულისათვის, დედობისათვის გაჩენილი ქალი.



ფაქიზად ალაგებს თავის ციურ ოთახს. გემრიელი კერძების მიღება იცის, მერე, როცა ბინდი ჩამოწვება, უცნაური ღიმილით შლის ლოვინს. თავთან ორ ბალიშს დებს...

მეორე დღეს... (ღმერთო, შეუხდე შეცოდება!) ხელებში ჩვილი ჩაუვორებია და უნანავებს.

ზეციერის თვალები რისხვას აფრქვევს. ეს რა ჰქენიო, უყვირის, ადამიანების ბედ-იღბალი განდევნე, შენ კი საკუთარ ბედნიერებაზე ფიქრობო. ღმერთის მაინც არ გეშინიაო?! — უწყურება ღმერთი.

ისე ამოიოხრებს ბედისწერა, რომ ღმერთსაც შეეცოდება.

შეფიქრიანდება უფალი: „იქნებ სხვა დამეყენებინა მაგ კონვეიერთან, ეს კი ადამიანებთან გამეგზავნა?“..

წუთიერი სისუსტით გაიფიქრებს ასე ზეციერი, მაგრამ მალე ისევ დაიბრუნებს სიბრძნესა და სიმტკიცეს:

„მერე ის სხვაც მიწაზე დაშვებას მოისურვებს“...

ეს რა მომსვლიაო! — შეიცხადებს ქალი-ბედისწერა, — რამდენი ადამიანი გამოუბედურებიაო. ყველაფერი ჩემი თავქარიანობის ბრალია, რა ეშველება ახლა ამ საქმესო! შემოიკრავს თავში ხელებს და გადმოაღვარღვარებს ცრემლებს.

ბედის კონვეიერს ვერ გააჩერებ. ვერც უკან დააბრუნებ. არადა, რამდენი შეცდომა მოსვლია ბედისწერას, ერთმანეთისათვის გაჩენილ რამდენ ადამიანს აურია გზა-კვალი. რაღა ეშველება ამათ?!

...ერთ ჰერქვეშ შემთხვევით მოხვედრილი ორი სხვადასხვა ბედი ველარ პოულობს საერთო ენას. უყურებენ ერთმანეთს და უკვირთ, რამ დაუბნელათ თვალები, რატომ ვერ მიხვდნენ დროზე, რომ უცხოები იყვნენ ერთმანეთისათვის?

იწყება ჩხუბი და აყალ-მაყალი. კაცი ღვინოს მიეძალება ან სხვაგან მოძებნის ნაესაყუდელს. ქალი... ბოლოს და ბოლოს, ან მიატოვებს ქმარს ან გადაყურება ვინმეს. და იწყება ტრაგიკომედია: ერთმანეთის მალულად შინ მიიპარებიან დაგვიანებული ცოლი და ქმარი — ორი უცხო ბედი...

ხელავს ამას ქალი-ბედისწერა და არ იცის, რა ქნას. ზოგჯერ, სასოწარკვეთილებამდე მისული, სახეს იკაწრავს, ტუჩებს იკვინებს, საკუთარი გაჩენის დღეს წყევლის. ო, როგორ სურს გამოისყიდოს შეცდომები, ოღნავ მაინც შეუმსუბუქოს მდგომარეობა თავგზააბნეულ ადამიანებს. მაგრამ გვიანია თითებზე კბენანი.

მაშინ ბედისწერა მათ შვილებს უბოძებს დაკარგული საბედოების თვისებებს.

გავა დრო და მშობლები მიხვდებიან ყველაფერს. საკუთარ შვილებში დაინახავენ ერთ დროს მათთვის საოცნებო არსების თვისებებს. დაინახავენ და შეკრთებიან. ხომ არ მოგვეჩვენაო, გაიფიქრებენ. მერე გაუხარდნენ

ბათ. ძალიან გაუხარდებათ, და შვილებზე გადაიტანენ სიყვარულს...
ცოლქმრული ცხოვრება კიდევ უფრო აუტანელი გახდება.

დაბნეულია ბედისწერა. აღარ იცის, როგორ მოიქცეს, რომ ცოტათი
მაინც შეუმსუბუქოს მდგომარეობა ადამიანებს.

და უკანასკნელ ნაბიჯს დგამს. ერთმანეთისათვის გაჩენილთ დროებით
შეხვედრებს უწყობს.

ხედებიან ადამიანები შემთხვევით ჟურნალ-გაზეთების კიოსკებთან,
პლაჟებზე, ავტობუსების გაჩერებებთან, მეტროში, თვითმფრინავებშიც
კი... ასაკში შესულნი — ბულვარებში ძელსკამებზე.

მალულად გააპარებენ მზერას ერთმანეთისაკენ. ხელები... უცებ აუ
ფორიაქდებათ ხელები, გაცოცდებიან ერთმანეთისაკენ...

შეკრთება ბედისწერა:

ვაითუ მიხვდნენ, რომ ერთმანეთისათვის არიან გაჩენილიო, ვაიფიქ-
რებს შიშით.

კმარა, გონს მოღიო! — ბრძანებს და ადამიანებიც შეცბუნდებიან.
უცებ გამოერკვევიან და მიმოიხედავენ. რალა დროსიაო, ამოიოხრებენ.
ისე მწარედ ამოიოხრებენ, რომ გულსაც ამოატანენ, როგორც ამ ცოტა
ხნის წინ ციურ ცხოვრებას ძალად მობრუნებული ბედისწერა.

ეს რა ხდება! რამდენიმე წუთით გაცნობილ ადამიანებს განშორება
უჭირთ. მაგრამ ცხოვრება მაინც ცხოვრებაა და მათი გზებიც განსაზღვ-
რულია უკვე.

ერთი აქეთ მიდის, მეორე — იქით.

ღროღადრო შედგებიან და მოუხედავენ ერთმანეთს.

ღმერთო, რა ტკივილიანია ეს შემოხედვა! შორდებიან ერთმანეთს
და... მიისწრაფვიან ერთმანეთისაკენ. რაც უფრო იზრდება მანძილი, მით
უფრო ძლიერდება ეს სწრაფვა...

მარადიულია სულების ურთიერთსწრაფვა.

და დაქრიან სამყაროში მოხეტიალე სულები. დაქრიან უთავბოლოდ,
დაეძებენ ერთმანეთს. ღამღამობით ისევ ადამიანებს უბრუნდებიან, ტკბილ-
მწარე ზმანებებად ევლინებიან და მოსვენებას უკარგავენ...

ბედის კონვეიერი კი ნელა მიიწევს წინ.

თარგმანა ვახტანგ ახვლედიანმა



გაბია ვაგშანიძე

რა ღამავიწყებს!..

საქართველოს მწერალთა კავშირის პრეზიდიუმმა 1940 წლის მარტ-აპრილის თვეში მოაწყო სრულიად საქართველოს ახალგაზრდა მწერალთა ერთთვის შეკრება. ამ შეკრების მონაწილე იყო თითქმის ყველა რაიონის დამწყები მწერალი. ბინად ვიყავით ყოფილ სასტუმრო „პალასში“ და ვიკრიბებოდით ჩვენი მწერალთა კავშირის სასახლეში, სადაც ცნობილი მწერლები, კრიტიკოსები გვიკითხავდნენ ლექციებს ლიტერატურაზე, იმაზე, თუ რაზე უნდა ვწეროთ და როგორ უნდა ვწეროთ. ყველა ლექტორს პირზე ეკერა „სოციალისტური რეალიზმი“... და მაშინ აქ გავიცანი იოსებ ნონეშვილი, ლადო ასათიანი, ლადო სულაბერიძე, ალექსანდრე საჭაია, გიორგი ძიგვაშვილი, ლადო ბალიაური და სხვები. იოსებ ნონეშვილმა უმაღლეს თავი შეგვაყვარა, როგორც კეთილმა და თავმდაბალმა ჯველმა. ერთხელ წაგვიკითხა რამდენიმე ლექსი, რომელთაგან გამოირჩეოდა „საუბარი ნაძვებთან“. იგი დაიბეჭდა ახალგაზრდა მწერლების ყურნალ „ჩვენს თაობაში“. ამ ლექსის ორი სტრიქონი მინდა გავისენო:

აი, მე პატარა პოეტი გახლავართ,
მარადეამ სუსტი და ფერგადაღუული...

იოსები მართლაც სუსტი და ფერგადაღუული იყო... და ამ „პატარა ფერგადაღუული-მა“ პოეტმა მერე და მერე შექმნა ისეთი შესანიშნავი ქმნილებები, რომ დღეს საქართველოს პოეზია უნონეშვილოდ ვერ წარმომიდგენია, მას სახელისათვის ეყოფოდა მართო ერთი ლექსიც — „რთველი არის თუ შენი ქორწილი!“ და ამ მჩქეფარე, ინტონაციან ლექსს, თანაც სევდიანს. ისე გალობს ცნობილი მომღერალი ქალბატონი ნანა ბრიგაძე, რომ მასაც ეყოფოდა ეს სიმღერა უკვდავებისათვის.

იოსებ ნონეშვილი ყოველმხრივი გაგებით საქართველოს ჭეშმარიტი სახალხო მგოსანია, ლექსი გულს თუ არ მოეკიდება, რაგინდაც მდიდარი იყოს სხვა ჭიმბორენტებით, იგი ჭეშმარიტ პოეზიას არ განეკუთვნება. იოსებ ნონეშვილის პოეზია კი გულს ცეცხლივით ეკიდება, ნაღვერდალივით გაცხუნებს და თანაც მდიდარია ხატოვანებით. მარად და მარად ნედლია. ამიტომაც მისი პოეზია ჭეშმარიტი პოეზიაა, თანაც ამდენი კარგი ლექსი დააგროვა, რომ გიკვირს, მეტად მდიდარი და ხალასი ფანტაზიის მგოსანი იყო.

ჩამოვდიოდი რა თბილისში, ისე არ დავბრუნდებოდი ბათუმში, ნონეშვილი რომ არ მენახა, ამას გული მთხოვდა, ასე შეგვაყვარა თავი ბათუმელებს უშუალოდ, გულწრფელობით, თავმდაბლობით. მას დიდი ადამიანური მიმზიდველობა ჰქონდა. ასე

1988 წლის შემოდგომაზე იოსებ ნონეშვილის სოფელ კარდენახში წარმოთქმულ სიტყვა, მიძღვნილი პოეტის დაბადების 70 წლისთავისადმი.



ადამიანზე ამბობს ხალხი: თბილი კაციაო, რა ბედნიერებაა, როცა ასეთი პიროვნება შენი მეგობარი იქნება!

იოსები, როცა მწერალთა კავშირის მდივანი იყო, ვის არ გაუხარა გული მისი კაბინეტიდან მუდამ მლიმარენი გამოდიოდნენ. მთის წყაროსავით წმინდა და უღვწიკი იყო მისი სიკეთის წყარო. არასოდეს დამევიწყებდა, რომ მან ერთ ჩემს მძინე სატყე-ვარ-ჭრილობას უებარი მალამო დაადო. იგი სიკეთის ქმნისათვის იყო გაჩენილი. კვი კაცობაც ამას ჰქვია! ხალასი პოეტური ნიჭითა და ადამიანობით იოსებ ნონეშვილი უნიკალური პიროვნება იყო.

იოსები ზშირად ჩამოდიოდა ბათუმშიც, ჭირსა და ლხინში მხარში გვედგა ბათუმელ კოლეგებს, ძალიან გვიყვარდა და ძალიან ვუყვარდით. რამდენი რამ უნდა გაიხსენო ამ პატარა სიტყვაში!

პატივი დამდო იოსებ ნონეშვილმა და რაფიელ ერისთავის დაბადებიდან 150 წლის იუბილეზე აჭარიდან მე მიმიწვია. ამ ფორუმის ხელმძღვანელიც თვითონ იყო პირველი საუბილეო ცერემონიალი ჩატარდა პოეტის მშობლიურ კუთხეში. იოსებმა ჩამწერჩულა: თუ გამოხვალ სიტყვითო, — კი-მეთქი — ვუპასუხე. როცა მოისმინა ჩემი სიტყვა, გამიხმო და გადამკოცნა. ამ სიტყვას შენ თბილისშიც იტყვი, ფილარმონიის დარბაზში მოგიწევს გამოსვლაო. არ აღელდე, გარკვევით და ნელა ილაპარაკეო, დამარცხა, იქაც გამომიყვანა... მერე, როცა ბათუმში ჩამოვიდა, საჯაროობაში თქვა, რაფიელ ერისთავის იუბილეზე მამია ვარშანიძემ გვასახელა, კარგი, პატრიოტული სიტყვა თქვა, შიგ აჭარის ისტორიაც ჩააქსოვა ისე, რომ გულზე მომხვდაო. უფრო მეტიც თქვა, მაგრამ აქ მოგვევთ სიტყვას, რადგან მეშინია, არავინ ჩამითვალოს საკუთარი თავის მტრისმეტქებად.

მარადსახსოვრად დამრჩა ერთი მისი საჩუქარი, რომელიც ბათუმში ფოსტით გამომიგზავნა. 1979 წლის მიწურულს იოსებ ნონეშვილმა გამოსცა ახალი ლექსების კრებული, რომლის ბოლო გარეკანზე მისი სურათია. ეს იყო უკანასკნელი კრებული მისი სიცოცხლეში, რომელსაც სახელწოდებაც არა აქვს. აჭარაში მხოლოდ მე გამომიგზავნა ეს წიგნი... და ასეთი წარწერით:

„მამია ვარშანიძეს, —
სიყრმის მეგობარს —
ძმასავით საყვარელ კაცს —
შენი იოსებ ნონეშვილი.
20.01.80 წ.
თბილის-ქალაქი“.

როგორ დამევიწყებდა ეს! ვიღრე ცოცხალი ვარ, ეს წიგნი ჩემი თანამგზავრი იქნება. მერე და რა კარგი, რა თბილი, მალალოტური ლექსებია ამ კრებულში! ...1980 წლის 11 ოქტომბერს წუთისოფლიდან გავისტუმრეთ ჩვენი საყვარელი იოსები. მაშინ მე და პოეტი ჯემალ ქათამაძე დაბინავებული ვიყავით სასტუმრო „თბილისში“. იმ დამესვე გადავწყვიტეთ ერთი რამ: შევადგინეთ წერილი, რომელშიც იოსებ ნონეშვილს ვახსიათებდით როგორც ბრწყინვალე, ხალხის უსაყვარლეს პოეტს, უმთლილოდ აღადამიანს და ვითხოვდით იოსებ ნონეშვილს სიკვდილის შემდეგ მაინც მინიჭებოდა სახალხო მგონის წოდება, რომლის ღირსიც ის იყო. ეს წერილი იმ დღესვე ვაუჯავჩენეთ. ველოდით პასუხს ბათუმში, რამდენიმე ხნის შემდეგ ისევ მომხსენა ჩასვლა თბილისში. შემხვდა პოეტი გრიგოლ აბაშიძე, რომელიც მაშინ საქართველოს მწერალთა კავშირის პრეზიდიუმის თავმჯდომარე იყო. მომესალმა და მითხრა: თქვენნი წერილები, რომლებიც ზემდგომ ორგანოებს გაუგზავ-



ნეთ იოსებ ნონეშვილის შესახებ, ჩვენს მწერალთა კავშირს გადმოგზავნა. მან ჩვენს წილად ამ წერილს და იოსებ ნონეშვილს მივანიჭებთ შოთა რუსთაველის სახელობის ლაურეატის წოდებასო და იქვე დასძინა, რომ აღარ ხდება სახალხო მგოსნის წოდების მინიჭება, თორემ იოსებისათვის ამას არ დაეინებდითო. მადლობა გადავუხადე... როგორც ითქვა, ისე მოხდა... მე და ჯემალ ქათამაძეს ეს ფაქტი მარად კეთილმოხაგონ რად დავგვრჩა...

კიდევ რამდენი ლამაზი ფაქტი მაქვს გასასტენებელი ჩვენი ურთიერთობიდან ჩვენი ცხოვრებიდან. კიდევ რამდენი კარგი რამ მაქვს სათქმელი ჩემი სიყრმის მეგობარ პოეტზე იოსებ ნონეშვილზე, მაგრამ აქ დავსვამ წერტილს და კვლავ ჩემს გულისთქმას ლირიკას მივანდობ...

ჩემი სიყრმის მეგობარო, იოსებ, კაცის სულო, საყვარელო, ღმერთკაცო, შენს საფლავთან დიდუბეში ვილოცებ, აჭარიდან მოვედი-ოქო, რომ ვამცნო, და მგონია, წამოღებები ღიმილით, ხვეწვა-კოცნით მონატრებას ვიჭერებთ, მეტყევი: წამო, კარდენახში მესტუმრე, წამოგყევი, განა არ დავიჭერებ. შენს სავანეს ვადავებდავ ტრფიალით, — კურთხეული იყოს შენი სააკენი! აქ ძერწავდი შენი სულის ფილებს, მარგალიტნი მოიხევე შენამ მკე, ძალა მოგცა ამ სოფელმა პატარამ? თუ კახეთმა? თუ სამშობლომ ერთიან? ასე თბილმა, გულიანმა, გამანამა, რაც სთქვი, მისი მომნიჭები ღმერთია. შენ იტყვი: ლექსს ვინ არ წერს, მაგრამ კი უნდა იყო წმინდა, მუდამ რაინდი! რაინდი ხარ, შენზე ითქმის არაკიც, კაცობის და პოეზიის შენ ტაძარი დაიდგი. აჭარაში შენ არ იყავ სტუმარი. აჭარელიც, შავშელიც ხარ, კლარჯელიც; იქ, თურქეთში, შეხვდი ნენეს ჩვენებურს. და აღმოგზნდა: რა ბედი გვაქვს მტანჯველი! მოფერე, გადაკოცნე ბავშვები, ჰკითხე: იცით თქვენ ქართული ანბანი? არაო, თქვენს, და ატირდნენ შავშელნი, დავაბარეს: იქ თქვი ჩვენი ამბავი. იქ თქვი ჩვენი გულისთქმა და

მოგვიტანე, როცა კიდევ ჩამოხვალ! მათი სულთ წვა შენს სტრიქონებს გადასდე, ას მთას გასწვდა შენი სულის გოდება.. ახი ხმალი კისერზე რომ დავადნის, ეს არ შესძრავს, ვის არ მოაგონდება. რუსთაველი ხელიდან რომ მოგვგლიჯეს, და ყურანი სულს ბქარებად გაუბეს, ეს გვტანჯავდა, მეგობარო, ორივეს, ადექ, ძმაო, აი, იმ გზას ვაუღლებო! ეს გზა არის, რომ გადახვალ შავშეთში, ტარში და კლარჯეთშიც რომ გადახვალ, პაპათ გზაა, ტყუილად არ დავშვრებით, რა სჯობია ტბეთის ტაძრის დანახვას! ლეონიძე ჩვენ მხარიმხარს ვაგეყვება. სულ ამბობდა: შავშელი ვარ, შავშელი! მოდი, ვნახოთ მონატრული და-ძმები, ღმერთსაც ეკითხოთ: როს იქნება საშველი?! აღარც შენ ხარ, აღარც ლეონიძეა. და მგონია, თითქოს დავრჩი მარტო მე, კოლეგაც ხარ და აჭარის სიმეც ხარ. შენს საფლავთან ცხელი გული დავტოვებ მოვალ, წააღ, მენატრები ისევაც, რა ძნელია უშენობა, იოსებ! შენი სიყრმის მეგობარი მუხლმოყრით ათასჯერაც შენს საფლავთან ვილოცებ. შენს წიგნს გულში ჩავიხუტებ და ვიტყვი: ძმის სანაცვლოვ, ძვირო და წაუშლილო! საქართველოს გულისგულში უფისხარ, საქართველო არ იქნება უშენოდ!

ფიქრები, ვით იქნება — ვიყოთ გაღმა-გამოღმა, აა ჩვენ ჩვენი „დედა ენა“ არ გვქონდეს,



ბატონური პორტრეტები

წიგნიდან „რედაქტორის ჩანაწერები“

ერთ დღეს გამომცემლობაში მოვიდა პროფესორი ალექსანდრე ჩაგ-ლეიშვილი და საგამომცემლო გეგმაში მისი ხელნაწერის „ქართული ან-დაზების“ შეტანა ითხოვა. ბუნებრივია, მისი სურვილი დააკმაყოფილეს, წიგნის რედაქტორობა მე დამეკისრა.

ბატონი ალექსანდრე სტუდენტების საყვარელი პედაგოგი იყო. ცხა-დია, ეს დაფასება თავისით არ მოსულა. იგი გახლდათ შესანიშნავი პი-როვნება, გულთბილი, ახალგაზრდობის დამფასებელი, ამასთან მკაცრად მომთხოვნი. მისი ლექციები ყოველთვის გამოირჩეოდა მაღალი პროფე-სიონალიზმით, ერუდიციით, საუბარიც რაღაცნაირი იცოდა, ერთბაშად რომ დაგატყვევებდა, ამიტომაც იშვიათად ვინმეს მისი დატუქსული სტუ-დენტი ენახა, სწავლითაც ყველა სწავლობდა.

ერთხელ მოხდა ისე, რომ მის ლექციაზე 10 სტუდენტმა დაავიანა. დაავიანება არ უყვარდა. ყველას სათითაოდ გამოჰკითხა მიზეზი. ზოგმა შორს ცხოვრება მოიმიზეზა, ზოგმა ავტობუსების არარითმულ მუშაობაზე თქვა, ზოგს დედა ჰყავდა ავად, ზოგსაც ბებია. ერთი სიტყვით, ვინ რა თქვა და ვინ რა, ბოლოს ჯერი ჩემზე მიდგა, ყველამ რაღაცით იმართლა თავი. ასე რომ, მე აღარაფერი მრჩებოდა სათქმელი, არადა, ტყუილს თუ ტყუილს, სინამდვილეს ხომ უნდა ჰგავდეს ცოტათი! ბევრი აღარ მიყოყმანია, სერიოზულად ვუთხარი, ეს დაავიანებული ხალხი ჩემზე ბედნიერი იმით არიან, რომ იმათ ქუჩაზე ავტობუსები და ტაქსები მაინც მოძრაობენ, მე კი ისეთ უბანში ვცხოვრობ, არც ერთი სახის ტრანსპორტი არ გაივლის-მეთქი. შეწუხდა კაცი. ესლა მითხრა, თუ ასე შორს ცხოვრობ, ცოტა ადრე უნდა გაიღვიძო, ყველა თავის ადგილზე დაგვსხა და საუბარი განაგრ-ძო. მოულოდნელად ლექცია შეწყვიტა, ფეხზე ამაყენა და მკითხა: კი მაგ-რამ, კაცო, ასეთ დაკარგულში სად ცხოვრობო. სხვა რა გზა მქონდა და სიმართლე ვუთხარი: თქვენს მეზობლად, სტუდებინებში, ენგელსის ორში-მეთქი. სტუდებინები ზედ ინსტიტუტზე იყო მიდგმული. ატყდა აუდიტო-რიაში ხარხარი, თავადაც ვერ შეიკავა თავი, როცა აუდიტორია ცოტათი



ჩაწყენარდა, კალამი აიღო, ჟურნალი გაშალა. ჩემი გვარის გასწვრივ ჩემსი ჩაწერა, ალბათ, ორიანი-მეტეი, გავიფიქრე, ფირცხალაიშვილს „ხუთი“ საუკეთესო ტყუილისათვის, — გამოაცხადა აუდიტორიაში და ვითომც არაფერი მომხდარაო, ლექცია განაგრძო. მეორე შემთხვევაც უნდა გავიხსენო. ერთ დღეს ბატონი ალექსანდრე ლექციის დაწყებამდე რამდენიმე წუთით ადრე შემოვიდა ჩვენთან, ყველანი აუდიტორიაში ვიყავით. მან ერთი ჩვენი თანაკურსელი თავისთან მიიხმო და უთხრა—ამა და ამ აუდიტორიაში მიდი, იქ ჩაღხია ჩავლექსნავილი იკითხე და აქ მომგვარეო. წავიდა ეს სტუდენტი და დიდხანს არ გამოჩენილა. ბოლოს, როგორც იქნა, შუა ლექციაზე შემოაღწია და ბატონ ალექსანდრეს მოახსენა: პარტიკულუმლო, ჩავლექსნავილი კი ვნახე, მეორე — ჩაღხია იქ არ იყო. ამაზე ბატონმა ალექსანდრემ ბევრი იცინა, მერე სტუდენტს მიუბრუნდა, კაცო, ვაჟაფშაველა არ წაგიკითხავს და ჩაღხია არ გაგიგონიაო? ჩაღხია გვარი კი არა, ჩემი ვაჟის სახელიაო.

ბატონი ალექსანდრე ახალგაზრდა მწერალთა წრესაც ხელმძღვანელობდა. ამ წრეში მიიღეს პირველი ნათლობა ზურაბ გორგილაძემ და ნოდარ ჯალაღონიამ, შოთა ზოიძემ, ცისანა ანთაძემ, დავით თედორაძემ და სხვებმა.

როცა მისი შედგენილი „ქართული ანდაზები“ გამოვეცით, სასიგნალო ეგზემპლარი სახლში გავუგზავნეთ. სამადლობელი ბარათი მომწერა. მისი „ლიტერატურული წერილები“ მოგვიანებით გამოქვეყნდა, სამწუხაროდ, ავტორი ვერ მოესწრო მის გამოცემას.

ბატონი ალექსანდრე ძალიან აფასებდა წიგნიერ ხალხს, ორი შარვალი თუ გაქვს, ერთი გაყიდე და წიგნი იყიდეო, გვეტყოდა ხშირად.

სიცოცხლის ბოლო წლებში ხშირად ავადმყოფობდა, ბოლოს სიარულიც გაუჭირდა. ერთხელ მე და პოეტი დავით თედორაძე მის მოსახარულეობლად მივედით. ძალიან გაუხარდა, ხილითა და კონიაკით გაგვიმასპინძლდა, გაგვახსენა სტუდენტობა, პირველი ნაბიჯები პოეზიაში. მერე კარადიდან ჩვენივე წიგნები გადმოგვალებინა ხაზგასმული ადგილებით — ზოგი მოწონებას ნიშნავდა, ზოგი დაწუნებას. ხომ ხედავთ, ჩუმად ისევ ვადგენებთ თვალს, თქვენ კი კინლამ დამივიწყეთო.

ამ შეხვედრის შემდეგ მალე გარდაიცვალა. მისი სიცოცხლე მართლაცდა რომ დააკლდა ბათუმს. ნეტარსახსენებელი იყოს სახელი მისი.

* * *

კაცის გაცნობას, უფრო სწორად შეცნობას, ფუთი მარილი სჭირდებო, ნათქვამია. პროფესორი შოთა ნიჟარაძეც ერთი რიგითი ლექტორი გვეგონა, შემოვიდოდა ლექციებზე, მოათავებდა თავის საქმეს, აიღებდა



ხელჩანთას და, როგორც იტყვიან, თავის ბედს ეწეოდა. ეგ ერთი შეხედვით. კურსიდან კურსზე ვინაცვლებდით და შესაბამისად იზრდებოდა ბატონი შოთას ავტორიტეტიც. თავდაპირველად არ დაკვირვებდით, მოგვიანებით შევამჩნიეთ, რომ ბატონი შოთა ლექციის წაკითხვის დროს, ეგრეთ წოდებულ „შპარგალკას“ არ იყენებდა. შემოვიღოდა, ჩანთას მაგიდაზე დადებდა, ცარცს აიღებდა ხელში და იწყებდა ლექციის კითხვას, მაგალითებს თვით სტუდენტებს ასახელებინებდა, მის გარჩევაში, ლექტორთან ერთად, მთელი კურსი მონაწილეობდა. ისე გასაგებად, სადად ხსნიდა ყველაფერს, რომ შემდეგ წიგნში ჩახედვა ფაქტობრივად აღარ გვჭირდებოდა.

და მაინც ისე დავამთავრეთ ინსტიტუტი, ბოლომდე ვერ შევიცანით ეს საინტერესო პიროვნება. იმ ერთმა ამბავმა, რომლის შესახებაც ახლა მინდა მოგიხსროთ, შესანიშნავად წარმოაჩინა ბატონი შოთას სულიერი პორტრეტი. პორტრეტი ჭეშმარიტი მამულიშვილისა. საქმე ეხება ბათუმის 1978 წლის 26 მაისის გრანდიოზულ აქციას, რომლის სულის ჩამდგმელი და წარმმართველი ბატონი შოთა ნიყარაძე გახლდათ. პოეტმა ვახტანგ ღლონტმა, ამ აქციის ერთერთმა ორგანიზატორმა, ამ მოსალოდნელი მიტინგის შესახებ ერთი კვირით ადრე გამაფრთხილა, რომელსაც საიდუმლოდ ვინახავდი, მაგრამ ამ ამბავმა ეტყობა, სადაც მაინც გაჟონა. 1978 წლის 26 მაისს — როცა აჭარის ასსრ უმაღლესი საბჭოს სესია მიმდინარეობდა, რომელსაც ახალი კონსტიტუცია უნდა განეხილა და დაემტკიცებინა — მთავრობის სახლის წინ მხოლოდ 13 კაცი გამოცხადდა ვახტანგ ღლონტის თავკაცობით, მე მეთოთხმეტე ვიყავი. საბჭოთა იმპერიული აპარატი — პოლიტიბიურო შეეცადა ამ კონსტიტუციით რესპუბლიკისათვის სახელმწიფო ენად თავს მოეხვია რუსული. ბევრმა რესპუბლიკამ ეს ამბავი უაპელაციოდ მიიღო, მაგრამ ამ ნაბიჯს საქართველოში აპრილ-მაისის ჯერ გაუგონარი აზვირთება მოჰყვა ქართველი ხალხისა. თბილისში ასეთი აქცია 14 აპრილს წარმატებით დაგვირგვინდა — საქართველოს სახელმწიფო ენად, ბუნებრივია, ჩაიწერა ქართული. ახლა ჯერი ბათუმზე მიდგა. ჩვენმა ქალაქმაც არ შეირცხვინა თავი. მიუხედავად იმისა, რომ ინსტიტუტი საგულდაგულოდ ჩარაზეს შესაბამისმა სახელმწიფო სამსახურებმა, შოთა ნიყარაძის წაქეზებით, სტუდენტებმა მაინც მოახერხეს შენობიდან თავის დაღწევა და მომიტინგეებს შეუერთდნენ, ვინ ფანჯრიდან ხტებოდა, ვინ მეორე სართულიდან ეშვებოდა სახელდახელოდ გადაბმული ქამრებით. ბუნებრივია, მთავრობამ თოთხმეტკაციანი აქცია არად ჩააგდო, მაგრამ აშკარად შეცდა. სულ რაღაც ერთ საათში იგი ერთი-ორად გაიზარდა, ხოლო საღამო ყამს 15 ათასს გადააჭარბა. სესიაზე სტუდენტებმა სხვებთან ერთად ბატონი შოთაც გაგზავნა წარმომადგენლად.



ეს აქცია, როგორც ადრე ვწერდი, წარმატებით დამთავრდა.

27 მაისს, საქართველოს სახელმწიფოებრიობის აღდგენის დღეს ბათუმის აქციის წარმატებით დაგვირგვინება ვიწრო წრეში აღინიშნა კაფე „სიკბაუკეში“. რომელსაც ჩვენი ქალაქის ინტელიგენციის საუკეთესო წარმომადგენლები ესწრებოდნენ — სულ 25 კაცი. სუფრას თამაღობდა შესანიშნავი პიროვნება და მამულიწვილი, ბატონი შოთას ძმა ნადიმ ნიჟარაძე. აქვე იყვნენ მწერლები: ალექსანდრე სამსონია, ლადო სეიდიშვილი, ვახტანგ ღლონტი, ალექსანდრე ჩხაიძე, აგრეთვე შოთა ნიჟარაძე, იური ბიბილეიშვილი, ნუგზარ ჯაფარიძე, მამია ვარშანიძე და სხვები. შესანიშნავი სიტყვა წარმოთქვა ბატონმა შოთა ნიჟარაძემ. დაუვიწყარო დღე იყო.

არ გასულა დიდი ხანი და ქუჩაში მიმავალ შოთა ნიჟარაძეს მანქანა დაეჯახა, რამაც ძალიან შეარყია მისი ჯანმრთელობა.

მასხოვს, ჩემი სტუდენტობის დროს გამოვიდა შოთა ნიჟარაძის მიერ შედგენილი „აჭარული დიალექტი“, შესანიშნავი წიგნი, რომელსაც ასევე შესანიშნავი ლექსი უძღვნა პოეტმა ზურაბ გორგილაძემ. მეცნიერი ამ წიგნზე მუშაობას შემდეგაც განაგრძობდა. გადაწყვეტილი ჰქონდა მისი ხელმეორე გამოცემა, მოელაპარაკა გამოცემლობის ხელმძღვანელობას. წიგნის რედაქტორად მე დამნიშნა. სამწუხაროდ, მის სურვილს აღსრულება არ ეწერა, იგი მოულოდნელად გარდაიცვალა. ვფიქრობ, მეცნიერ-მკვლევარებს, მის მეგობრებს ვალად ადევთ ამ წიგნის მკითხველიხათვის ხელახლა მიწოდება.

* * *

ერთ დღეს ლექციაზე ხელჯობით შემოვიდა საკმაოდ უცნაური კაცი და ნელა მიუახლოვდა მაგიდას, ეტყობოდა, ფეხები პროთეზისა ჰქონდა. როცა კარგად დავაკვირდით, გავვოცდით, ხელის მტევნებიც თითქმის აღარ შერჩენოდა. სტუდენტებს მოგვესალმა, ჩვენ ფეხზე წამოვდექით. ველოდით, „დასხედითო“, გვეტყოდა, მაგრამ შემოსული არ ჩქარობდა. თავდაც ფეხზე იდგა. მოულოდნელად ლექსის კითხვა დაიწყო, ნიშამი განჯელისა. დაასრულა თუ არა, დაჯდომის უფლება მოგვცა. ასე გავიცანით იმ დღეს შესანიშნავი პიროვნება, მასწავლებელი და აღმზრდელი ბატონი ვაჟა აფხაზავა. ამ ტრადიციისათვის შემდეგაც არ უღალატნია. ყოველ ლექციაზე თითო ლექსს კითხულობდა ხოლმე მსოფლიო და ქართული კლასიკიდან.

ეს ხეიბარი კაცი დიდი გულის პიროვნება აღმოჩნდა, ნაღდი ქართველი, ჭეშმარიტი ვაჟკაცი, უშურველი ადამიანი. არ შეგულება კაცი, რომელსაც ბატონი ვაჟა აფხაზავას ლექციები მოესმინოს და მასზე ვინმეს



ოდესმე ცუდი ეთქვას. ბატონი ვაჟა მსხვერპლია მეორე მსოფლიო ომისა, ფინეთის ომში მტრის ტყვიით დაჭრილი ვიდაცა დალოცვილმა თოვლის ნამქერში იზოვა, ფეხები და ხელის მტევნები მოყინვოდა, ოპერაციის შემდეგ ნახევარკაცი დარჩა, მაგრამ ნებისყოფამ, სიცოცხლის სიყვარულმა თავისი ვაჟეთა და ბატონი ვაჟა კვლავ ცხოვრებას დაუბრუნა. ქალიშვილი, რომელიც ომში წასვლამდე უყვარდა, კვლავ მას ელოდებოდა. ბედნიერი ოჯახიც შექმნეს. მეცნიერებისთვისაც არ უღალატნია და ბათუმის შ. რუსთაველის სახელმწიფო პედაგოგიური ინსტიტუტის ლექტორიც გახდა, სტუდენტების უსაყვარლესი მოძღვარი.

აი, სწორედ ასეთი პიროვნება იდგა ახლა ჩვენს წინაშე და ჩვენს შეცბუნებულ სახეებს შესცქეროდა. ყველას გულში სიბრალულის გრძნობას დაებუდებინა. ლექციაზე მართლაც რომ ბუზის გაფრენას გაიგონებდით. ლექციის ბოლოს ბატონმა ვაჟამ ცოტა რამ საკუთარი ცხოვრებიდან მოგვითხრო და საუბარი ასე დასრულდა: — მე ნუ შეგებრალებით, ანაღვარდებო. მე შეძლებისდაგვარად ვაკეთებ ჩემს საქმეს, თქვენისთანა შესანიშნავ ადამიანებს ვუზრდი საქართველოს. შესაბრაალისი ის არის, ვინც ცოცხლებში მკვდრად მოიხსენიება.

ლიტერატურის დიდი მოყვარული ვახლდათ, მაგრამ პოეზია ფანატიკურად უყვარდა. მაშინ ზოგიერთი ჩვენთაგანი პირველ ნაბიჯებს დგამდა პოეზიაში. ბატონი ვაჟაც გვაქეზებდა, გვახალისებდა, თუმცა ობიექტურობის გრძნობა არასდროს დალატობდა და შენიშვნების მოცემაც დროულად იცოდა.

ვალმონდილი წავიდა ჩვენგან ეს ამაგდარი კაცი. სამწუხაროდ, როგორც ჩვეულებრივ ხდება ხოლმე, მისი თანამედროვეები ისე ვერ მივეთბეთ, მოვეფერეთ მას, როგორც ეს მის მხურვალე, სამშობლოს სიყვარულით ანთებულ გულს შეეფერებოდა. ის კი არადა, ბუნებამაც ახალი რისხვა დაატეხა თავს — მოულოდნელად გარდაეცვალა ვაჟი — ზურაბ აფხაზავა, ხელოვნების დიდი მოტრფიალე, გულმართალი პიროვნება. თუმცა ეს ამბავი ბატონი ვაჟას გარდაცვალების შემდეგ მოხდა და ამ სევდიანი ამბის შესახებ არაფერი იცის ამ წამებულმა კაცმა.

* * *

ახლა ვედარ ვიხსენებ, როდის შევხვდი პირველად პოეტ მამია ვარშანიძეს. დაასლოებით მას შემდეგ, რაც გამომცემლობაში დავიწყე მუშაობა. მისი რამდენიმე წიგნის რედაქტორიც ვყოფილვარ.

მამია ვარშანიძე ძალიან ხასიათბილი, მიმდნობი პიროვნება გახლდათ. ამიტომ ხშირი იყო შემთხვევა დღეს თუ შენს მეგობრად თვლიდა თავს, ხვალ ვინმეს გადაბრუნებულ სიტყვას შეიძლება მტრად ექცია.

უკანდახევაც სულგრძელად იცოდა. ბოლო წლებში მისი განუყრელი მეგობრები ჯემალ ქათამაძე და რამაზ სურმანიძე იყვნენ. მწერალთა კავშირის წევრი 1935 წელს გამხდარა. პირველი წიგნი „მებრძოლის სიმღერები“ 1946 წელს გამოცა, მანამდე ხუთი წელი ფრონტზე იმყოფებოდა, მუშაობდა გამომცემლობის დირექტორადაც, წლების განმავლობაში იყო უფროსი „ჭოროხის“ პასუხისმგებელი მდივანი.

როცა მის ხელნაწერს ვამზადებდი, თითქმის ყოველდღე მოდიოდა გამომცემლობაში, თავის აზრს მიზიარებდა ამათუ იმ ლექსზე, წავიდოდა და ერთი საათის შემდეგ რომელიმე თანამშრომლის ხელით წერილს ატრუნდა, ამის და ამის თქმა დამავიწყდა შენთვის და აგერ ყველაფერი მაგ წერილში წერიაო. ვიდრე წიგნი გამოვიდოდა, იმდენი წერილი დამიგროვდებოდა ხოლმე, ერთ მოზრდილ საქალაქდეს შეავსებდა, რომელსაც სახეიმო ვითარებაში ვუბრუნებდი წიგნის გამოცემის შემდეგ. ასე გრძელდებოდა წლების განმავლობაში. საზოგადოდ უნდა ითქვას, პოეტი ძალიან ბევრს წერდა. ბუნებრივია, ყველა მათგანი ვერ იდგა ერთნაირ დონეზე, თუმცა ისიც სათქმელია, რომ მან ბევრი მართლაცდა ჭეშმარიტი ლექსი დაუტოვა ქართველ მკითხველს. მაშია ვარშანიძე ხშირად მინახავს მიტინგებზე, ახალგაზრდების გვერდით. იგი იყო ერთ-ერთი აქტიური მონაწილე ბათუმის 1978 წლის 26 მაისის ამბებისა. მასხენდება 1988 წლის ნოემბრის თვის დასაწყისში ილია ჭავჭავაძის ბიუსტთან ჩატარებული არასანქციონირებული მიტინგი. როცა მომიტინგეთა დარბევა დაიწყო, პოეტს ადგილიდან ფეხი არ მოუცვლია: ერთი გაბედონ და ხელი მომკიდოს ვინმემო, ხმამაღლა გაიძახოდა. საბედნიეროდ, მას არავინ შეხებია, თორემ ისე იყო მომართული, საქმეს კარგი ბოლო არ უჩანდა.

დაახლოებით მის ათამდე წიგნს ვურედაქტორე. სამწუხაროდ, ხშირად მომხდარა ისეც, რომ პოეტი განაწყენებული დარჩენილა გამომცემლობაზე. 1978 წელს მ. ვარშანიძემ მოიტანა ხელნაწერი „იყო და მარად იქნება“. ეს გახლდათ კრებული აჭარის წარსულზე, დღევანდლობაზე მის მომავალზე. კრებულში თავმოყრილი იყო გამოჩენილი საზოგადო მოღვაწეების სიტყვები, ნარკვევები და ლექსები აჭარაზე. ერთი სიტყვით, ძალიან საინტერესო და საჭირო წიგნი გახლდათ. ამავე წიგნში შედიოდა იბოლიტე ვართაგავას წერილი მაშია ვარშანიძის შემოქმედებაზე, სადა დეაწლმოსილი კრიტიკოსი საკმაოდ ობიექტურად აფასებდა პოეტის კრების ნაღვას. სამწუხაროდ, გამომცემლობამ, ცენზურის დახმარებით ეს წერილი შეამცირა და ასე, ამ სახით მიაწოდა მკითხველს. იგივე განმეორდა პოეტის პროზაულ წიგნზე „ოხვრა სულისა“, რომელიც თურქეთში მიტხოვრებ ჩვენებურებზე მოგვითხრობდა. მაშინ ასეთი თემები ტაბუ დადებული იყო და მწერლის ეს წიგნიც ცენზურის წყალობით, კარგ ხანს იყო შერისხული.

საერთოდ უნდა ვთქვათ, ბუნებით მ. ვარშანიძე ჭეშმარიტი პოეტად გახლდათ — ხანაც მეოცნებე და აღზევებული, ხანაც ნაღვლიანი და ტიკოსი, ხანაც განრისხებული და ხმალამოწვდილი. ამის მიუხედავად, პატიოსნებისათვის არასდროს უღალატნია. ამ თვისებების გამო ძალიან გვიყვარდა ახალგაზრდა მწერლებს.

ბათუმში ბევრს არ ჰქონია ისეთი შესანიშნავი და მდიდარი ბიბლიოთეკა, როგორც ბატონ მამიას. რა წიგნს არ ნახავთ აქ. მათ შორის ბევრი ბიბლიოგრაფიულ იშვიათობად იყო ქცეული, წიგნის თხოვებაც დაუმაძღვლებლად იცოდა...

9 აპრილის ტრაგედიამ ყველა ქართველი ააღელვა, შურისძიების ცეცხლით აანთო, ერთ მუშტად შეკრა ერი. იმ დღეებში რამდენჯერმე შეეხვდი პოეტს — აფორიაქებული და დაბნეული გამოიყურებოდა, ვინც რუსთაველზე დაიღუპა, თედორე მღვდელზე ნაკლები რაინდები როდი ყფდილანო. შემდეგ დაკრა ფეხი და თბილისში ამოყო თავი. ეროვნული მოძრაობის ხსნის კომიტეტში დაღუპულთა სურათები გამოითხოვა, ბათუმში ჩამოიტანა და გამარავლებინა. 1939 წლის 26 მაისს — საქართველოს სახელმწიფოებრიობის აღდგენის დღეს — ბათუმში დემონსტრანტებს სწორედ მამია ვარშანიძის მიერ ჩამოტანილი სურათები მიუძღვდათ წინ...

ივრანო ბორაძე

სადაურსა სად წაიყვან...

ჩემს სახელოსნოში კარებსა და ფანჯრებს ვამზადებდი. ეს იყო 1943 წლის თებერვალი. სოფლის მუხტარმა გამომიარა და სამხედრო კომისარიატიდან გამოგზავნილი შეტყობინების ქალაქი გადმომცა. მეორე დღისათვის კომისარიატში მიბარებდნენ. რალაცნაირმა უსიამოვნებამ შემიპყრო.

— ნუთუ ომს იწყებენ ეს ოხრები? — გავიფიქრე მე. რა უნდა მექნა? ოჯახშიაც უსიამოვნება ჩამოვარდა. მივადექი კომისარიატს. იქ სხვებიც იყვნენ, მათ შორის ერთი ჩვენი სოფლელიც ერია. რიგრიგობით შევდიო-

დით სამხედრო კომისართან და სიაში გვეწოდნენ. — ხვალისათვის მხედ
იყავით, ჯარში უნდა წახვიდეთო. ეს ჩვენთვის არ იყო ახალი ამბავი. არა
დესაც სამხედრო კომისარიატი შეტყობინებას გვიგზავნიდა, მაშინვე მივნი-
ვდით, რომ ჯარში გავვიწვევდნენ. ხელში რაღაც საბუთები მოგვცეს და
მეორე დღისათვის დილით კომისარიატში გამოცხადება გვიბრძანეს, სამე-
შობლოს დაცვა ყველას ევალებათ.

— რომელი „სამშობლო“? — გულში გავიფიქრე. — რა თქმა უნდა,
სადაც ცხოვრობ, ის სამშობლო უნდა დავიცვათ. ხელში მოცემულ საბუ-
თებში ეწერა: სადაც გვაგზავნიდნენ. მარმარილოს ზღვისპირა ქალაქ ჩა-
ნახყალეში, ჩემს სოფელთან ერთად, მაგრამ ამ მოულოდნელმა ამბავ-
მა ჩემზე იმდენი ზეგავლენა არ მოახდინა, რამდენიც ჩემს სოფელზე.
ცოტა ვერ იყო შეძლებულად, თანაც ერთი წლის დაქორწინებული იყო
და ერთი თვის ბავშვი და ცოლი უპატრონოდ უნდა დარჩენილიყო. დაზბ-
რუნდით სოფელში. საგზალი გავვიმზადეს და დილით ადრე მივაღებეთ
სამხედრო კომისარიატს. იქ 30-40-მდე სხვებიც იყვნენ. სია ამოიკითხეს,
მერე ორ მწკრივად დაგვაწყვეს და გზას გავვიყენეს. თებერვლის დღეა,
თოვლი ჯერ კიდევ ბლომად არის, მანქანები არ მუშაობდა. ფეხით მოვ-
დიოდით და ღამეებს სოფლებში ვათევდით, ორ-ორ, სამ-სამს დაგვანაწი-
ლებდნენ მოსახლეზე. მუშის ვილაეთის საზღვარი გადავლახეთ და გადა-
ვვდით ბითლისის ვილაეთის მიწებზე. ეს ერთი მომადლო მთა იყო. ამ
მთაზე ძველისძველი სასტუმრო იყო. ერთი ღამე იქ გავათიეთ და დილით
დაღმართზე დავეშვიტ ქალაქ ბითლისისაკენ. იმ დღეს ბითლისში ჩავე-
დით. თოვლი იქ არ იყო. ამინდი დათბა, ნელნელა მივდიოდით, როგორც
იქნა, ქალაქ დიარბაქირში შევედით. იქ ორი დიდი სომხური ეკლესია
იყო, სადაც მოგვათავსეს. ეკლესიებს სამხედრო საქმიანობაში იყენებდნენ.
ერთი კვირა დავრჩით დიარბაქირში. ერთ დღეს საერთო აბანოში წაგვი-
ყვანეს, თანაც საცვლები და ტანსაცმელები დაგვიირიგეს. უკვე სამხედრო
პირებს დავემსგავსეთ, საღამოს მატარებლის ვაგონებში მოგვათავსეს
და სტამბულის გზას დავადექით. სტამბულის სადგურში ჩამოგვსვენეს.
იმის იქით გემით სირქეჯის ნავსადგურამდე ვიმგზავრეთ. გადმოვვდით გე-
მიდან. იქ სამხედრო ბინებში დაგვანაწილეს.

სტამბულში ორი-სამი დღე გავჩერდით, მერე გემით მარმარილოს
ზღვით გელიბოლუს ნავსადგურს დამით მივაღებეთ. მეორე დღეს ქ. ჩა-
ნახყალეში გადმოგვსვენეს. მე იქვე, ქალაქში, დამტოვეს. სხვები ქალაქგარე
მდებარე ნაწილებში გაუშვეს. ქალაქში დარჩენა გამიხარდა. იქ უფრო კა-
რგი პირობები იყო, შემეძლო რადიოს მოსმენა, გაზეთის წაკითხვა. მაინ-
ტერესებდა რუსეთისა და გერმანიის გაცხარებული ომის მდგომარეობა.

ჩვენი ნაწილის უმეტესობა სტამბულელი ბიჭები იყვნენ. მათთან მალე
გამოვანახე საერთო ენა. დავმეგობრდით კიდევც. სოფლულ თურქებთან



არ გვქონდა მაინცდამაინც ახლო ურთიერთობა. ქალაქლები კულტურით, ცოდნით ჯობდნენ მათ და საერთო ენის გამონახვა შეეძლებოდა დაიწყო სამხედრო სწავლება. ერთი კვირის შემდეგ იარაღი დაგვიბრუნეს და სავარჯიშოდ მინდორში გავდიოდით. თოფის სროლასა და სხვა სამხედრო სწავლებას შევუდევით.

ვარჯიშიდან შესვენების დროს თანამოაზრეები ვაზუთებს ამოვიღებდით და ჩვენს შთაბეჭდილებებს ვუზიარებდით ერთმანეთს. ერთხელ ვაზუთის კითხვის დროს უფროსი ლეიტენანტი დაგვადგა თავზე. სამივე ფეხზე წამოვდექით და სამხედრო წესით მივესალმეთ. საერთოდ, დასვენების დროს მისალმება საჭირო არ იყო, მაგრამ ეს ლეიტენანტი ახალი იყო და არ ვიცნობდით, ისეთი შთაბეჭდილება მქონდა, თითქოს ადრე ვიცნობდი, ჩემი ახლობელი და ნათესავი ყოფილიყო.

— დასხედით, დასხედით, ახლა დასვენება გაქვთ. — გვითხრა და ხამივე შეგვათვალა. ხელში ვაზუთი რომ დაგვინახა, გვკითხა:

— საიდან ხართ?

— სტამბულიდან ვართ, უფროსო ლეიტენანტო! — უთხრა იმ ორმა.

— ბათუმიდან ვარ, უფროსო ლეიტენანტო! — ვუთხარი მე.

— გურჯი ხარ, არა? — მკითხა მან.

— დიახ, გურჯი ვარ, იმ ჩვენს ხეობაში სხვა ეროვნების არავინ ცხოვრობს-მეთქი. — ვუთხარი.

— დედაჩემიც გურჯია, ძველი მუჰაჯირებიდან, ქობულეთელი.

ახალგაზრდა ლეიტენანტი ძალიან კარგი ხასიათის ადამიანი აღმოჩნდა. კარგი ურთიერთობა ჰქონდა ყველასთან, ჩვენც დიდი პატივისცემით ვეპყრობოდით. ერთ დღეს ვთხოვეთ სტამბულელ ამხანაგებთან ერთად გელიბოლუს ნახევარკუნძულის დათვალიერება გვინტერესებსო, სადაც მრავალი ომი მომხდარა, სისხლი დაღვრილა. ჩვენს ინტერესს ისიც აძლიერებდა, რომ იქ ინგლისის გემი „იარიმ ღუნია“ დაიღუპა მემედის მიერ გასროლილი ზარბაზნით. გამოგვიცხადეს, ვისაც კუნძულის დათვალიერება უნდა, სია მოგვიტანეთო.

ერთ დღეს ლეიტენანტმა მითხრა: — დედაჩემს ვუთხარი, ჩემთან ერთი გურჯი ასკერი არის, მოვიყვან და ცოტას წაისაუბრებთ. თქვენს ენაზე-მეთქი... — ხომ არ დაგავიწყდა ქართული?

— არა, როგორ დამავიწყდება!

ერთ კვირა დღეს მივედი. შუახნის თმაჭალარა სიმპათიური გარეგნობის ქალბატონს შევხვდი.

— მე გურჯი ასკერი ვარ, თქვენი გაცნობა მინდა. ჩვენ ხომ ერთი მემლექეთის ადამიანები ვართ. — ვუთხარი.

— აა, ეს შენა ხარ? შვილმა მიაგმო შენზე. გავიგე, ბათუმელი ყოფი-
ლხარ. მე ყველა გურჯი ნათესავად მიმაჩნია. თქვენ რა გვარი ხართ, შვი-
ლო? — მკითხა მან.

— წინათ გორაძე ვიყავი; ახლა იაუზუნი ვარ. — ვუთხარი.

— გამიგონია ასეთი გვარი!.. ახლა სად ცხოვრობთ?

— ახლა მუშის ვილაეთში ვცხოვრობ.

— კარგია, კარგი! — ჩაილაპარაკა მან და მაგიდასთან მიმიწვია.

— აგერ მობრძანდით, ისე იგრძენი თავი, როგორც საკუთარ სახლში.
მეც გავებდე და ვკითხე:

— თქვენ რა გვარი ხართ, დეიდა?

— ჩვენი გვარი სალუქვაძე იყო, ქობულეთში ვცხოვრობდით. ლეი-
ტენანტის გარდა, ექიმი შვილი მყავს. ის ართვინში ცხოვრობს, მემგვი
ჰქვია. ჩემი შვილი ცუდად ხომ არ ებყრობა ასკერებს?

— არა, დეიდა, ყველას ძალიან უყვარს და დიდი სიყვარულით ებყ-
რობიან.

— კარგია, თუ ასეა! — თქვა მან. ამასობაში კარი გაიღო და ლეიტე-
ნანტი შემოვიდა. მე ფეხზე ავდექი. მანიშნა, დაჯექიო.

— დედი, ხომ მოვიდა შენი გურჯი?

— მოვიდა, შვილო, მართლაც კარგი ასკერი გყოლია. რამდენი ვი-
საუბრეთ. დიდად გამახარა.

— ერთი სათხოვარი გვქონდა თქვენთან. — ვუთხარი ლეიტენანტს.

— გელიბოლუს ნახევარკუნძულის დათვალიერება გვინდა.

— ამ კვირაში წავალთ, მეც ძალიან მაინტერესებს. — მითხრა ლეი-
ტენანტმა.

დავემშვიდობე და მადლობა ვუთხარი ქალბატონს. ამის მერე კიდევ
ვინახულე. კარგი ადამიანი იყო, დედასავით გვეყვრობოდა. მას შემდეგ
კარგა ხანი გავიდა, მისი კეთილშობილური ქცევა კი დღესაც მახსოვს.

(გაგრძელება იქნება)



სიონ გოშიტიკა

პირველი ქართული ქრისტიანი მეფის მირიანის ცხოვრებისა და მოღვაწეობის ქრონოლოგია

ქართლის ანუ იბერიის სამეფოს ისტორიის ერთ-ერთი საკვანძო და ნაკლებად შეხ-
წავლილი ხანაა ახალი წელთაღრიცხვის IV საუკუნე. ამ პერიოდთან არის დაკავშირე-
ბული ფარნავაზიანთა დინასტიის გამოჩენილი მოღვაწისა და პირველი ქართველი
ქრისტიანი მეფის მირიანის ზეობა. მის დროს მოხდა ქრისტიანული სარწმუნოების უა-
რათო მასებში გავრცელება და სახელმწიფო რელიგიად აღიარება (326 წ.); ამ ეპოქას
ეკუთვნის ჩვენამდე მოღწეული ქართული მწიგნობრობის უძველესი ძეგლები, როგორ-
ცაა „ნინოს ცხოვრების“ ვრცელი რედაქცია² და „წიგნი მირიანისა“.³

მირიანი „მოქცევაჲ ქართლისაჲ“⁴-ს მეფეთა რიგით ოცდამეშვიდეა⁴, ხოლო „მეფე-
თა ამბავის“ მიხედვით — ოცდამეოთხე⁵. აღსანიშნავია ისიც, რომ მირიანი გარდაცვა-
ლების წინ წარმოთქმულ ანდერძში თავისთავს თვლის ოცდამეთექვსმეტე მეფედ⁶. ძვე-
ლი ქართული წყაროების გარდა, მირიანის მეფობაზე მოგვითხრობენ აგრეთვე
IV საუკუნის რომაელი მწერალი ამიანე მარცელინი⁷ და V საუკუნის სომეხი ისტორი-
კოსი მოვსეს ხორენაცი, რომელიც, თავის მხრივ, იმოწმებს IV საუკუნის სომეხსავე
მოღვაწეს თრდატ მეფის (298-330. წწ.) დახელოვნებულ მწიგნობარს აგათანგელოსს⁸.

მიუხედავად იმისა, რომ მირიანი ფარნავაზიანთა დინასტიის მეფეთა შორის ერთ-
ერთი გამოჩენილი მოღვაწეა და ამასთანავე მისი ცხოვრების შესახებ მოიპოვება უამრავი
მასალა როგორც ქართულ, ისე უცხოურ მწერლობაში, თანამედროვე ქართულ
ისტორიოგრაფიაში მისი ცხოვრების წლები მიახლოებითაც კი არაა დადგენილი. ქარ-
თულ საბჭოთა ენციკლოპედიაში მირიანისადმი მიძღვნილ სტატიაში მირიანის ცხოვრე-
ბისა და მოღვაწეობის არც ერთი თარიღი არაა მითითებული.⁹ ანალოგიური მდგომა-
რეობა საქართველოს ეკლესიის კალენდარშიც, რომელშიც მირიანის მოხსენებელი
დღე (გარდაცვალება) IV საუკუნით ვანისაზღვრება¹⁰.

ისტორიოგრაფიაში მირიანის ცხოვრებისა და მოღვაწეობის წლების განსაზღვრის
მიზნით კამათი ჯერ კიდევ XVIII საუკუნის პირველ ნახევარში დაიწყო. ვახუშტი ბატო-
ნიშვილმა პირველმა სცადა მირიანის დაბადების, გამეფებისა და გარდაცვალების თარი-
ღის დადგენა. მან მირიანისა და ქართველი ხალხის გაქრისტიანების წელს — 817-ს და-
უშატა „ნინოს ცხოვრებაში“ ლეონტი მროველის მიერ ნაწარმოები მირიანის მოქცე-
ვიდან გარდაცვალებამდე გასული ოცდახუთი წელი და, ამგვარად, მირიანის გარდა-
ცვალების თარიღად 342 წელი მიიჩნია. შემდეგ ვახუშტი მირიანის გარდაცვალების
თარიღს აკლებს მისსავე სიცოცხლის ხანგრძლივობის წელს (84) და ასე გამოჰყავს მას

ქართლის პირველი ქრისტიანი მეფის დაბადების წელი 258. რადგან, ლეონტი მროველის თანახმად, მირიანი 7 წლის გაუმეფებიათ, ამიტომ მისი მბრძანებლობის დასაწყისიც ვახუშტიმ 205 წლით განსაზღვრა.¹¹

თეიმურაზ ბატონიშვილმა 1848 წელს გამოქვეყნებულ თავის „საქართველოს ისტორიაში“ ვახუშტისეული მირიანის მეფობის დათარიღება მიიღო მცირედი შესწორებით, მან მირიანის გამეფება 266 წლით განსაზღვრა, ხოლო გარდაცვალება — IV საუკუნის დასაბამიდან ოცდამეოთხეუთმეტ წლის შემდგომი დროით.

დ. ბაქრაძემ 1880 წელს გამოცემულ ნაშრომში („მირიან მეფე და წმ. ნინო“), მირიანის მეფობის ვახუშტისეული დათარიღება (265-342) უცვლელად მიიღო. თუმცა მან იცოდა რომელი მწერლის ამიანე მარცელინის 361 წლის ცნობა, რომლის თანახმად იბერიის მეფე „მერიბანესი“ ცოცხალი ყოფილა 360-361 წლებშიც, დ. ბაქრაძე მირიანის მეფობის ასეთსავე დათარიღებას იძლევა 1889 წელს გამოცემულ თავის „საქართველოს ისტორიაში“. იგი ამ ნაშრომში მიუთითებს ამიანეს 361 წლის ცნობაზე და აღნიშნავს, რომ ამ დროს ქართლის მეფეა ბაქარი (ვახუშტი, 342-364 წწ.) და არა მირიანი. მისივე შენიშვნით, თუ ამიანეს მერიბანესი უდრის მირდატს (ვახუშტის 364-379 წწ.) 361 წელს მეფობდა ბაკური და არა მირდატიო.

მ. ჯანაშვილმა 1884, 1886, 1894 წლებში გამოცემულ ნაშრომებში გაიზიარა ვახუშტის მტკიცება მირიანის გარდაცვალების თარიღთან დაკავშირებით. ხოლო 1906 წელს გამოქვეყნებულ წიგნში („საქართველოს ისტორია“, ტ. I) იმავე ვახუშტის, აგრეთვე ლეონტი მროველისა და ამიანე მარცელინის ცნობებზე დაყრდნობით, მირიანის გარდაცვალება 381 წლით განსაზღვრა, გამეფების თარიღად კი 298 წელი მიიჩნია.

1895 წელს ს. ბარათაშვილმა თავის ნაშრომში („საქართველოს ისტორია“) უდავოდ გაიზიარა მირიანის გამეფების თარიღად მანამდე აღიარებული თარიღი — 265.

1895 წელს გერმანელმა მეცნიერმა რ. რააბემ გამოსცა ასურული ტექსტი პეტრე იბერიის ცხოვრებისა და მოღვაწეობის შესახებ, სადაც რამდენჯერმე აღნიშნულია, რომ პირველი ქრისტიანი მეფე იბერიისა იყო პეტრეს პაპა (დედის მხრიდან) დიდი ბაკური, რომელმაც ქართველი ერი მოაქციაო¹². აქედან გამომდინარე კი, IV საუკუნის პირველ ნახევარში, მოქცევის პერიოდში, ქართლში მეფედ დიდი ბაკური უნდა ყოფილიყო. ამ ცნობას პირველად 1898 წელს ბოლოტოვი გამოეხმაურა, რომელმაც, ითვალისწინებდა რა რომელი მწერლის ცნობას მირიანის შესახებ, გამოთქვა შემდეგი მოსაზრება: IV საუკუნის პირველ ნახევარში მეფედ უნდა ყოფილიყო ბაკური, მხოლოდ 348 წლის მახლობლად იგი შეცვალა მირიანმაო.

ცნობას დიდი ბაკურის შესახებ სპეციალურად გამოეხმაურა ივ. ჯავახიშვილი, რომელმაც ქართლის გაქრისტიანება 330-იანი წლებით დაათარიღა და ამ წლების მახლობელი დროის მეფედ „დიდი ბაკური“ აღიარა. ამასთანავე გამოთქვა აზრი, რომ დიდი ბაკური თუ უფრო ადრე არა, 298 წლიდან მაინც ყოფილა ქართლში მეფედო¹³, ხოლო მირიანის შესახებ წერდა, რომ „361 წელს იბერიის მეფედ უკვე მირიანის იხსენიება“¹⁴ (იმოწმებს ამიანე მარცელინეს). მკვლევარი იქვე მიუთითებდა: „როდის გამეფდა მირიანი, დანამდვილებით გამორკვეული არ არის, მხოლოდ მირიანს, როგორც ეტყობა, დიდხანს არ უმეფია“.¹⁵

ეს აზრი არ გაიზიარა კ. კეკელიძემ და სამართლიანად აღნიშნა, რომ პეტრე იბერიის პაპა ბაკური არ შეიძლებაოდა ყოფილიყო კონსტანტინე დიდის (306-337) თანამედროვედ¹⁶.

მოგვიანებით, თითქმის ერთდროულად, გამოვიდა გ. გოზალიშვილისა და ნ. ლომოურის ნარკვევები, გ. გოზალიშვილი მხარს უჭერდა ივ. ჯავახიშვილს, ნ. ლომოური კი კ. კეკელიძეს. გ. გოზალიშვილმა „დიდი ბაკური“ არა მარტო კონსტანტინე დიდის



თანამედროვედ გამოაცხადა, არამედ 394 წლის ფრიგულდის ბრძოლის გმირთან გაუფიცვა კიდევ.¹⁷ მისი შენიშვნით, მირიანი არ იყო კონსტანტინეს თანამედროვე.¹⁸ რადგან რომაული წყაროს ცნობით, 361 წელს საქართველოში მეფედ მირიანი იხსენიება, აზიტომ „ეს პერიოდი (ბაკურის მეფობისა — ს. გ.) დაახლოებით ოც წელს მაინც გაგრძელდებოდა, როცა ქართლის ცხოვრებას სათავეში ბაკური ედგა“.¹⁹

ნ. ლომოური არამარტო უარყოფდა „დიდი ბაკურის“ მოღვაწეობას ქართლში ქრისტიანობის სახელმწიფო რელიგიად აღიარების პერიოდისათვის, არამედ სამართლიანადაც ასკვნიდა, რომ პეტრეს პაპა ბაკური არ შეიძლებოდა ყოფილიყო როგორც მირიანის შვილი და მის შემდგომ მოღვაწე ქართლის მეფე²⁰, ისე 394 წელს რომაელთა ხმასახურში მყოფი ბაკურიო.²¹

1918 წელს ბ. ესაქმე მირიანის გარდაცვალების თარიღად მიიღო ცნობილი 342 წელი, მაგრამ მისი გამეფების გაბატონებული დათარიღება ხუთი ათეული წლით უკან გადასწია და 310 წელზე მიუთითა.²²

1915 წელს ს. გორგაძემ მირიანის გამეფების თარიღად 309 წელი მიიჩნია. უ. ბროსემ 1923 წელს მირიანის გარდაცვალება 356 წელზე იჭარაუდა (იგი ქართლის მოქცევას 331 წლით საზღვრავდა, ხოლო მირიანის გარდაცვალებას 25 წლის შემდეგ ანგარიშობდა).²³

1928 წელს აღნიშნულ საკითხს შეეხო ს. კაკაბაძე და გამოთქვა რამდენიმე საინტერესო და ახალი აზრი მირიანის ზეობის დათარიღებისათვის. ამ მეფის ხელდასმა უნდა მომხდარიყო III საუკუნის მიწურულს ან IV საუკუნის დასაწყისს, მიუხედავად იმისა, რომ 1924 წელს აღნიშნულ მოვლენას იგი 320 წლის ახლო დროით ათარიღებდა.²⁴ მისივე თქმით, მირიანი 362 წელს უნდა გარდაცვლილიყო.²⁵

შემდგომ წლებში, მიუხედავად იმისა, რომ გამოჩენილმა ქართველმა ისტორიკოსებმა (პ. ინგოროყვა, ს. ჭანაშია და სხვ.) იცოდნენ ამიანე მარცელინის ცნობა ქართველი მეფის მირიანის შესახებ, ამ უკანასკნელის მოღვაწეობას მაინც IV საუკუნის პირველი ნახევრით საზღვრავდნენ. ასეთივე აზრი იყო გატარებული საშუალო სკოლის უფროსი კლასებისათვის განკუთვნილ საქართველოს ისტორიის სახელმძღვანელოებშიც.²⁶

1958 წელს გ. მელიქიშვილი ვერცხლად შეეხო პირველი ქართველი ქრისტიანი მეფის მოღვაწეობის ორი ძირითადი თარიღის დაზუსტების საკითხს. ნაშრომში მკვლევარი იძულებულია ანგარიში გაუწიოს როგორც ქართულ, ისე სომხურ და რომაულ წყაროებს და საბოლოოდ იმ დასკვნამდე მიდის, რომ მირიან III უნდა გამეფებულიყო IV საუკუნის 20-იან, 30-იან წლებში და გარდაცვლილიყო 338 ან დაახლოებით 342 წელს.²⁷ ისტორიკოსი 338 წელს ამყარებს მოგვს ხორენაცის მონაცემებზე, რომლის მიხედვით მირიანი თითქმის ბრძოლაში დაღუპულიყო. ხოლო 362-ს, გაქრისტიანების დას. ე. ი. 287 წლიდან 25 წლის გახელის შემდეგ გარდაცვალებამდე, ქართლის ცხოვრების ცნობაზე დამყარებით.²⁸

გ. მელიქიშვილის ერთი წლის შემდეგ გამოსულ თავის შრომაში პირველი ქართველი ქრისტიანი მეფის ზეობა ზოგადად, IV საუკუნის პირველი ნახევრით განსაზღვრა.²⁹

ს. ყაუხჩიშვილმა მირიანის მოღვაწეობის თარიღის შესახებ თავისი აზრი გამოთქვა 1961 წელს. იგი წერდა: „საკმათოდ არის ქცეული ოღონდ ამ ქართველი მეფის მეფობის წლები. ეს ამბავი ხდება 361 წ. და საკითხავია არის თუ არა ეს მეფე „ქართლის ცხოვრების“ ის მირიან მეფე, რომელმაც ქრისტიანობა აღიარა. მკვლევარების ერთი ნაწილი უარყოფს, რომ ეს იგივე მეფეა, ზოგი კი ბუნდოვნად ტოვებს საკითხს — გამოვლად IV ს. 20-30-იან წლებში, გარდ. 338 ან დაახ. 362 წელსო, ე. ი. 24 წელი მაინც გამოდის მერყეობისათვის. მაგრამ, თუ კი აღიარებული იქნება (როგორც მკვლევ-



ვართა დიდი უმრავლესობა ცნობს), რომ ქართლი 30-იან წლებში მოიქცა კონსტანტინე დიდის (306-337) დროს, საკმაოდ კარგად ეწყობა ამას „ქართლის ცხოვრების“ სხვა ჩვენება, რომ მოქცევიდან მირიან მეფისათ მეოცდახუთესა წელსა მოკულა ძე მისი რევი...“ და მის შემდეგ: „და მასვე წელიწადსა დასნეულდა მირიან მეფე, რომელიც აღსრულაო“. ე. ი. 25-26 წელიწადს თუ მივუმატებთ ოცდაათიან წლებში დადებულ მოქცევის თარიღს, თითქმის სწორედ ეთანხმება და გამოდის, რომ ამ მირიანს 361 წლამდე მართლაც უმეფია და არ უნდა იყოს მართალი მოსე ხორენაცის გადმოცემა, რომლის მიხედვითაც თითქოს დაახლოებით 338 წელს მოკლათ იგი“.30

6. განაშია 1973 წელს გამოქვეყნებულ ნაშრომში ამტკიცებდა, რომ მირიანი უნდა ყოფილიყო მხოლოდ კონსტანტინე დიდისა (306-337) და თრდატ III-ის (287/298-330) თანამედროვე. თუმცა იგი არ გამოიციხავდა მირიანის გამეფებას ნიზიზინის ზავამდე (298 —ს. გ.)³¹, შემდეგ მკვლევარი ითვალისწინებს რა ამიანე მარცელინისა და ქართლის ცხოვრების ცნობებს, განმარტავს, რომ მირიანი „შეიძლება ცოცხალი ყოფილიყო IV ს. 60-იან წლებშიც“.32

5. განაშია თუ პირველ ნაშრომში მირიანის გამეფებას ნიზიზინის ზავამდე ათავსებდა, მეორე ნაშრომში ამ მეფის დაბადება განსაზღვრა ამ ხანით (290-300). მისივე თქმით, მირიანი გარდაიცვალა 361 წლის შემდეგ, მის მომდევნო წლებში.³³

ა. ბოვერადეს მირიანის გამეფება ნიზიზინის ზავის უადრეს ძალზედ პატივით ეჩვენება და გამოთქვამს სამართლიან აზრს, რომ ამიანე მარცელინის „მერიანის“ რომ ქართული წყაროების მირიანია, ამის საწინააღმდეგო რაიმე საბუთი არ მოგვეპოვემაო³⁴.

საერთოდ უნდა ითქვას, რომ ამ საუკუნის 80-იან წლებში, ის მკვლევარები, ვისაც კი დასჭირდა ამა თუ იმ ცნობის გამო დამოწმება მირიანის ზეობისა, ყოველთვის იმეორებდნენ ვახუშტი ბატონიშვილის მტკიცებას ან მასთან დაახლოებულ ქრონოლოგიას. ასე მკვალთაოდ: რ. პატარიძემ ერთ-ერთ ნაშრომში მირიანის ზეობა 265-342 წწ. აღნიშნა,³⁵ ხოლო მეორეში ამ ქართველი მეფის გარდაცვალება 334 წლით.³⁶ მ. ჩხატარაიშვილის აზრით, მირიანი IV საუკუნის პირველი ნახევრის მოღვაწეა.³⁷ ასეთივე აზრისაა ლ. პატარიძეც.³⁸

ამ ბოლო დროს აღნიშნულ საკითხთან დაკავშირებით საინტერესო და განსხვავებული აზრი გამოთქვა ვ. გოლიაძემ თავის ნაშრომში „ფარნავაზიანთა სახლის ქრისტიან მეფეთა ქრონოლოგია“.39 ავტორმა აღნიშნულ სტატიაში მირიანის ცხოვრებისა და მოღვაწეობის სამი ძირითადი თარიღი ასეთი მიმდევრობით დაალოგა; 250 წ. — დაბადება, 257 წ. — გამეფება და 334 წ. — გარდაცვალება. მისივე მტკიცებით, „257 წლიდან ოფიციალურ მეფედ მირიანი ითვლებოდა, სამეფოს კი რევი განაგებდა“.40 მხოლოდ „298 წელს მან, დიოკლეტიანეს მხარდაჭერით, დაიკავა ტახტი“.41 ასევე „262 წლის „ზორიასტრის ქაბახს“ წარწერაში შაბურ I-ის დიდებულთა შორის დასახელებული „ქართლის მეფე ამაზასპი“ იგივე რევი უნდა იყოს.⁴²

ამრიგად, მირიანის გამეფების თარიღად ვ. გოლიაძე თვლის 257 წელს, ხოლო ბოლოტოვი 348 წელს. ამ თარიღებს შორის სხვაობა 91 წელს გვაძლევს. ხ. კაკაბაძის აზრით, მირიანი გარდაიცვალა 362 წელს, ხოლო ვ. გოლიაძე თვლის, რომ ეს ამბავი 334 წელს უნდა მომხდარიყო. აქ უკვე სხვაობა 28 წელია.

ისმის კითხვა, რამ გამოიწვია აზრთა ასეთი სხვადასხვაობა?

ამის მიზეზი ძირითადად სამი გარემოებით უნდა ავხსნათ. პირველი, მკვლევართა უმრავლესობა „მოქცევაჲ ქართლისაჲ“ ში არსებულ „ნინოს ცხოვრების“ შედგენას VII ან IX-X საუკუნით საზღვრავდა. მასში შემონახულ ცნობებს მირიანის ცხოვრებისა და მოღვაწეობის შესახებ სანდოდ არ მიიჩნევდნენ, რადგან შიგ არსებული ცნობები მირიანის შესახებ თითქოს ამ მეფის ცხოვრებიდან რამდენიმე საუკუნის შემდეგ იყო



შედგენილი. მეორე, ლეონტი მროველმა მირიანის სპარსეთის პირველი სახანაინი მეფის არდაშირის შვილად აქცია, მიუხედავად იმისა, რომ ძირითად წყაროში („მოქცევაჲ ქართლისაჲ“) მირიანის მამად დასახელებული იყო ლევი (რვე).
 შვიდი საუკუნის შემდეგ დიდმა ქართველმა მეცნიერმა ვახუშტიმ, როცა დაადგინა მირიანის ცხოვრებისა და მოღვაწეობის თარიღები და ნახა, რომ მირიანის დაბადებისა და გაზეფების თარიღები არ ემთხვეოდა ქასრე ანუ შირვანის (226-243) მეფობის წლებს, მირიანი ქასრეს მომდევნო მეფის შაბურის (243-272) შვილად წარმოგვიდგინა.

ჩვენ ის აზრი მივაჩინა სწორად, რომ გადმოცემა მირიანის ასეთი წარმომავლობის შესახებ გამოწვეულია სურვილით მოეძებნოს მას განსაკუთრებით დიდი და მნიშვნელოვანი წინაპრები.

აი, ამის გამო მირიანის მამა რაიი ვერ მოხვდა ლეონტი მროველის მიერ მოხსენიებულ მეფეთა რიგში. რადგან ლეონტის კონცეფციით სსსრ-ის არდაშირის შვილად იქცა, ამიტომ მან მირიანის წინა მეფის ასფაგურის მეფობაში დასვა არდაშირ სახანაინის გაზეფება,⁴⁴ ხოლო შემდგომ ამ ორი თითქოსდა თანამედროვე მეფის შვილები აბეშარა და მირიანი დააკავშირა ერთმანეთთან.⁴⁵ რადგან სომხეთის გამაქრისტიანებელი მეფე თრდატი დაახლოებით თანამედროვეა მირიანისა, ამიტომ მან თრდატის მამა ხოსროვიც ასფაგურის თანამედროვედ გამოაცხადა.⁴⁶

შესაშვ, უცხოურ მწერლობაში ჩვენ მოგვეპოვება მირიანის მოღვაწეობის დასასრული შესახებ ორი ურთიერთსაწინააღმდეგო ცნობა, მოვსეს ხორენაცისა და ამიანე მარცელინის ნაშრომების სახით. პირველის — „სომხეთის ისტორიის“ მიხედვით, მირიანი ბრძოლაში მოუკლავთ დაახლოებით 337 წელს,⁴⁷ ხოლო მეორის ცნობით, მირიანი ცოცხალი ყოფილა 341 წელსაც.⁴⁸

დღეისათვის დადგინილად უნდა ჩაითვალოს, რომ „ნინოს ცხოვრების“ ვრცელი რედაქცია არის ნინოსა და მირიანის თანამედროვეობის მიერ შექმნილი, ქრონოლოგიური ცნობებით გამდიდრებული და ქრისტიანული მწერლობის ყველაზე უძველესი ძეგლი. დადგენილია, აგრეთვე, ისიც რომ მირიანი არ შეიძლება ყოფილიყო სპარსთა უფლისწული, მით უმეტეს პირველი სახანაინი მეფის არდაშირის (226-243) შვილი. მაგრამ დიდ დავას იწვევს მირიანის გარდაცვალების თარიღი, რომელზედაც მირიანის ცხოვრებისა და მოღვაწეობის თარიღები მკვეთრად დაკავშირებული. ამიტომ საჭიროა მოვსეს ხორენაცისა და ამიანე მარცელინის მონაცემები მირიანის შესახებ შესწავლილ იქნეს კრიტიკულად. საჭიროა დადგინდეს, რომელი ისტორიკოსის ცნობები შეესაბამებიან რეალურობას. მოვიყვანოთ მათი ცნობები პირველი ქართული ქრისტიანი მეფის მირიანის შესახებ. მოვსეს ხორენაცის მიხედვით, მირიანი ყოფილა სომხეთის მეფის თრდატის ერთ-ერთი მხედართმთავარი, აი რას წერს იგი: „თრდატმა მხედართმთავრებად თავისიანებიდან ოთხი აქცია შუარჩია: ქართველთა წინამძღოლი მირიანი, რომელსაც ეწოდა ქრისტეს რწმუნის გამო. ასევე ბაგარატი, რშტუნთა უფალი მანაჭიპრი და ამატუნთა უფალი ვაჰანი“.⁴⁹

სომეხი ისტორიკოსის სიტყვით, მირიანი, ისევე როგორც შემოაღნიშნული სარდლები, სომხეთის ჯარის ერთ-ერთი მხედართმთავარია თრდატის ძის ხოსროს (330-338) დროსაც. აქ მირიანი იხსენიება როგორც „ქართველთა წინამძღოლი და გუბარელთა პიტაბში, ჩრდილოეთის ლაშქრის მხედართუფროსი“.⁵⁰

ხოსროს სიცოცხლეში, ე. ი. 338 წლამდე, სომხეთს შემოსევია ჩრდილო კავკასიელი ტომები სპარტავად. მოვსეს ხორენაცის სიტყვით, მირიანი „ბრძოლაში დაეცა, ხოლო ჩვენი ჩრდილოეთის ჯარი დამარცხდა და გაეცალა ბერს“. შემდეგ ხოსროვმა მირიანის ნაცვლად ჩრდილოეთის ლაშქრის „ხარდლად გარჯილ მალხაზი, ხორხორუნთა უფალი განამწყესა“.⁵¹

უნდა აღინიშნოს აგრეთვე, რომ VII საუკუნის სომეხი ისტორიკოსის ქვეყნის ისტორიაშიც⁵² მირიანი (მიპრანი) არის ქართველთა პიტიახში ნების აღმასრულებელი⁵².

ახლა მოვიყვანოთ ის ნაწყვეტი ამიანე მარცვლინის ისტორიიდან, რომელშიც მოხსენებულია ქართველთა მეფე მირიანი.

მან წელს ირანელებმა მნიშვნელოვან წარმატებებს მიაღწიეს და რომაელებმაც გაქირვებით უკუაგდეს ისინი, მაგრამ „უწინოდით, რომ კარგი ამინდის დადგომისათვის უკან დახევინებული ზამთრის დროის სიძნელების გამო. ტიგროს გადართმომო მოიპოვა და სატრაპებთან უხვი საჩუქრებითურთ ელჩები იქნენ გაუშვილი, რათა ყველასათვის დაეცა ცდილიყვნენ. მაგრამ ყველაზე უფრო მოქრთამულ იქნენ არშაკი და მერბანი, არშენისა და იბერიის მეფეები, ბრწყინვალედ შემყული სამოსით და მრავალნაირი საჩუქრებით, რადგან, თუ მაშინდელ საეპკო ვითარებაში სპარსელებს მიუღებოდნენ, ავინებდნენ რომის საქმეებს“⁵³.

დღეისათვის ქართულ ისტორიოგრაფიაში გაბატონებულია ის აზრი, რომ მირიანი მომკვდარა IV ს. პირველ ნახევარში (334, 338 ან 342), მაგრამ ყველა ისტორიკოსი მაინც იყენებს ამიანეს მიერ მოცემულ ზემოაღნიშნულ ცნობებს ქართლის სამეფოს პოლიტიკური მდგომარეობის გასარკვევად IV საუკუნის 50-60-იანი წლებისათვის⁵⁴.

სომეხი ისტორიკოსის ნაშრომში ის ადგილი, სადაც ქართლი სომხეთის ერთ-ერთ მხარედ მიჩნეულია⁵⁴, სადაც მირიანი მოხსენებულია როგორც ქართველთა წინამძღოლი და გუგარელთა პიტიახში, ჩვენი აზრით, უნდა იყოს ტენდენციური შრომის ნაყოფი, ან სომეხ ისტორიკოსებთან ზემოაღნიშნულ ნაწყვეტებში მოხსენიებული მირიანი არ უნდა იყოს ქართლის პირველი ქრისტიანი მეფე. ან, ყოველ შემთხვევაში, ქართლის მეფის მირიანის სიკვდილი სომხეთის მეფის ხოსროს (330-338) სიცოცხლეში დაახ. 337 წელს უნდა გამოირიცხოს და აი რატომ.

1. ქართლის პირველი ქრისტიანი მეფე ცოცხალი ჩანს 338 წლის ბოლოსაც. წმ. ნინოს დასაფლავების შემდეგ მირიანი „მეფე არა განეშორა საფლავსა მისსა წმიდასა ვიდრე შანაურთ მისით, ვიდრე შუდ დღემდის“⁵⁵ როგორც ცნობილია, წმ. ნინო გარდაიცვალა 338 წლის⁵⁶ მეთერთმეტე თვის 14 რიცხვში⁵⁷ (14 იანვარს, მაშინ ახალი წელი მარტიდან იწყებოდა). მირიანი ცოცხალი ჩანს ნინოს გარდაცვალებიდან ღიდი სნის შემდეგაც.⁵⁸

2. „და ოცდამესამესა წელსა აღმართებითგან პატოისნისა ჭუარისა შეუქმნა კუბარეც და შეიქმნა საფლავი ქუემოსა ცელესიასა“⁵⁹

ჩვენ „ქართლის მოქცევის თარიღის დაზუსტებაში“ ვაჩვენეთ, რომ აღმართვა პატოისანი ჭუარისა უნდა მომხდარიყო 327 წელს⁶⁰; ამიტომ „კუბაჲ“-ს, შექმნა რევის მიერ ნოვა (327+23) 350 წელზე. ჩვენთვის ისიც ცნობილია, რომ მირიან მეფის შედარებით მომკვდარა ჭერ კიდევ მამის სიცოცხლეში⁶¹, ამიტომ თუ რევი 350 წელს ცოცხალი იყო, ცოცხალი უნდა ყოფილიყო მირიანიც, ამიტომ ჩვენს მიერ შემოთავაზებულ სომხურ წყაროებში მოხსენიებული მირიანი ან გუგარელთა პიტიახში უნდა იყოს და ეს ქართული სამთავრო ამ დროს სომხეთზეა დამოკიდებული ან „მეფეთა შამშავში“ მოხსენიებული მირიანოზი (მირიანი, ეს სახელი ემსგავსება ამიანეს „მერიანოსი“-ის) მირიანოზი მირიანის ტახტზე აყვანის შემდეგ ჩანს როგორც ახალგაზრდა მეფის „მამამამუჲ“, განმგებელი და ჭარის მხედართმთავარი.⁶²

ასეთ შემთხვევაში სომხურ ცნობასთან შედარებით უპირატესობა უნდა მიენიჭოს რომაული წყაროს ცნობას, რომ მირიანი ცოცხალი იყო 360-361 წლებშიც. მით უმეტეს



რომ ამიანე თანამედროვეა, მომხსრე და თვითმხილველი იმ ომისა და ვითარებისა, რომლებიც მიმდინარეობდა რომაელებსა და სპარსელებს შორის IV საუკუნის 50-60 წლების მიჯნაზე და რომელიც 363 წელს 30-წლიანი ზავით დამთავრდა. ამას მოწმობს თუნდაც ის, რომ 359 წელს ამიდან ბრძოლის წინ ირანელთა ლაშქრის სათვალთვალოდ გაგზავნილ ამიანეს საკუთარი თვალით დაუნახავს შაბურ II-ის (309-379) გვერდით მყოფი ალბანეთის მეფე.³³

ჩვენი აზრით, რომაული წყაროს მიერ მოცემული ზემოაღნიშნული ნაწყვეტი უფრო შეესაბამება იმდროინდელ ვითარებას და მასში მოხსენიებული ორი ქვეყნის გამგებელი, სომხეთისა და ქართლისა, სრულიად უნდა შეესაბამებოდნენ თავიანთი ზეობის ქრონოლოგიურ ჩარჩოებს. ასე, მაგალითად: რომაელი მწერლის მიერ მოხსენიებული არშაკი არის ხორენაცისეული არშაკი, იგივე არშაკ III, რომელიც სომხეთში მეფობდა 350-367 წლებში³⁴.

ცნობილია, რომ ამიანეს მიერ ზემოაღნიშნულ ომამდე, სპარსელებსა და რომაელებს შორის არშაკის მეფობის პერიოდში არავითარი სხვა ომი არ ყოფილა, ე. ი. 350-361 წლებში. ამიტომ უეჭველია, რომ 361 წელი არშაკის მეფობის ერთი ისეთი წელთაგანი უნდა იყოს, როგორც ქართველი მეფისა. რომაული წყაროს კონტექსტში ამ ორი მეფის ერთად მოხსენიება იმის მთქმელია, რომ ისინი 361 წლის შემდეგ თუ არა, 350 წლიდან მაინც ორი მეზობელი სამეფოს მმართველები უნდა ყოფილიყვნენ.

ამიანე მარცელინის ეს ცნობა სანდოდ უნდა იქნეს მიჩნეული. შით უმეტეს, რომ ჩვენ არ მოგვეპოვება მისი ცნობის საწინააღმდეგო საბუთი, კიდევ მეტი, რომაელი მწერლის ამ ცნობას მხარს უჭერენ ძველი ქართული წყაროები, როგორც „მოქცევაჲ ქართლისაჲ“-ს ავტორი, ისე ლეონტი მროველისა და ჭუანჭუბურის მონაცემებიც. აქედან პირველი-ორის ცნობებს მირიანის ცხოვრებისა და მოღვაწეობის თარიღების შესახებ წინამდებარე ნაშრომში შევხებით.

ამასთანავე ისიც უნდა იქნას გათვალისწინებული, რომ მირიანსა და ვარაზ-ბაკურს შორის, ე. ი. 361-368 წლებს შუა, რაღაც შვიდი წლის განმავლობაში, რამდენიმე მეფის ზეობაა საკულევბელი: „მოქცევაჲ ქართლისაჲ“-თ ბაკური და თრდატი, ხოლო ლეონტი მროველით — ბაქარი და მირდატი. თუ გავითვალისწინებთ, რომ მარცელინის მიერ მოხსენიებული საურმაგი ქართლის მეფედ ყოფილა 368 წელს³⁵ და ამ წლის ამბებთან დაკავშირებით მოხსენიებული აზ-ბაკური იგივე „ქართლის ცხოვრებისა“ და „მოქცევაჲ ქართლისაჲ“-ს ვარაზ-ბაკურია (ვარაზ-ბაქარი), მაშინ უფრო საკულევბელია 361 წელი მივიჩნიოთ მირიანის მეფობის ბოლო ან ყოველ შემთხვევაში ბოლოს-წინა წლად. ყველა ცნობის გათვალისწინების შედეგად მეფეთა რიგი აღნიშნული დროის მონაკვეთში ასე წარმოგვიდგება: მირიანი (361 წ.) — ბაკური-მირდატი-თრდატი-საურმაგი-ვარაზ-ბაკური (368 წ.)

თუ გავითვალისწინებთ ცნობებს ძველ-ქართული წყაროებისას, მოვსეს ხორენაციოსას, ფავსტოს ბუზანტისას და ამიანე მარცელინისას, რომელთა მიხედვითაც გართულე-ბული პოლიტიკური მდგომარეობა იგულისხმება მთელს ამიერკავკასიაში, ყოვლად შესაძლებელია მეფეთა ხშირი შეცვლა იბერიის სამეფო ტახტზე. ეს, რა თქმა უნდა, სდებოდა რომაელთა, სპარსელთა თუ სომეხთა³⁶ ნებით თუ უნებლიეთ; რასაც ემატებოდა, აგრეთვე, საგვარეულოს შიგნით გამწვავებული ბრძოლა ტახტისათვის რევისიანთა და ბაკურიანთა შტოებს შორის.

(დასასრული იქნება).



1. სიმონ გოგიტიძე. ქართლის მოქცევის თარიღის დაუზუსტება. გადაცემულია დასაბეჭდად უურნალ „მნათობის“ რედაქციაში.
2. მ. ჩხარტიშვილი. „ნინოს ცხოვრების“ ვრცელი რედაქციის ატრიბუცია. „მნათობი“, 1987, № 5, გვ. 149 და შემდეგ; ივ. ლოლაშვილი. ქართული წიგნისა და მწერლობის საწყისებთან. თბ., 1978, გვ. 19.
3. შატბერდის კრებული. გამოსაცემად მოამზადეს ბ. გიგინეიშვილმა და ელ. გიუ. ნაშვილმა. თბ., 1979, გვ. 353-355.
4. იქვე, გვ. 321.
5. ქართლის ცხოვრება. ტ. I, ს. ყაუხჩიშვილის რედაქციით. თბ., 1955, გვ. 64.
6. შატბერდის კრებული გვ. 353.
7. გეორგიკა I, ტექსტები ქართული თარგმანითურთ გამოსცეს და განმარტებები დაურთეს ალ. გამყრელიძემ და ს. ყაუხჩიშვილმა. თბ., 1961, გვ. 101-102; საქართველოს ისტორიის ნარკვევები, II, თბ., 1973, გვ. 77.
8. მოვსეს ხორენაცი. სომხეთის ისტორია. ალ. აბდლაძის რედაქციით, თბ., 1984, გვ. 170-171, 184, 186.
9. ქართული საბჭოთა ენციკლოპედია. ტ. 7, სტატია „მირიან III, გვ. 154.
10. საქართველოს ეკლესიის კალენდარი 1983 წლის, თბ., 1983, გვ. 49.
11. ვახუშტი ბატონიშვილი. საქართველოს ისტორია.
12. ცხოვრება პეტრე იბერიისა. ასურული რედაქცია. ივ. ლოლაშვილის გამოცემა, თბ., 1988, გვ. 82.
13. ივ. ჯავახიშვილი. ქართული ერის ისტორია. წ. I, თბ., 1960, გვ. 283.
14. ივ. ჯავახიშვილი. თხზულებანი თორმეტ ტომად. ტ. I, თბ., 1979, გვ. 274.
15. იქვე.
16. კ. კეკელიძე. ეტიუდები ძველი ქართული ლიტერატურის ისტორიიდან, III, თბ., 1955, გვ. 19, 20.
17. გ. გოზალიშვილი. ქართლის მოქცევის პრობლემა და ბაკური. თბ., 1974, გვ. 78.
18. იქვე, გვ. 59.
19. იქვე, გვ. 82.
20. ნ. ლომოური. ნარკვევები ქართლის (იბერიის) სამეფოს ისტორიიდან. თბ., 1975, გვ. 66.
21. იქვე, გვ. 49.
22. Б. Эсадзе. Летопись Грузии, вып. I, 1913, с: 20.
23. უ. ბროსე. ქართლის ცხოვრება. ნ. მარის რედაქციით, პეტროგრადი, 1923, გვ. 64, 100.
24. ს. კაკაბაძე. ქართული სახელმწიფოებრიობის გენეზისის საკითხები. — საისტორიო მოამბე, წ. I, ტფ., 1924, გვ. 10.
25. ს. კაკაბაძე. ძიებანი ქართველთა IV-VII საუკუნეების ისტორიის შესახებ, — საისტორიო კრებული, წ. II, ტფ., 1928, გვ. 9.
26. პ. ინგოროყვა. თხზულებათა კრებული, ტ. IV, თბ., 1978, გვ. 319; საქართველოს ისტორია, ნაწ. I, სახელმძღვანელო საშუალო სკოლის უფროსი კლასებისათვის ს. ჯანაშიას რედაქციით. თბ., 1946, გვ. 89; საქართველოს ისტორია. განკუთვნილი VIII-X კლასებისათვის. თბ., 1958, გვ. 70.

27. გ. მელიქიშვილი. ქართლის (იბერიის) სამეფოს ისტორიის ქრონოლოგიის საკითხისათვის. — ივ. ჯავახიშვილის სახელობის ისტორიის ინსტიტუტის შრომები. ტ. IV, გვ. 145-150. ნაკვ. I, თბ., 1958, გვ. 170.
28. იქვე, გვ. 162, 163.
29. Г. Меликишвили. К истории древней Грузии, Тбилиси, 1959, с. 62, 423.
30. გეორგია I, გვ. 80-81.
31. ნ. ჯანაშია. ქართლი IV ს. პირველ ნახევარში. ქრისტიანობის გამოცხადება სახელმწიფო სარწმუნოებად. — საქართველოს ისტორიის ნარკვევები. ტ. II, თბ., 1973, გვ. 62.
32. ნ. ჯანაშია. ბრძოლა ირანის აგრესიის წინააღმდეგ ქართლში IV საუკუნის მეორე ნახევარსა და V საუკუნის პირველ ნახევარში. — საქართველოს ისტორიის ნარკვევები. ტ. II, გვ. 77.
33. ნ. ჯანაშია. ისტორიულ-წყაროთმცოდნეობითი ნარკვევები. თბ., 1986, გვ. 153.
34. ან. ბოგვერაძე. ქართლის (იბერიის) სამეფოდ 369 წლის გაყოფის საკითხისათვის. — ძიებანი საქართველოს და კავკასიის ისტორიიდან. თბ., 1976, გვ. 88.
35. რ. პატარიძე. დავითის ქვა-ჯვრის ქართული ანბანი. — მნათობი, 1987, № 3, გვ. 156.
36. რ. პატარიძე. ქართული მწიგნობრობა. თბ., 1989, გვ. 12, 13.
37. მ. ჩხარტიშვილი. „ფრიად სარწმუნო ბაკური“. — „მნათობი“. 1986, № 5, გვ. 162.
38. რ. პატარიძე. „წიგნი შირიანისა“. „მნათობი“. 1989, № 4, გვ. 163, 164.
39. ვ. გოლიაძე. ფარნავაზიანთა სახლის ქრისტიან მეფეთა ქრონოლოგია. — „მნათობი“. 1988, № 3, გვ. 150.
40. იქვე, გვ. 154.
41. იქვე, გვ. 155.
42. იქვე, გვ. 154.
43. გ. მელიქიშვილი. ქართლის (იბერიის) სამეფოს ისტორიის ქრონოლოგიის საკითხისათვის. გვ. 162.
44. ქართლის ცხოვება. ტ. I, გვ. 59.
45. იქვე, გვ. 64.
46. იქვე, გვ. 59.
47. მოვსეს ხორენაცი. სომხეთის ისტორია, გვ. 186.
48. გეორგია I, გვ. 101-102.
49. მოვსეს ხორენაცი, სომხეთის ისტორია. გვ. 170.
50. იქვე, გვ. 184.
51. იქვე, გვ. 186.
52. მოვსეს კალანკატუაცი. აღვანთა ქვეყნის ისტორია. ლ. დავლიანი-ტატიშვილის რედაქციით, თბ., 1985, გვ. 31.
53. გეორგია I, გვ. 101-102.
54. ლ. ჯანაშია. ლაზარ ფარპელის ცნობები საქართველოს შესახებ. თბ., 1962, გვ. 185.
55. ძველი ქართული აგიოგრაფიული ლიტერატურის ძეგლები, I, ი. აბულაძის რედაქციით, გვ. 90.
56. შატერდის კრებული. გვ. 324. ქართლის ცხოვრება. ტ. გვ. 127.
57. საქართველოს ეკლესიის კალენდარი 1958 წლისათვის. გვ. 25; ძველი ქართული

ლი აგიოგრაფიული ლიტერატურის ძეგლები, IV, ე. გაბიძაშვილისა და ი. აბულაძის რედაქციით, თბ., 1968, გვ. 351, 353.

58. ძველი ქართული აგიოგრაფიული ლიტერატურის ძეგლები, I, გვ. 91-100.

59. შატბერდის კრებული. გვ. 324.

60. სიმონ გოგიტიძე. ქართლის მოქცევის თარიღის დაზუსტება. გადაცემულია დასაბეჭდად შურნალ „მნათობის“ რედაქციით.

61. ქართლის ცხოვრება. ტ. I, გვ. 129.

62. იქვე, გვ. 64-65.

63. გეორგიკა, I, გვ. 101.

64. მოვსეს ხორენაცი. სომხეთის ისტორია. გვ. 282, შენიშვ. 19.

65. ივ. ჭავჭავიძე. ტ. I, გვ. 274.

66. მხედველობაში მაქვს ლეონტი მროველის ცნობა ბაკურ მირიანის ძის შესახებ. — ქართლის ცხოვრება. ტ. I, გვ. 130-131.

შოთა ზაქარიაძე

იასე რაჭველის პოსტენება

შურნალ „თეატრი და ცხოვრების“ 1920 წლის მეცხრე ნომერში ცნობილი მწერალი და საზოგადო მოღვაწე იოსებ იმედაშვილი წერდა:

„გახული წლის მარტში მოულოდნელად გარდაიცვალა სამშობლო ქვეყნის ერთი თავდადებული მოყვარულ-მოტრფიალეთაგანი, ძველი პოლიტიკური დევნილი, მწერალი და საზოგადო საქმეებით გატაცებული ადამიანი. ეს იყო იასე მაქსიმელის ძე მებჭულა — იასე რაჭველი.“

იასე რაჭველი თვითგანვითარებით ეწია სამშობლოს სამსახურის შეგნებას და სიყრმიდან მას მხნედაც შეუდგა. 50-იან წლებში ძველი მთავრობისაგან დევნილი გადახვეწილა საზღვარგარეთ, ოსმალეთს, სადაც პირველ განმათავისუფლებელ მოძრაობაში დარჩენილა. საბერძნეთსა და სტამბულში ყოფნის დროს შეუსწავლია თურქული, ბერძნული და სხვა ენები. ამავე დროს ქართულ შურნალ-ვაზეთებში წერილებს ათავსებდა. ადგილობრივ გადახვეწილ ქართველთა შორის სამშობლოს სიყვარულის იდეას ავრცელებდა. მამულიშვილობის გრძნობას აღვივებდა. დაწერა მოთხრობები: „მეექვსე ნომერი“, „რაშია ბედნიერება“, „მარიანა“, „უმანკო მსხვერპლი“, „მართალი კაცი“ და სხვ. გამოსცა წერილები თამარის, შოთას, ამირანის სურათებით, შესაფერისი წარწერებით, რომელსაც იმხანად დიდი მნიშვნელობა ჰქონდა. სამშობლოში დაბრუნებისას დიდ სამწერლო საქმეებს მოჰკიდა ხელი. მაგრამ საქმე ვერ წაუვიდა კარგად, ბოლოხანს ლაგოდებს გადასახლდა, სადაც, სხვათა შორის, დაიწყო ხელნაწერი შურნალის „მერეთის“ გამოცემა, რომელშიაც ჩვენს საეროვნო-საზოგადოებრივ და ადგილობრივ ვითარებას არკვევდა. ამ შურნალს საკუთარი ხელით წერდა და გეპტოგრაფზე ბეჭდავდა. ზემოთხსენებულ ნაწარმოებთა გარდა დარჩა მრავალი ხელნაწერი ლექსები, პოემები, წერილები, როგორც შედევნით მის ქვრივს და მეგობრებს განუწრახავთ ამ ნაწარმოებთა ცალკე გამოცემა, სწორედ კარგი განწრახვა.



იასე ჯერ შუახნის არც კი იქნებოდა და ამიტომაც მისმა მოულოდნელმა სიკვდილმა საერთო მწუხარება გამოიწვია. მასში სცემდა ნამდვილი მამულიშვილი დემოკრატიული და ნუშეც დაედევნა მსგავსნი გულნი ჩვენს სამშობლოს“.

ეს სტატია ცხადყოფს სამშობლოს სიყვარულით გულანთებული ერთი დაუცხრობელი მუშაკის მრავალმხრივ ლიტერატურულ და საზოგადოებრივ მოღვაწეობას.

იასე მეტწილად დაიბადა ოზურგეთის მაზრის სოფელ ბაილეთში, რვა წლის ასაკში მშობლებმა იგი სოფლის ერთკლასიან სასწავლებელში შეიყვანეს, სადაც მანინ მასწავლებლად მუშაობდა ბესარიონ ჭიჭინაძე, მეტად ჰუმანური და პროგრესულად მოაზროვნე დაამიანი. იმ ხანებში სკოლა დაუხურავთ, ხოლო იასე, როგორც ნიჭიერი მოწავფე, ბ. ჭიჭინაძემ დედ-მამის თანხმობით რაჭაში წაიყვანა და ორკლასიან სასწავლებელში მიიბარა.

იასე სკოლის დამთავრების შემდეგ ერთხანს რაჭაში დარჩა. იქ დაუახლოვდა არალეგალურ-პოლიტიკურ ორგანიზაციას. ეს ორგანიზაცია აღვილობრივმა პოლიციამ აღმოაჩინა და მისი მოთავენი დააპატიმრა. იასე გურიაში ბრუნდება და აგრძელებს არალეგალურ საქმიანობას. ეწევა ეთნოგრაფიულ მუშაობას, აარსებს ამხანაგობა „გეოგრაფი“, ესმარება ხელმოკლე ქართველ სტუდენტებს.

პოლიციის დევნისაგან თავდასაღწევად საზღვარგარეთ გაემგზავრება, იმოგზაურებს თურქეთში, საფრანგეთში, იტალიაში. პუბლიცისტურ წერილებს თავის მასწავლებლის ბ. ჭიჭინაძის და რაჭისადმი სიყვარულით შერქმეული ფსევდონიმით აქვეყნებდა „დროებაში“, „ივერიაში“, „კვალში“, „ჩვენს დროებაში“, იბეჭდებოდა აგრეთვე მისი რომანები, მოთხრობები, პოემები, ესენია: „მეექვსე ნომერი“ (კინორეჟისორ ალექსანდრე წუწუნავას განუზრახავს ამ რომანის კინოსცენარად გადაღება, მაგრამ ეს კეთილშობილური ჩანაფიქრი ვეღარ განუხორციელებია), „მარიანა“, „უმანკო მსხვერპლი“, „რაშია ბედნიერება“, „ფერი ფერსა, მადლი ღმერთსა“, „მართალი კაცი“ და სხვ. გარდა გამოქვეყნებული ამ ნაწარმოებებისა, მწერლის მრავალი ნაშრომი დაცულია საქართველოს ცენტრალური არქივის, თბილისის სახელმწიფო უნივერსიტეტის ბიბლიოთეკის ფონდებში და სოფელ ბაილეთის მუზეუმში, აქვე მოწყობილია სტენდი, მწერლის ცხოვრებისა და მოღვაწეობის ამსახველი ექსპონატებით.

1904 წელს იასე საქართველოში დაბრუნდა და განაგრძო თავისი მრავალმხრივი მოღვაწეობა. იმავე წელს თბილისის თვითმმართველობის გამგეობასთან დებს ხელშეკრულებას ჭეშრებზე ქვაფენილის დასაგებად. ქვები პირველ ხანებში საზღვარგარეთიდან შემოქონდათ, რაც დიდ სიძნელეებთან იყო დაკავშირებული. შემდგომი ძიების შედეგად აღმოჩნდა სამშენებლო ქვის კარიერი გელაოის მასლობლად სოფ. კურსებში, აგრეთვე სოფელ ბამბაკში.

1907 წელს ამხანაგობა „გეოგრაფი“ ფირმა ბათუმიდან თბილისში გადავიდა. იასემ კონვენციით აიღო მუხრანის რკინის ხიდის მშენებლობა მდინარე მტკვარზე. ხიდის პროექტი და მისი მხატვრული გადაწყვეტა შეასრულა არქიტექტორმა ნებრინოვმა, პროექტი მოიწონა პროფესორმა პატონმა. სწორედ ამ პროექტით დაიწყო ხიდის მშენებლობა ამხანაგობა „გეოგრაფი“, რაც 1911 წლის 8 მაისს დამთავრდა და სასწიემო პითარებაში გაიხსნა, ამ ხიდმა დიდი სამსახური გაუწია თბილისელებს, ვიდრე ის 1968 წელს თანამედროვე ტიპის ბარათაშვილის ახალი ხიდით შეიცვლებოდა.

იასე რაჭველი თბილისში ცხოვრობდა ყოფილი ვარდისუბნის (ამჟამად ს. ჯანაშიას) ქუჩაზე.

იასე რაჭველი დაუცხრომელ მოღვაწეობას ეწეოდა აგრეთვე ქართველთა შორის წერა-კითხვის გამავრცელებელი საზოგადოების საქმიანობაში.

როგორც აღვნიშნეთ, იასე რაჭველი თანამშრომლობდა მასინდელ ყველა პერიოდში.

დულ გამოცემაში. მათ შორის ქართულ სალიტერატურო გაზეთ „ჩვენს დროებაში“, რომელიც სოფრომ მაგლობლიშვილის რედაქტორობით გამოდიოდა თბილისში 1912-1913 წლებში.

საინტერესოა ამ გაზეთის ისტორია. როგორც ცნობილია, რეაქციის პერიოდში მეფის ცენზურა სასტიკად კრძალავდა ქართული გაზეთების გამოცემას. პროგრესულად მოაზროვნე ქართველი მამულიშვილები კი დღენიადაგ ზრუნავდნენ მშობლიურ ენაზე ამბეჯველებული გაზეთის შენარჩუნებაზე. ამის თაობაზე გამოჩენილ საზოგადო მოღვაწეს ნიკო ნიკოლაძეს არაერთხელ მიუწერია ქართული ლიტერატურის მოღვაწეობის სადმი, მათ შორის სოფრომ მაგლობლიშვილისათვის, ჯერ კიდევ მისი პეტერბურგში მოღვაწეობის პერიოდში. 1909 წლის 5 ივლისს კი ნიკო ნიკოლაძე ფოთიდან, როცა ის ამ ქალაქის თავი იყო, ს. მაგლობლიშვილს წერდა:

„შენი ჭკუის, ნიჭის და გამოცდილების კაცს ნუთუ ჩვენს ქვეყანაში, სადაც ეს მარად იშვიათი საშოვავ, მუშაობა და საქმელი არ მოეპოვება? ის საქმე, რომელზედაც გწერ (გაზეთისა) ჩინებული, საჭირო, მომავლიანი საქმეა, უნდა რიგიანად გავაწესრო. გოთ! არ შეიძლება ჩვენი ქვეყნის და მისი მომავლის, მისი ბედის ჩატოვება იმ უმეტარნი და უსუსური ხელმძღვანელობის ხელში, ვინც ჩვენს პრესას დღეს სათავეში უდგანან. გამოიღვიძე, აღსდექე, ემსახურე ამ საქმეს და მიაღიე მას, რაც ღმერთს შენთვის ძალა და გონება მოუცვია“ (გ. ლეონიძის საქ. სახ. ლიტერატურული მუზეუმი, ს. მაგლობლიშვილის პირადი ფონდი № 15.871-ს).

მართლაც, ნ. ნიკოლაძის და სხვათა დაუცხრომელი ზრუნვით 1911 წლის 23 დეკემბერს ქართველმა საზოგადოებრიობამ ს. მაგლობლიშვილის რედაქტორობით მიიღო ახალი ყოველდღიური საპოლიტიკო და სალიტერატურო გაზეთი „ჩვენი დროება“. გაზეთის უახლოეს თანამშრომლებად ითვლებოდნენ ე. გორდელაძე, გ. გაჩეჩილაძე, ი. ანდრონიკაშვილი, მ. ამირეჯიბი, ი. გომართელი, პ. გოთუა, ფ. გოგიჩაიშვილი, ზ. გულისაშვილი, ი. ევლოშვილი, ვ. გუნია, ი. როსტაშვილი, ნ. ნიკოლაძე, იანე რაჭველი, მ. ჯანაშვილი, ვლ. შალიაშვილი, ზ. ჭიჭინაძე და სხვ.

მართალია, ამ გაზეთმა დროის მცირე მონაკვეთში — 1912 წლის 23 დეკემბრიდან 1913 წლის 2 თებერვლამდე იარსება, მაგრამ მაინც მნიშვნელოვანი როლი შეასრულა ქართული სალიტერატურო აზროვნების განვითარების საქმეში, ეს ის პერიოდია იყო, როცა ქართულ სინამდვილეზე საუბარი იკრძალებოდა, მხოლოდ შეფარვითა და გადაკრული ნათქვამი აღწევდა მკითხველამდე, საგულისხმოა, რომ გაზეთი, სხვა მრავალ საკითხთან ერთად, ვრცლად აშუქებდა ათონის ივერთა მონასტრის მფარველობისა და დაცვის მნიშვნელოვან საკითხებს.

გაზეთი „ჩვენი დროება“ ერთ-ერთ ნომერში ბეჭდავს იანე რაჭველის საინტერესო წერილს „წმიდა ათონის მთა“, რომელშიც ავტორი მკითხველებს დაწვრილებით მოუთხრობს ათონის მთაზე გაშენებულ ქართველთა მონასტრის ისტორიას დასაბამიდან მეოცე საუკუნემდე, ეს წერილი გამოირჩევა საინტერესო თხრობით, ისტორიულ ფაქტების მოხმობით, ყველაფერი მოჭირნახულის თვლით იყო დანახული და განცდილი.

წერილმა დიდი ინტერესი გამოიწვია მკითხველთა შორის და არაერთი გამოხმაურებაც დაიბეჭდა გაზეთის მომდევნო ნომერებში.

„ჩვენი დროება“, როგორც პროგრესულ-დემოკრატიული მიმართულების პერიოდული ორგანო, კარგად გრძნობდა საქართველოს საზოგადოებრივი ცხოვრების მაქსიმალურად, თავის ფურცლებზე მკაფიოდ ასახავდა ყოველდღიურობით აღძრულ პრობლემებს, უხვად ბეჭდავდა ნიჭიერ ავტორთა მიერ ცოცხალი, სხარტი ენით დაწერილ საინტერესო უტატიებს, პუბლიცისტურ წერილებს, მიმოხილვებს, ინფორმაციებს, რითაც

ამავნიებდა მკითხველის უურადლებას იმ ეროვნულ და სოციალურ უსამართლობაზე, რომლის აღსაკვეთად ხალხი უკვე ირავმებოდა.

როგორც აღინიშნა, გაზეთმა „ჩვენმა დროებამ“ მიუხედავად ხანმოკლე არსებობისა, ცნობილი ქართველი მწერლის და საზოგადო მოღვაწის სოფრომ მაგლობლიშვილის რედაქტორობით მტკიცედ დაიმკვიდრა პროგრესულ-დემოკრატიული მიმართულების იდეა, სახელოვნად გააგრძელა ილია ჭავჭავაძის მიერ შექმნილი ეროვნული პრესის ტრადიციები და სათანადო კვალი გაავლო მეორე საუკუნის ათიანი წლების ქართულ პუბლიცისტიკაში.

იასე რაჭველი აქტიური თანამშრომელი იყო ამ გაზეთისა მისი არსებობის მანძილზე და არაერთი საინტერესო წერილი გამოუქვეყნებია მის ფურცლებზე.

შემდეგ ის საცხოვრებლად ლაგოდეხში გადადის, აქაც დაუცხრომელ შემოქმედებით მოღვაწეობას ეწევა. დაიწყო ხელნაწერი უურნალ „ჭერეთის“ გამოცემა, რომელშიაც ჩვენს საეროვნო-საზოგადოებრივ და ადგილობრივ ვითარებას აშუქებდა. ამ უურნალს საკუთარი ხელით წერდა, შემდეგ გექტოგრაფზე ბეჭდავდა და ავრცელებდა.

ეს მრავალმხრივი ლიტერატურული და საზოგადო მოღვაწე მოულოდნელად გარდაიცვალა ლაგოდეხში 1919 წლის მარტში, ახლობლებმა მისი ცხედარი მშობლიურ ბაილეთში გადმოასვენეს და დაკრძალეს წმინდა გიორგის ეკლესიის გალავანში თავისუფლებისათვის მებრძოლ ნიკოლოზ მეზუზლას გვერდით. საფლავის ქვაზე, რომელზედაც ვაჟის მტევნები და ფოთლებია გამოსახული, ამოკვეთილია წარწერა: „ამა ძეგლსა ქვეშ განისვენებს გვამი იასე რაჭველი-მეზუზლასი, საზოგადო მოღვაწე, ბელეტრისტი, დაიბადა 1860 წელს, გარდაიცვალა 1919 წელს“.

ანჯიო ფუნიო

კოლონელი კარტოგრაფები საქართველოში*

ქართველ და პოლონელ ხალხებს ხანგრძლივი პოლიტიკური და კულტურული ურთიერთობა აკავშირებთ. ამაში გარკვეული როლი შეასრულეს იმ პოლონელმა კარტოგრაფებმაც, რომლებიც მც-19 საუკუნის დამდეგიდან მოღვაწეობდნენ თბილისში.

ცნობილია, რომ საქართველოს ანექსიამ და ცარიზმის დამკვიდრებამ ამიერკავკასიაში დღის წესრიგში დააყენა ზუსტი კარტოგრაფიული რუკების შედგენა, რასაც უნდა გაეადვილებინა ამ რეგიონში რუსთა სამხედრო მოქმედება. ამ მიზნით 1842 წელს კიდევ ჩამოყალიბდა კომისია, რომელსაც ხელმძღვანელობდა პოლონელი იოზეფ ნოდკო. კომისიას ევალდებოდა შეექმნა ამიერკავკასიის ტრიანგულაცია, ე. ი. ამიერკავ-

* პოლონეთის ქალაქ პოზნანის მკვიდრის ანჯეი ფურიეს ეს სტატია დაწერილია სპეციალურად ურნ. „ქოროხისათვის“.

კასიის ზუსტი საყრდენი გეოდეზიური პუნქტების ქსელი. დაღესტნის იმა შემოღობი (1797-1871) ომმა აღნიშნული საქმე შეაყვანა. მხოლოდ 1847 წლიდან მოხერხდა კომისიის მუშაობის განახლება, რაც 1853 წლისათვის დასრულდა. კომისიამ განსაზღვრა ზღვის დონიდან 1380-მდე დასახელების გეოგრაფიული პუნქტის ზუსტი მდებარეობა. ამ სამუშაოთა ნახევარი პირადად ი. ხოძკომ შეასრულა. ამ დიდი სამსახურების გამო იგი 1858 წელს დაწინაურეს და დანიშნეს ამიერკავკასიის სამხედრო-ტოპოგრაფიული მთავარი შტაბის განყოფილების უფროსად.¹

1867 წლიდან ი. ხოძკოს საქმე განაგრძო ხერონიმ სტენნიციმ. მის სახელთანაა დაკავშირებული 1853 წლის 20-ვერსიანი საზღაო რუკის შედგენა, 1865 წელს მთლიანი კავკასიის 10-ვერსიანი, ხოლო შემდეგ ზოგიერთი რეგიონისათვის 3-ვერსიანი რუკების შექმნა. დაკვირვებებს იგი აწარმოებდა თურქეთის და ყუბანის ზოგიერთ რაიონებზეც. 1869 წელს ხ. სტენნიციმ დაასრულა მუშაობა კავკასიის 5-ვერსიან, 55 ფურცლისაგან შემდგარ რელიეფურ რუკაზე, რომელიც ჯერ კიდევ ი. ხოძკომ დაიწყო. იმავე წელს რუკა გაიგზავნა პარიზში მსოფლიო გეოგრაფიული საზოგადოების გამოფენაზე, სადაც დიდი მოწონება დამსახურა. ხ. სტენნიცი აქტიურად მონაწილეობდა მსოფლიო გეოგრაფიული საზოგადოების სხვადასხვა კონგრესებზე (ბერლინი, ვარშავა, ვაშინგტონი). დიდი სამსახურებისათვის ხ. სტენნიცი აამაღლეს ჩინში და 1885 წ. დანიშნეს პეტერბურგის მთავარი შტაბის სამხედრო-ტოპოგრაფიული განყოფილების უფროსად.²

ჩვენ შევძელით დაგვედგინა საქართველოში ხანგრძლივად მცხოვრები კიდევ ერთი დღემდე უცნობი პოლონელის ვინაობა, რომელიც აქტიურად მოღვაწეობდა კარტოგრაფიულ საქმიანობაში. ესაა მიხეილ გოლემბიოვსკი. იგი 1846 წ. 18 ოქტომბერს დაიბადა კრაკოვში, განათლება კი მიიღო რუსეთში. ნოვგოროდის გიმნაზიის დასრულების შემდეგ შეუდგა სამხედრო ტოპოგრაფიის კარიერას. 1860 წლისათვის უნტეროფიცირია. 1874 წელს კი დანიშნეს კავკასიის სამხედრო ტოპოგრაფიულ განყოფილებაში, სადაც აწარმოებდა ტოპოგრაფიულ გადაღებებს ქობულეთის, ენგურის და არდაგანის რაზმების შემადგენლობაში. 1877-78 წწ. რუსეთ-თურქეთის ომის დროს და შენობა აჩვენებდა ჩამოვიდა ბათუმში, საზღვრის ხაზის დასადგენად იმოგზაურა აჭარაში და ახლადშემოერთებული ე. წ. „სამუსლიმანო საქართველოს“ სხვა რეგიონშიც). 1882-86 წწ. იგი მუშაობს კასპის ოლქში, ირანის საზღვართან, იქაც ტოპოგრაფიული სამუშაოების შესრულების მიზნით. შემდეგ მ. გოლემბიოვსკი პეტერბურგის მთავარი შტაბის სამხედრო-ტოპოგრაფიულ განყოფილებაში გადაიყვანეს, თუმცა მცირე ხნით, რადგან მალე ისევ დააბრუნეს კასპის ოლქში აღრე დაწესებულ სამუშაოთა დასასრულებლად. 1888 წელს თბილისში დაბრუნდა და დაინიშნა კარტოგრაფიული სამუშაოების მწარმოებლად კავკასიის კორპუსის სამხედრო-ტოპოგრაფიულ განყოფილებაში.

რუსეთ-იაპონიის ომის დროს, 1904-05 წლებში, მ. გოლემბიოვსკი მანჯურიის მე-3 ცხენოსანი არმიის შტაბის შემადგენლობაშია. აქ იგი მონაწილეობს ტერიტორიაზე აწარმოებს ტოპოგრაფიულ გადაღებებს. ცნობილი კარტოგრაფი მომდევნო წლებშიც აგრძელებს ამიერკავკასიის რუკებზე მუშაობას. 1908-14 წწ. იგი აირჩიეს რუსეთ-თურქეთის სასაზღვრო კომისიის წევრად, ხოლო 1917 წელს სტატუს-სოვეტნიკის თანამდებობაზე დაინიშნა.

ოქტომბრის რევოლუციის შემდეგ, 1917-1918 წლებში, ამიერკავკასიაში მომხდარი ცვლილებების ზეგავლენით ტოპოგრაფიული კორპუსი დაიშალა, მაგრამ სხვა თანამშრომელთა მსგავსად მ. გოლემბიოვსკი საქართველოდან კი არ წავიდა, არამედ დარჩა თბილისში და თანამშრომლობდა რესპუბლიკის დემოკრატიულ მთავრობასთან. სამწუხაროდ, ჯერჯერობით უცნობია ამ მხრივ მისი გაწეული მუშაობის მასშტაბი, კერ-



ძოდ, კონკრეტულად რა დავალებებს უსრულებდა იგი ახალგაზრდა რესპუბლიკის ეროვნულ მთავრობას. საფიქრებელია, უაღრესად გამოცდილი და ერუდირებული კარტოგრაფის ნიჭი და უნარი გამოყენებულ იქნა ახალგაზრდა რესპუბლიკის საზღვრების დასადგენად, აგრეთვე საქართველოს იმ რუკების შესადგენად, რომლებიც შემდეგ ევროპის სახელმწიფოებსა და ერთა ლიგას წარუდგინეს.

1921 წელს საქართველოში საბჭოთა ხელისუფლება დაიპყარდა. მალე დაიწყო რეპრესიებიც. სამსახურიდან დაითხოვეს ძველი არმიის ოფიცრები და საქართველოს რესპუბლიკის დემოკრატიულ მთავრობასთან ურთიერთობაში ექვმიტანილი პირები. სასჯელი ელოდა მ. გოლემბიოვსკისაც, მაგრამ უკანასკნელ მომენტში იგი იხსნა თავისი მეგობრის შვილმა მე-11 წითელი არმიის მეთაურმა ლევანდოვსკიმ. სწორედ ამ უკანასკნელმა კავკასიის სამხედრო ოლქის შტაბში სამუშაოდ მიიწვია მ. გოლემბიოვსკი. აქ მან მცირე ხანს დაჰყო, რადგან 1924 წელს დეპუტატობის კარტოგრაფი პენსიაზე გავიდა. ცხოვრობდა თბილისში და აქვე გარდაიცვალა 1930 წელს. იგი დაკრძალეს ვაკის სასაფლაოზე (დღეს საფლავი დაკარგულია).

ო. გოლემბიოვსკი სხვადასხვა დროს დააჯილდოვეს წმ. ვლადიმირის მე-4 ხარისხის, წმ. ანას მე-2 და მე-3 ხარისხის, წმ. სტანისლავის მე-2 და მე-3 ხარისხის ორდენებით, რუსეთ-იაპონიის 1904-05 წლების ომის სამახსოვრო მედლით.³

მ. გოლემბიოვსკისა და სხვა პოლონელი კარტოგრაფების მოღვაწეობა საქართველოში ჩვენი ორი ხალხის კულტურული ურთიერთობის ისტორიის საინტერესო ფურცელია.

შენიშვნები

1. Некролог Ю. И. Ходзько. Известия Кавказского отдела императорского Русского Географического общества, т. 7, Тиф., 1882 — 83 гг., с: 1b — 39.
2. Некролог Г. И. Стебницкого, Указ, Сборник, Т. 12, Тиф., 1898, с. 1—2.
3. Интервью с М. Голембиовским от 15.03.1988 г.; Так же, Послужной список Михаила Кизимировича Голембиовского, составлен на 1 июля 1918 г. (В архиве автора).



შიჰრები დედაზე

— მუდამ თავზე დაგვტრიალებს,
 ვხალისობთ თუ ვწუხვართ.
 გიყვარს დედა?
 — უსათუოდ!
 დედა ვის არ უყვარს.
 — დღე და ღამე არ ისვენებს,
 ჰგვის,
 აჩაღებს ბუხარს...
 გაყვარს დედა?
 — უსათუოდ!
 დედა ვის არ უყვარს.
 — დედა ზრუნავს ყველაფრისთვის,
 სითბოს გვაწვდის უხვად...
 გიყვარს დედა?
 — უსათუოდ!
 დედა ვის არ უყვარს.

პატარა მებაღეები

გამოვედით მე და დათო
 ბაღში ძლიერ ადრე,
 მან ქლიავის ნერგი დარგო.
 მე კი ატმის დავრგე.
 ძამიკოზე უფროსი ვარ,
 თითქმის კაცი მქვია...
 მე თუ მკითხავთ, სწავათა შორის,
 ატამს ვარჩევ ქლიავს.

სვთისო

რა ბიჭი ვარ,
 რა ბიჭი ვარ, —
 გაიფიქრა სვთისომ. —
 ათი კბილი უკვე მქონდა,
 ორიც ამომდისო!

ხელოსანი შოთიკო

ჩვენი ბიჭი შოთიკო
 იმედია მამის,
 მოიტანა.
 დაჭედა
 მორყეული სკამი.
 შეაკეთა მაგიდა,
 საყვავილე სურა,
 ახლა ჩარჩოს ულაქავს
 დიდი ბებოს სურათს...
 უცქერიან,
 ხარობენ,
 მოსწონთ ძიაკაცებს —
 დგამია თუ ავეჯი
 ახალივით აქცევს;
 ეხერხება დაჭედვა,
 გალაქვა და გათლა...
 გაიზრდება, იქნება
 ხელოსანი მართლა.

რა მოსავალი

არაფერს არ ვიგონებ,
 მოგახსენებთ ნამდვილს —
 გუმინ ბიჭმა ტიტტიკომ
 წაიხმარა ნაღი.
 დატრიალდნენ ყანაში
 შოთა,
 ბახვა,
 ნუკრი...
 მოსავალი აიღეს
 მართლაც უხვზე უხვი,
 განა მარტო ბებიას,
 ბაბუასაც უკვირს.

ბასულ ორ თვეში



„საპარტიველოს მემღვაურნი“

„თეთროსანი“

გამოვიდა საქართველოს საზღვაო სა-
ნაოსნოს განახლებული გაზეთი „მორიაკ
გრუზი“, რომელიც ამიერიდან ქარ-
თულ-რუსულ ენებზე გამოვა და „სა-
ქართველოს მემღვაური — „მორიაკ
გრუზი“ ეწოდება. გაზეთი კვირაში
ერთხელ გამოვა, პირველი ნომერი
თორმეტგვერდიანია, მრავალ საინტერე-
სო მასალას ბეჭდავს და 15 კაპიკი
ღირს. იგი ოფსეტური წესით არის და-
ბეჭდილი აპარის პოლიგრაფიული სა-
წარმოო გაერთიანების სტამბაში.

ახალი გაზეთის პირველი გვერდი სა-
რეკლამო ხასიათისაა. აქ მოთავსებულია
მხატვრული პლაკატი სოხუმის, ფოთის
და ბათუმის ნავსადგურების ფოტოსუ-
რათები, მეორე გვერდი მთლიანად
ეთმობა საქართველოს საზღვაო სანაოს-
ნოს უფროსის გენერალ კივლიანის სტა-
ტიას „კარდინალური გადაწყვეტილებე-
ბის და მოქმედებების დრო“. მესამე გვე-
რდზე მოთავსებულია მიმართვა ქარ-
თულ-რუსულ ენებზე: „ჩვენს მკითხვე-
ლებს“, რომელიც განახლებული გაზე-
თის ამოცანებსა და პერსპექტივებზე მო-
გვითხრობს. აქვეა განყოფილება „მო-
საზრებები, წინადადებები“, სადაც სა-
ნაოსნოს სოციალური განყოფილების
ინსპექტორი რ. ნაკაშიძე, სასწავლო-
საკურსო კომბინატის მეთოდისტი
ი. პროხორსკაია და ტანკერ „იუსუფ
კობალაძის“ ეკიპაჟის წევრი თ. შერკ-
ვილაძე მიესალმებიან განახლებული
გაზეთის გამოცემას.

მკითხველი მრავალ საინტერესო, აქ-
ტუალურ მასალას გაეცნობა გაზეთის
ფურცლებზე სანაოსნოს, მისი ნავსად-
გურების, გემების, საწარმო-დაწესებუ-
ლებების კოლექტივების შრომასა და
სოციალურ საკითხებზე, მომავლის
პერსპექტივებზე.

მკითხველმა მიიღო არაპერიოდული
გაზეთის „თეთროსნის“ პირველი რვა-
გვერდიანი ნომერი. იგი იხსნება საქარ-
თვლოს რესპუბლიკის სახელმწიფო ჰიმ-
ნით „დიდება“.

„შენ ხარ მარადიული, განუყრელი და
ერთგული წევრი და მსახური შენი
მშობლიური საქართველოსი“. ეს ერთ-
ერთი შეგონებაა იმ ათთაგან, რომელიც
მიხეილ ჯავახიშვილს ჩაუწერია ქალი-
შვილის ალბომში და რომელსაც გაზეთი
პირველ გვერდზე გვთავაზობს.

მომდევნო გვერდებზე მკითხველი გა-
ეცნობა ფრიდონ ხალვაშის, ურუჟანა ლა-
ჩიშვილის, ზურაბ ფირცხალაიშვილის,
ნათია პაპაშვილის, ოთარ ფუტკარაძისა
და სხვათა წერილებს, ცისანა ანთაძის
ლექსებს.

„თეთროსანი“ მესამე გვერდზე აქვეყ-
ნებს „მრგვალი მაგიდა — თავისუფალი
საქართველოს“ აპარის რეგიონალური
ორგანიზაციის პირველი სხდომის ანგა-
რიშს, აგრეთვე „მრგვალი მაგიდა —
თავისუფალი საქართველოს“ აპარის რე-
გიონალური ორგანიზაციის მიმართვას
მოსახლეობისადმი.

გაზეთი გვთავაზობს უურნალისტ მა-
რინა კუპრეიშვილის ინტერვიუებს დე-
პუტატ რამაზ სურმანიძესთან და აპა-
რის სააფთაქო სამმართველოს უფროს-
თან თემურ ფალავანიშვილთან.

„საქართველო დღეს წაგავს მსუქან
დუმას, გარეშე კაცი მიეტანა ამ დუ-
მას და ნელ-ნელა აცლის კაი-კაი ნაჭ-
რებს. უფრო მღაბიოდ რომ მოგახსენ-
ოთ, ჩვენი ტერიტორია სხვის ხელში
გადადის და ჩვენ, ქართველები, ამ დუ-
მის თლას, ამ მიწა-წყლის გადასვლას
სხვის ხელში როდი ვეწინააღმდეგებით
სასტიკად. როგორ ეკადრება ასეთო
საქციელი ჩვენს კეთილშობილებას!“ —

ეს სიტუაციები დღეს როდია დაწერილი. იგი 1908 წელს დაუწერია ვაჟა-ფშაველას, წერილს, რომლის ფრაგმენტი შემოგთავაზეთ, გაზეთი მეხუთე გვერდზე აქვეყნებს.

მერვე გვერდზე გაზეთი ბეჭდავს ბათუმის ღვთისმშობლის ტაძრის წინამძღვრის დეკანოზ დავით შიოლაშვილის საშობაო მილოცვას, აგრეთვე ალილოებს.

„თეთროსანში“ შეგიძლიათ წაიკითხოთ სულიერი ინოვაციის (ინაშვილის), ვანტანგ აბულაძის ლექსები, გაეცნოთ მშრომელთა წერილებსა და საინტერესო ინფორმაციებს.

„წმინდა გიორგი“ ასე ჰქვია ჭეშაღვაძის წერილს, რომელიც პირველ გვერდზეა დაბეჭდილი.

რთხსსაფხვსურიანი გიმნაზია

ბათუმის ღვთისმშობლის ეკლესიის ინიციატივით მომავალი სასწავლო წლისათვის მწყობრში ჩადგება ანდრია პირველწოდებულის სახელობის გიმნაზია, რომელიც მერვე საშუალო სკოლის ბაზაზე ჩამოყალიბდება და რადიკალურად განსხვავებული იქნება ჩვენთვის ნაცნობი სასწავლებლებისაგან.

გიმნაზია ოთხსაფეხურიანი იქნება. პირველი ხაფხური — დაწყებითი სკოლა (1-4 კლასების ჩათვლით), მეორე — სპეციალიზებული სკოლა (5-9 კლასების ჩათვლით), მესამე — კოლეჯი (10-11 კლასების ჩათვლით) და მეოთხე — სასულიერო სემინარია.

ყოველი კლასი დაიყოფა ორ ჯგუფად (თითოეულში 10 ბავშვი), ქალები და ვაჟები ცალ-ცალკე ისწავლიან. მოსწავლეები ვასაუბრებთ მიიღებინ. მე-4 კლასის დამთავრების შემდეგ გამოიყვითება, თუ ვის შესწევს უნარი სწავლა განაგრძოს სპეციალიზებულ სკოლაში. ამის საფუძველზე მოხდება განთესვა და გარკვეული მომზადების შემდეგ ვაკან-

ტური ადგილების შევსება სწავლანსკა სკოლებიდან.

სპეციალიზებულ სკოლაში გაძლიერებული იქნება ჰუმანიტარული, საღვთისმეტყველო და უცხო ენების სწავლება, აქაურ კურსდამთავრებულებს უფლება ეძლევათ გამოცდები ჩააბარონ ნებისმიერ უმაღლეს სასწავლებელში.

გიმნაზია დაემორჩილება საპატრიარქოს განათლების სამინისტროსთან ზოგიერთი საკითხის შეთანხმებით. პროგრამებს და სახელმძღვანელოებს შეადგენს თითოეულ საგანში ცალკე გამოყოფილი კომისია.

ჩვეულებრივი საგნების გარდა, გიმნაზიაში შემოიღებენ საღმრთო რჯულს, საეკლესიო გალობას და კატეხიზმოს (ქრისტიანული ღვთისმეტყველება მის მოკლე გადმოცემა კითხვა-პასუხის სახით).

მართალია, გიმნაზიაში სწავლება ფასიანი იქნება, მაგრამ გადასახადი სიმბოლური უფროა. შედავთს გაუწევინებთ, ვისი სამი შვილიც ერთად ისწავლის. გარდა ამისა, აპირებენ ბავშვთა სახლებიდან აღსაზრდელების მიღებას. მაშინ მათთვის გიმნაზია პანსიონატის სტილზე გადაკეთდება.

ძირითადად სასწავლებელი იარსებებს საკუთარ სასაბურთე მეურნეობის ბაზაზე. იგი ქალაქგარეთაა და ეკლესიის შეწირულობის სახით გადასცა პიროვნებამ, რომელმაც უცნობად დარჩენა მოისურვა.

საქართველოს საზღვაო სანაოსნო გიმნაზიაში თავისი სარჩებით მოაწყობს ლინგუონის კაბინეტს, რომელიც დაემარება პატარებს უცხო ენების უკეთ ათვისებაში.

გიმნაზიაში სემესტრულ სწავლებას შემოიღებენ. პირველი სემესტრი 14 სექტემბრიდან 18 დეკემბრამდე გაგრძელდება. მერე საშობაო არდადეგებში 19 იანვრის ჩათვლით, 20 იანვარს დაწყება მეორე სემესტრი და 13 მარტი-



მდე გახტანს. თამარობას სასწავლო წე-
ლი საწვიმოდ დაიხურება.

ქველმოქმედება

პროფკავშირული ორგანიზაციების
ინიციატივით საკურორტო კერებში
დროებით მცხოვრებ მაღალმთიანი ქა-
რის სტიქიისაგან დაზარალებულ ოჯა-
ხებს, ფერიის მოსულებულთა და ინვა-
ლიდთა სასახლს, აათუმისა და მახინჯაუ-
რის ქავეშვი სახლებს, კურორტზე სა-
ფურნალოდ და დასასვენებლად ჩამო-
სულ ჩერნობილის ზონის ბელორუს ბა-
ვშევებს ზუთითაასამდე მანეთის საჩუქ-
რები გადასცეს, ამასთან დაინტერესდნენ
მათი ყოფაცხოვრების, მკურნალობის,
დასვენების პირობებით, დახმარება
აღუთქვეს ზოგიერთი საკიბობოროტო სა-
კითხის გადაწყვეტაში.

იმავე დღეებში დიდძალი საჩუქრები
ჩაბარდა აჭარის წითელი ჯვრის მოწყა-
ლების ფონდს მარტოხელა ავადყო-
ფებისათვის გადასაცემად.

მას შემდეგ, რაც პროფკავშირის საო-
ლქო კომიტეტმა დამოუკიდებლობის
სტატუსი მოიპოვეს, უკვე შეწყვიტეს
შემდგომი პროფკავშირული ორგანოე-
ბისათვის დიდძალი თანხების გადარი-
ცნვა, ახლა ისინი თავად განაგებენ სა-
კუთარ შემოსავლებს, რის მეოხებითაც
პროფკავშირებს მოწყალებისა და ქველ-
მოქმედებისათვის უფრო მეტი შესაძ-
ლებლობები შეექმნათ. ცხადია, ამ მხრივ
მოზიდული მათი საქმიანობა უფრო
მასშტაბური გახდება.

* * *

ქობულეთელ მრავალშვილიან პედა-
გოგ დედებს, რომლებმაც შობეს და აღ-
ზარდეს ზუთი და მეტი შვილი და
მუსლიჩაუბრელად ემსახურებიან ერის
ნათვული მამულიშვილების აღზრდას,
ნათლისღების დღესასწაულის დღეებში
მატერიალური დახმარება გაუწია საქა-

რთველოს რესპუბლიკის გარეგნო
საბჭოს მოყვარი სამეურნეო სამმართველო
ველოს ჯანმრთელობის კერებისა და
დამხმარე სოფლის მეურნეობის სამმარ-
თველოს უფროსმა ზაურ ღლონტმა.
შეაღბაღებია ისიც, რომ ამ საქმეოდ
დიდი რაიონის მრავალრიცხოვან პედა-
გოგთა კოლექტივში არც თუ ცოტა
ყოფილა მრავალშვილიანი დედა. ქველ-
მოქმედების თანხა, რომელიც რაიონის
პედაგოგი ქალებისათვის გაიღეს, შეა-
დგენდა უნაწი მანეთს. იგი ამჯერად
ჩვიდმეტ ლედას გაუნაწილდა.

* * *

აჭარის კოოპერატორები კვლავაც
ერთგულნი არიან ქველმოქმედებისა.
შარზანდულად წელსაც უკვე დასახმარე-
ბლად გარკვეული თანხები გადაურიც-
ხეს სხვადასხვა საზოგადოებრივ ორგა-
ნიზაციებს. მათ შორის ათი ათასათი
ათასი მანეთი — რუსთაველის საზო-
გადოების აჭარის ორგანიზაციას, ქალ-
თა დამოუკიდებელ საქველმოქმედო
ასოციაცია „მანდილს“, „სამაჩაბლოს
აღორძინების ფონდს“ და საქართველოს
ეროვნული თავდაცვის ფონდს. ამას
გარდა, კოოპერატორებმა სამაჩაბლოში
მყოფ ქართველ მილიციელებს საჩუქ-
რად გაუგზავნეს 16 ათასი მანეთის
პროდუქტი.

ახალი მორეორაფიული ანსამბლი

ბათუმელმა ხელოვნების მოყვარუ-
ლებმა, მთელმა საზოგადოებრიობამ,
კარგი საჩუქარი მიიღეს. ილია ჭავჭავა-
ძის სახელობის სახელმწიფო დრამა-
ტულ თეატრში პირველი კონცერტი გა-
მართა ახლად შექმნილმა ქორეოგრა-
ფიულმა ანსამბლმა „სორუმმა“.

„სორუმი“ თანამოაზრეთა, ხალხურ
ხელოვნებაზე უსაზღვროდ შეყვარე-
ბულ ახლგაზრდათა ანსამბლია.

სცენაზე მაყურებელმა იხილა „ფერ-

სული“, „ქართული“, „მთიულური“, „განდაგანა“, „ხორუმი“, „ოსური“, „სამაია“, მოკლედ, მთლიან სექტორი ჩვენი ეროვნული ქორეოგრაფიას, ახლად შექმნილ ანსამბლშია აგრეთვე ქართული ხალხური სიმღერების ცნობილ შემსრულებელთა ჭგუფი თემურ დოლიძის ხელმძღვანელობით. პრემიერის ხელმძღვანელის „ხორუმის“ წევრებს მიესალმნენ მოსწავლე ახალგაზრდობის სახანოს აღსაზრდელები, ქალაქის ინტელიგენციის წარმომადგენლები.

აღსანიშნავია, რომ „ხორუმის“ პირველი საჯარო კონცერტის საპატიო სტუმარი გახლდათ ქალაქ ტრაპიზონის მერის მოადგილე, ჩვენი თანამემამულე ჯაფერ ხაზაროღლი მეუღლითურთ, ბატონი ჯაფერი მეტად მოხიბლა ქართული ქორეოგრაფიული და მუსიკალური ხელოვნების ნიმუშების ხილვამ და ანსამბლის ხელმძღვანელებს შესთავაზა

კონცერტების გამართვა ტრაპიზონში ახლა თვით ხელმძღვანელების შესახებ. „ხორუმი“ შეიქმნა კოოპერატივ „გზატკეცილთან“, მისმა ხელმძღვანელმა პამლეთ მიქაძემ და ვახტანგ მღელუმ დიდი სიუვარული და დაინტერესება გამოიჩინეს, თუნდაც მათი შესანიშნავად დამზადებული კოსტიუმების ხელკუთრივ საცავთა ნომრებს, აქ თავისი სიტყვა თქვეს ანსამბლის სამხატვრო ხელმძღვანელმა და მთავარმა ჯორჯორაფმა გენო ქელიძემ, ქორეოგრაფიკა თამარ მითაიშვილმა და მალხაზ გოგობერიძემ, ანსამბლის დირექტორია ნოდარ სურმანიძე, აკომპანიატორები — ენვერ და ზურაბ დოლობერიძეები. იაშა ცენტრადე და დათო ზაქარიადე, ხორუმელებს ჯერ საკუთარი სარეპეტიციო დარბაზი არა აქვთ და სასტუმრო „მესხეთის“ კლუბის სცენაზე იკრიბებიან.



3360 60 333.

0 9 1
საქართველოს
საბჭოთავო

ЛИТЕРАТУРНО-ХУДОЖЕСТВЕННЫЙ
И ОБЩЕСТВЕННО-ПОЛИТИЧЕСКИЙ ЖУРНАЛ

„**ЧОРОХИ**“

ОРГАН СОЮЗА ПИСАТЕЛЕЙ
ГРУЗИИ И АДЖАРСКОГО ОТДЕЛЕНИЯ

ИНДЕКС 76118